

دموع اللقاء

الكاتب

إبراهيم هاشم



دموع اللقاء

دموع اللقاء

إهداء

الي من سكنت الروح والي من خُذلت مني والي
الشخص الذي كنت اشعر معه بالراحة في الكلام
والمناقشة والجدال والي من جرحتها

حَبِيبَتِي:

1-المقدمة

إن للخيانة معاني كثيرة منها خيانة الشخص مادياً مثل سرقة أمواله أو الخيانة في العمل مثل تسريب اسرار العمل لطرف منافس لعملك مقابل المال أو ما شابه ذلك ولكن أصعب خيانة هي الخيانة المعنوية واسمحو لي بأن نبعد عن الحديث قليلاً ونتكلم عن النفس البشرية

إن النفس البشرية تشبه الطفل الصغير الذي إذا انشأته منذ صغره علي مبادئ واضحة وصحيحه بعيداً عن عقد الابوين أو عقد المجتمع، ينشأ ويكبر شخص ناضج وواع ويعرف كيف يتعامل مع الحياة ومشكلاتها ومتاعها ولكن دعونا نتخيل انه اذاً تربي الطفل علي مبادئ غير صحيحه ناتجه من العقد الذي أصبحت كثيرة جداً في مجتمعنا العربي الان

يصبح الطفل غير سوي نفسياً او ما اسميه انا شخصياً (بالمختل النفسي) يكون الشخص غير قادراً علي التعامل مع المجتمع بكل جوانبه او بالمعني الدقيق غير قادراً علي التعامل مع البشر.

ولذلك فإن أي ضرر نفسي او معنوي اسوء بكثير من أي ضرر جسدي دعونا نرجع لموضوعنا، الخيانة المعنوية ارحم علي الشخص الحساس او علي الشخص العادي من اصطدامه بسيارة

ولذلك انصح لكل من يقرأ كلامي ألا يجرح شخص استأمنه علي نفسه وعلي اسراره لكي لا يندم بعد ذلك من ألم النفس والضمير

ملحوظة: 90% من محتوى هذه الرواية ناتج عن تجربة شخصية والاسماء المذكورة في هذه الرواية اسماء مستعارة كي نحافظ علي خصوصية الشخصيات

وان المغزي من القصة حقيقي وليس التفاصيل

اخـر الكلام

إذا وصلت هذه الرواية الي الشخص المقصود فاحب ان أقول له بأني لم
ولن انسي ما فعلته بك واتمني ان تسامحني اعرف اننا نتحدث كل فترات
بعيدة ولكن غير مشبعة لي

اشتقت الي محادثتنا الطويلة التي كانت تدوم لساعات

أحبك ايتها الفتاة التي تشبهن القمر ♥

2-البداية

في 29 فبراير 2000 م:

تبدأ حكايتنا مع عمر الذي وُلد في ذلك الليلة الهادئة التي تعتبر احدي ليالي الخريف وكان يوم مولده في ذلك اليوم الذي يأتي كل أربع سنوات مرة واحدة لا اعلم السبب في ذلك لكن كان يُطلق علي السنة الذي يأتي فيها يوم 29 فبراير ب اسم (السنة الكبيسة) اسم مضحك حقاً....

وُلد عمر في منطقة مسطرد بالقاهرة والتي كانت تضم الطبقات المتوسطة والفقيرة والفوق متوسطة.. تربّي عمر في اسرة متوسطة الحال تتكون من خمس افراد (الأب والأم وكان عنده أختين واحدة أكبر منه بثلاث سنوات تسمي هاجر والاخري أصغر منه بثلاث سنوات تسمي علا)

كان عمر الأخ الوسطاني وكما كان معروف في مصر ام الدنيا ان الابن الوسطاني هو بمثابة (رجل البيت) أي بمعنى هو الذي يشتري الأشياء من الخارج وكان ذلك مخالف لطبيعة عمر ونشاطه فكان عمر شخصاً كسولاً لا يحب الخروج من المنزل او القيام من علي السرير حتي

التحق عمر بالمدرسة الإبتدائية وهناك تعرف علي بعض من أصدقائه الذين ظلوا معه الي الان

صاحب عمر شخصين هما محمد وعمار وكان الثلاثة ذو طبقه اجتماعية واحدة ولكن عمر كان يختلف عن اصحابه في المدرسة بأنه كان ذكي ولا ابالغ بأن عمر كان من أذكي الأطفال في مدرسته وكان يتميز عمر ايضاً بالطعام الذي كان يجلبه الي المدرسة فقد كانت والدته عمر مهووسة بالطبخ في ذلك الحين وكانت تتميز

بإبداعها في الطعام والطبخ وكان عمر يطعم دائماً أصدقائه من طعامه بحجه التميز (الفشخرة) علي أصدقائه.

كان عمر ضعيف الشخصية بسبب عزله في المنزل بسبب والديه الذين كانوا يخافوا عليه ويمنعوه من الخروج من المنزل إلا لشراء حاجه ما ولأن الشارع (الحارة) الذين كانوا يسكنوا فيها كانت تشتهر بالمشاكل والخناقات علي الرغم من ان الحارة كلها تنتمي لنفس العائلة وبينهم صلة قرابة قريبة جداً. وأطلق علي هذه الحارة فيما بعد بحارة الكفار بسبب الخناقات الكثيرة.

ظل عمر كذلك بين المدرسة والبيت وكان يذهب الي بيت جده الذي توفي وأصبح يسكنه خالاته في المناسبات مثل شهر رمضان والأعياد وكان يوجد بجانب بيت جده جيران كانوا يشتهروا أيضاً بالمشاكل وكانت هناك إشاعة بأنهم يُتاجرون في الممنوعات وكان عندهم بنتين كانت الأخت الكبيرة في سن عمر والأخري أصغر منه بسنتين.

كان عمر واولاد خالاته يلعبوا معهم بحكم انهم جيرانهم وخصوصاً أنهم كانوا صغار، وكان عمر وقتها يقترب من العاشرة من عمره

وعلي هذا الوضع حتي تخطي عمر المرحلة الإبتدائية واصبح في الصف الأول الإعدادي وفي إحدى الدروس الذي كان يحضرها عمر اذا ببنت معه في الدرس(نهى) اعترفت له بإعجابها به وكان عمر مندهش من ذلك ومرتبك خصوصاً انه لم يتعرض لمثل هذا الموقف ولم يكن في بال عمر ان بنت سوف تُعجب به لأنه لم يكن مقتنع بشكله وهو كان يمتلك بشرة قمحية وشعر اسود يميل الي المجعد، وافق عمر علي أنهم يرتبطوا وظلوا ذلك الي ما يقارب الشهر وبعد ذلك والدة نهى اكتشفت علاقه عمر بنهي وابتعد عمر عنها واصبح يعاني من كره لنفسه بسبب ضياع البنت الوحيدة الذي اعترفت له بحبها .

ظل الوضع كذلك حتي اصبحت عمر في الصف الثاني الاعدادي وعادت نهى الي حياة عمر تحاول الرجوع له ولكنه رفض رفضاً قاطعاً لا يعلم عمر سبب رفضه ولكنه احس بداخله ان يرفض

3-ميلاد الروح

في 19 مارس 2000 م:

وُلد في ذلك اليوم طفلة عانت منذ صغرها بكل أنواع الأذى النفسي، كانت (ياسمين) طفلة ذو ملامح عادية منذ صغرها وكانت تعيش مع عائلتها في بيت مكون من عدة شقق تسكن بهما عائلتها بأكملها كان المنزل شبه مفكك اسرياً وكانت تعيش مع والدتها واختها ووالدها وكانت ياسمين طفلة عادية وكانت متفوقة دراسياً وكان بجانبهم جيرانهم الذين يسكنون في عمارة عائلته ايضاً وكانت ياسمين معتادة في المناسبات ان تجتمع مع أطفال جيرانهم واختها ليلعبوا في الشارع وكان كلهم بنات ما عدا ولد كان من جيرانهم ايضاً وكان يلعب معهم لأنه الطفل الوحيد الولد في هذه العائلة وكانوا يلعبوا بكل المشاعر الطفولية المرححة الذي جميعاً اشتقنا لها بدون سبب ولأنها كانت فترة تتميز بالراحة .

كانت ياسمين فتاة خجولة وكانت لا تملك ثقة بنفسها علي الإطلاق بسبب الجو الاسري الذي كانت تعيش فيه وبسبب اعتداء والدها عليها بالضرب كثيراً، وكانت تتميز ياسمين من صغرها بأنها كانت فتاة ذو ملامح هادئة وجمال مخفي خلف ذلك الخجل الزايد عن حده ولكن ياسمين لم تكن مقتنعة بشكلها ايضاً وكانت تهرب بذلك عن طريق الوسيلة الذي يلجأ اليها اغلب الأطفال الذين يعانون من عدم الثقة في انفسهم وهي (التنمر) كانت ياسمين تنتمر علي اغلب زملائها في الدراسة وفي الحقيقة انها كانت الاجمل فيهم ولكنها لم تكن مقتنعة بذلك.

انتهت ياسمين من تعليمها الإبتدائي والإعدادي والتحقت بالثانوية التجارية كانت رغبة أهلها في ذلك بأن تدخل الثانوية التجارية بدلاً من الثانوية العامة ولكن رغبة ياسمين لم تكن كذلك بل كانت تريد بأن تلتحق بالثانوية العامة لتحقيق حلمها بدخول كلية الحقوق ولكن لم يكن بوسعها ان تفعل أي شئ.

عمر كان في ذلك الوقت ايضاً انتهى من تعليمه الإبتدائي والإعدادي والتحق بالثانوية العامة بصعوبة شديدة بسبب رغبة اهله في ان يدخل ثانوية التمريض لحجه ان لها مستقبل اسرع بكثير من الثانوية العامة ولكن عمر رغب وأصر علي دخول الثانوية العامة لتحقيق حلمه الذي طالما راوده منذ صغره وهو الالتحاق بكلية الطب البشري ولا يريد ايضاً ان يبقى اقل من أصدقائه الذين التحقوا بالثانوية العامة.

دعونا نرجع الي بدايات الشهادة الإعدادية عند عمر، كان عمر انتهى من امتحانات الصف الثاني الإعدادي واخذ اجازة اخر العام وكما هو معتاد انه في اجازة اخر العام ونصف العام يذهبوا الي بيت جده يبقون فيه عدة أيام مع خالاته وكان في ذلك الوقت عمر كان عنده 15 سنة وبحلول عيد الفطر كان في العادة يبقي عمر أيام العيد في فرح وسعادة ويذهب لاماكن جديدة سواء مع اصحابه او عائلته ولكنه لم يكن يحب الخروج مع عائلته.

في اليوم الثاني من عيد الفطر كان عمر ينوي للذهاب الي وسط البلد مع أصدقائه وكان متفق معهم علي ذلك قبل العيد بأسبوع ولكن لم يُحالفه الحظ وحدث ظروف لأصدقائه ولم يستطيعوا الخروج في ذلك اليوم، كان عمر وقتها متعصب بسبب انه كان يريد بشده الخروج الي أي مكان ولكن لم يكن بوسعه أي شيء علي الرغم من ان في ذلك اليوم كان أبناء خالاته ذاهبون لنفس المكان ولكنه لا يحب الخروج معهم. إحتار عمر فيما يفعل في ذلك اليوم الممل وانتهي به الأمر الي الجلوس في الشارع ليلاً مع قريبه الذي كان يمتلك دكان صغير في الشارع وقرر عمر ان يبقي معه وان يسهر معه ذلك اليوم.

كان في بال عمر ان اليوم سوف يكون مملاً ولكنه علي عكس توقعاته فكان هذا اليوم بمثابة تغيير جذري في حياة عمر.

جاءت الساعة 10 مساءً ونزل عمر الي الشارع ليجلس مع قريبه هذا واسمه (سيد) كان سيد متزوج من بنت خالة عمر والتي كانت أكبر من عمر بحوالي 12 سنة و انجبا ولدين.

نزل عمر وجلس مع قريبة وكان لا يوجد الكثير من الناس في الشارع وظل الوضع هكذا حوالي ساعتين واذا يُفاجأ ببنت ذو ملامح هادئة تدخل وتسلم علي عم سيد وكانت تقول له (عامل أي يعم سيد) كان هناك بينهم لغة حوار طريفة بمعنى انهم كانوا (واخدين علي بعض في الكلام). رد عليها عم سيد وقال لها (الحمد لله ببلوة وانتي عاملة أي) ظل الحوار بينهم هكذا حوالي ربع ساعة حتي نزلت اخت البنت وسلمت علي عم سيد أيضاً ولكن كانت ملامحها عادية بالنسبة لعمر وبعد ذلك نزل اصحابهم وسلموا ايضاً علي عم سيد، من الواضح ان عم سيد (كان واخذ علي كل المنطقة) وتمني عمر ان يكون مكان عم سيد في ذلك الوقت بسبب (ماسورة البنات اللي عارفاه ودخلت سلمت عليه عادي).

كان عمر يريد ان يسأل عم سيد علي البنت الاولي الذي سلمت عليه ولكنه كان متوتر من ان يسأل عليها عم سيد لأن سوف ينتقل خبر ان عمر سأل علي ذلك البنت في كل البيت واذا استطاعوا نشر الخبر علي السوشيال ميديا والتليفزيون سينشروه.

حتي جاءت الفرصة ليعرف عمر من هي تلك البنت كانت الساعة الواحدة بعد منتصف الليل وهم معتادين علي الجلوس والبيات في الشارع في المناسبات

دخلت البنت ذو الملامح الهادئة الي محل عم سيد تشتري شيء:

- بكام كيس الإندومي ده يعم سيد

- ب 10 جنيه يا ياسمين

ظهرت ملامح التفكير والإدراك علي عمر الذي وكأنه افكر شيء ما ولكنه يهرب من عقله كلما افكره.. هاهنا إنها ياسمين الذي كان يلعب معها في الشارع وهم أطفال كيف لهذا التغير في شكلها (كان يعتبر عمر ان شكلها تغير بسبب عدم رؤيته لها لفترة كبيرة) قطع تفكير عمر صوت ياسمين وهي تقول له:

- ازيك يا عمر

ارتبك عمر في ذلك الوقت خصوصاً انه ظن انها لا تعرفه او لا تفكر من هو مثله ولكن عمر رد عليها وقال لها:

- الحمد لله وانتي

- بخير كويسة

- أي انت فين بقالي كتير مشوفتكش

ارتبك عمر أكثر ولم يعرف ماذا يرد عليها ولكنه قال لها بابتسامة تخفي التوتر

- معلىش بق

- ماشي، متيجي تقعد معنا برا في الهوا

- ماشي حاضر

كان عمر لم يتوتر فمثل هذه اللحظة في حياته لأنه كان الي حد ما متوحد ويحب العزلة وظل عمر يفكر في الطلوع او البقاء داخل المحل حتي قطع تفكيره صوت عم سيد وهو يقول له

- عمر.. عمر.. انت بيني

- ايوا يعم سيد

- أي بيني روحت فين بقالي كتير بنده عليك

- معلىش

رد عليه عمر بابتسامة توتر ولكن عم سيد قال له:

-اطلع اقعد برا معاهم فك شويه وخلي بالك من المحل علشان هروح أصلي
لم يكن عمر يريد الخروج ولكن كان من داخل نفسه يريد الخروج ليُعيد أيام
الطفولة مرة اخري

خرج عمر واخذ كرسي من المحل وجلس في الخارج بجانب ياسمين واختها وكان
متوتر حينها وأخفي توتره بأمساكه للهاتف ووضع له سماعات في اذنه
ظل الوضع كذلك حتي جاء عم سيد من الصلاة وظل عمر بالخارج يمسك هاتفه
حتي قطع هذا الجو صوت ياسمين تقول له:

- عمر انت في سنه كام

سمع صوتها عمر لأنه لم يكن يسمع أي شيء في سماعات الاذن ورد عليها:

- في اولي ثانوي

- عام ولا تجارة

- لا عام وانتي

- انا دخلت تجارة للأسف

- اشمعنا بتقولي للأسف

- علشان كان نفسي اخش عام علشان حلمي إني اخش كلية حقوق واطلع
محامية كبيرة

- طب يعني مجموعك مجبش عام

- لا مش كدا بس ماما أصرت إني اخش تجارة علشان شايفة ان عام الظلم فيها
كثير

- اها، وانا بردوا امي كانت عايزة تدخلني تمرىض علشان بيقولوا ان شغلها

اكثر وأسرع من العام بس انا صممت اخش عام

- وانت عايز تخش كلية أي

- طب انشاء الله

- مشاء الله، ايوا يعم هتعالجنا ببلاش

رد عليها عمر بارتباك وابستامة: اكيد

انتهي حديثهم وظلوا في ذلك الوضع جالسين بجانب بعض حوالي ساعه حتي قطع ذلك الصمت الذي كان في ذلك الوقت يشغل بال عمر ان يفتح الحديث بينهم مرة اخري لا يعلم لماذا ولكنه حس براحه في الكلام معها، جاء في بال عمر ان يطلب منها رقمها او حساب من حسابات السوشيال الخاصة بها ولكنه لم يكن يعرف كيف يقول ذلك لها خصوصاً انه يعرف انها مستحيل ان تقول له او تعطيه حسابها لو طلب منها هذا مباشرةً دون تمهيد ولكن ظل عمر يفكر حتي جاء في باله فكرة كان عمر في وقتها يمتلك حساب علي منصة التيك توك كان يُقدم محتوى انه يحكي قصص رعب، فجاء في باله ان يجعل باسمين تري حسابه ولو رأت حسابه سيجعلها تتابعه ولكن يوجد مشكلة اخري انه كيف يجعلها تري حسابه حتي جاء في بال عمر ان يترك معها هاتفه بحجه انه سيصعد الي المنزل ليفعل شيء ما

- ممكن تخلي التليفون معاكي عقبال ماجي

- اكيد بس متتاخرش

- تمام

صعد عمر الي المنزل ولكنه لم يكن يعلم ماذا يفعل في ذلك الوقت ولكنه شغل نفسه في أي شيء حتي قضي حوالي نصف ساعة وبعدها نزل الي الشارع مرة اخري

واثناء نزول عمر علي الدرج، ظل يُفكر هل خطته نجحت ام لا، ولو فشلت ماذا سوف يفعل

نزل عمر الشارع ووجدها تشاهد بعض الصور علي هاتفها وقال لها:

- فين التليفون

- اهه

- تمام شكراً

وفي هذه اللحظة غضب عمر بسبب ان خطته لم تنجح حتي قطع ذلك الغضب الذي استمر عدة ثواني فقط:

- عمر

- أي

- انت بتنزل فيديوهات علي التيك توك

- اه.... في حاجة ولا أي

- لا بس وانت بتديني تليفونك نسيت تقفل الشاشة وتليفونك كان مفتوح علي

حسابك وكنت منزل كذا فيديو وانا فتحت واحد فيهم وبصراحة عجبني

في هذه اللحظة عمر كان علي وشك ان يرقص من الفرحه بسبب ان خطته نجحت، رد عليها وقال لها:

- شكراً

ردت عليه ياسمين مبتسمة ابتسامه صافيه هادئة، وهنا قد بدأ اول جزء في عمر يقع في حب تلك الفتاة

ردت عليه ياسمين وقالت له:

- ممكن تقولي اسم حسابك أي علشان عايزة أسمع باقي القمص اللي انت

منزلها

- اكيد.... هاتي تليفونك

- امسك...

اخذ عمر هاتفها والسعادة ترقص بداخله..كتب عمر لها اسم حسابه وقال لها:

- اه..أي خدمة

- شكراً يعم

- متنسيش الفولو هاه

- عيب عليك

- وطبعاً كومت حلو ولايك

ردت عليه ياسمين وهي تضحك: مخلص يعم

ظل الاثنان يضحكوا حتي جاءت الساعة الرابعة صباحاً، وقد نعس عمر قبل ذلك بكثير ولكنه كان يقاوم نعسانه حتي لا يُضيع الوقت الذي يقضيه مع تلك الفتاة التي اعجبته بملامحها الجميلة

واثناء حوارهم، نعست ياسمين وقالت:

- انا عايزة انام ... انت مش هتنام ولا أي

- لا مش جايلي نوم دلوقتي

- اطلعي انتي لو عايزة

همّت ياسمين بالوقوف لتذهب الي منزلها لتنام وقبل ان تذهب قالت:

- طيب. تصبح علي خير

- وانتي من اهل الخير

بقي عمر في الشارع حوالي نصف ساعة وفي ذلك الوقت كانت ياسمين تأكل رز بلبن مع الملائكة

همّ عمر بالوقوف لأنه كان يريد النوم بأي شكل وإذا به ذهب للمحل ليبلغ عم سيد بأنه سوف يصعد الي المنزل لأنه يريد النوم

- عم سيد انا هطلع انام

غمز له عم سيد وقال له:

- هي المزة طلعت ولا أي

فهم عمر ما يقصده عم سيد ولكن لم يوضح له ذلك وقال له:

- مش فاهم

- خلاص متشغلش بالك اطلع نام انت

طلع عمر البيت ودخل الغرفة الذي اعتاد ان ينام بها عند الذهاب الي بيت جده
وقبل ان يذهب الي السرير وضع هاتفه علي الشاحن لأنه كان علي القرب من نفاذ
الشحن كاملاً

وبعد ذلك ذهب عمر الي السرير لينام وكما اعتاد عمر انه لا يذهب للنوم فور
جلوسه علي السرير ولكنه يبق مدة من الوقت لكي يذهب الي النوم

جلس عمر يفكر في تلك الفتاة التي وكأنها ظهرت له من حيث لا يدري

وظل يُفكر هل سوف يتحدثوا مرة اخري ام هذه اخر مرة يتحدثون فيها، ظل عمر
هكذا يُفكر الي ما يقارب الربع الساعة وبعد ذلك ذهب للنوم ليأكل هو الآخر رز
بلبن مع الملائكة

4-الهاوية

استيقظت ياسمين قرب الساعة الثانية عشر ظهراً وكما اعتادت انها سوف تخرج مع صديقاتها في ذلك اليوم والذي كان اخر أيام العيد وكانت سوف تخرج للذهاب الي السينما مع صديقاتها ليقضوا وقتاً قبل الدخول الي دوامة الدراسة والامتحانات. وكانوا احياناً يخرجون للترفيه عن أنفسهم وسط أيام الدراسة ولكن دون علم أهلهم بسبب انهم لن يوافقوا إذا عرضوا عليهم الخروج في يوم من الأيام الدراسية.

ذهبت ياسمين الي الحمام لتقضي حاجتها وتضبط هيئتها وتلبس استعداداً للخروج مع صديقاتها وها هي قد انتهت وعلي عادة ياسمين انها لا تحب ان تفرط مباشراً بعد استيقاظها لذلك قررت ايضاً ان تفرط في الخارج.

ذهبت ياسمين الي والدتها لتخبرها بأنها ستذهب مع صديقاتها:

- ماما ... انا خارجه مع صحابي
- لي
- عادي يماما وكدا كدا ده اخر يوم العيد يعني مفيش خروج غير العيد الجاي
- وعليكي خير
- لا مفيش خروج

ردت ياسمين بحزن علي ملامحها وصوتها: لي بس

- كدا ...خلانك وخالاتك جايبين النهارده فمينفعش يجوا وانتي تكوني بتتصرمحي برا
- بتصرمح أي بس ..انا مالي بيهم هما جايبين ليا انا ولا ليكي انتي
- قولت مفيش خروج يا ياسمين
- يماما لي ده اخر يوم العيد ومش هنخرج تاني غير العيد الجاي

- قولت لا بردوا
- طب هقولك حاجة
- ارغي
- تسيبيني اخرج واتفسح واتبسط واما اجي اروقلك الشقة كلها واغسلك
المواعين ومش هخليكي عملي حاجة في الشقة النهارده
- قولت مفيش خروج انتي مبتفهميبيش
- يوووه بق...دنا قرفت

ذهبت ياسمين تبكي في غرفتها..وجلست في غرفتها حوالي ساعة ثم خرجت من غرفتها ويدور في عقلها ان لا تجلس في البيت اثناء وجود اقاربها كنوع من الانتقام او بالمصري (لوي دراع) لوالدتها بسبب عدم سماحها لها بالخروج قررت ياسمين ان تنزل الشارع وتجلس مع عم سيد حتي يأتي اقاربها ويرحلوا وبالفعل نزلت ياسمين الشارع واخذت كرسي وجلست عم سيد:

- في أي ببلوة مالك ضاربة بوز علي الصبح لي
- مفيش يعم سيد قرفت من ام البيت المقرف ده
- لي بس
- ماما مش راضية تخليني اخرج مع صحابي علشان خلاني وخالاتي جايين مع اني قولتلها اني اما اجي هروقلها الشقة ومش هخليها تعمل حاجة النهارده وهي بردوا مصممة علي اللي في دماغها ومش موافقة
- معلش

ثم قال عم سيد ضاحكاً وهو يمزح معها: يعني هتفضلي في ارابيزي طول اليوم النهارده

- اه شوفت بق للأسف
- خلاص ببلوة بهزر متزعلش
- مزعلتش انا بهزر بردوا

- ماشي
- او مال فين عمر

نظر لها عم سيد وقال لها بغمزة: بتسالي لي

- عادي
- بيت!!!؟
- والله عادي
- طيب هو فوق معرفش صاحي ولا لسه نايم
- ماشي

ظلت ياسمين منتظرة عمر لأنها كانت تشعر بالملل من عدم وجود أي شيء لكي تتسلي به

وفي الناحية الأخرى عند عمر، استيقظ عمر الساعة قرب الثالثة عصراً وعلي عاداته يبقي جالس علي السرير حوالي خمس دقائق بعد استيقاظه وبعد ذلك ذهب عمر للحمام لقضاء حاجته وبعد خروجه من الحمام طلب من خالته اعداد الفطار له لأنه معتاد ان يأكل بعد استيقاظه.

اكل عمر ثم جلس يتصفح هاتفه واثناء تصفحه لهاتفه وجد إشعار بمتابعة شخص جديد لصفحة علي (التيك توك) قد نسي عمر بالفعل امر ياسمين وما حدث امس ولكنه بمجرد رؤيته لإشعار المتابعة الجديد تذكر كل شيء وإذا به يقبل المتابعة ويدخل علي حسابها الشخصي ليتجول به

لم يجد عمر أي منشور قد نشرته ياسمين كان حسابها فارغ تماماً حتي صورة حسابها لم تكن صورتها بل كانت صورة من علي الانترنت

وبعد ذلك جاء في بال عمر ان يرسل لها رسالة وبالفعل أرسل لها:

- عاملة أي

وبعد ذلك اغلق عمر تطبيق (التيك توك) وفتح تطبيق (الواتساب) ليبردش مع محمد صديقه منذ الإبتدائية ظل عمر يبردش مع محمد حتي جاءه اشعار من (التيك توك) بأن له رساله جديده

فتح عمر الرسالة ووجدها من ياسمين تقول له: انت فين رد عليها عمر مماًزحاً: طب ردي السلام الأول ده السلام لله حتي

- الحمدلله يسيدي ... انت فين بق
- فوق يعني هكون فين
- ماشي....مش هتنزل ولا أي
- اه هنزل بس شوية كدا....في حاجة ولا أي
- لا بسأل بس
- تمام.... انتي تحت ولا أي
- اه من بدري
- أي اللي مصحكي بدري...بتبيعي لبن ولا أي
- لا يظريف بس كنت هخرج بس ماما موفقتش
- لي عملتي أي
- والله معملت حاجة كل ده علشان خلاني وخالاتي جايبين عندنا وهي عايزاني افضل في البيت مخرجش
- اهااا....معلش خليها عليكي المرة دي
- ماشي خلاص

ظل عمر يتحدث مع محمد والذي انضم إليهم في الدردشة عمار، كانوا الثلاثة يتحدثوا في جروب انشاءه عمر في نهاية الصف الثاني الإعدادي وبعد انتهاء الدردشة بينهم ظل عمر محتار بين شعورين: الأول، ان ينزل الشارع والثاني، انه كسلان حقاً من النزول الي الشارع

ولكن في نهاية المطاف قرر عمر ان ينزل الي الشارع ليري تلك الفتاة التي من الظاهر انه علي وشك السقوط في هاوية حبها.

في الناحية الأخرى عند ياسمين، بعد ان تكلمت مع عمر في (شات التيك توك) ظلت تنتظره حوالي ساعة ولكنة لم ينزل بعد

وفي لحظة سمعت ياسمين صوت بنت جهوري: صباح الخير يعم سيد

كانت الفتاة التي تنطلق منها تلك العبارة هي سما بنت خالة عمر والتي كانت في سن عمر وكانت فتاة خبيثة لا يأمن لها أحد بسبب افعالها التي كانت تتشبه بالشباب فيها ومع ذلك لم يكن عمر يحبها، بالمصري (مش بتنزله من زوره) وكذلك ياسمين أيضا لم تكن تحبها

وكانت سما صاحبة لياسمين بفرض انهم جيران، سمعت ياسمين صوت ايضاً من سما: أي بيت عاملة أي

- الحمدلله يا سماوانتي
- كويسة

وبعد ذلك نزل عمر متوجهاً الي عم سيد لياخذ كرسي من جانبه:

- صباح الخير يعم سيد
- صباح النور يعمر
- ونبي يعم سيد ناولني كرسي من جمبك
- امسك.....

اخذ عمر الكرسي ووضعها امام ياسمين ولكن مبتعد عنها بمساحة كافية وسمع عمر صوت من سما تقول: أي يعم مش تسلم رد عليها عمر مازحاً: مش هسلم يست براحتي ضحك الثلاثة وقالت ياسمين وهي تمزح: وانا مالي سلم عليا انا

سلم عليها عمر ، ظلوا الثلاثة جالسين كما هما في الشارع يتصفحون هواتفهم
واثناء ما كان عمر يتصفح هاتفه وإذا به يلقي رسالة من (التيك توك) فتح عمر
الرسالة ووجدها من ياسمين الذي كانت تجلس امامه: بتعمل أي

- ماسك الفون عادي
- منا عارفة يغبي إنك ماسك الفون قصدي بتعمل أي عليه
- يعني قاعد اكلم صحابي شوية واقالب في الفيسبوك شوية واشير ميمز
....وانتي بتعملي اي
- قاعدة بكلم صحابي بردوا بس زهقت ومليت اووي
- والله الحال من بعضوا يختيي
- 🤪🤪.....انت هتخرج فين النهارده
- والله معرف لسه بس احتمال اروح وسط البلد او اروح سينما
- مع مين
- ممكن لوحدي وممكن مع صحابي
- لوحديك؟ ازاي
- عادي شايفاني عيل صغير
- لا مش قصدي بس قصدي ان الخروج بيكون مع صحابك او معاك حد علي
الأقل علشان تستمتع بالخروجة وكدا لكن بصراحة عمري مشوفت حد
بيخرج لوحده لا وكمان في العيد....انت غريب بصراحة
- لا عادي انا كدا كدا بحب إنني اخرج لوحدي بحس انها ممتعة وفرنفس الوقت
بريح دماغي من إنني اتفق مع حد يخرج معايا وكدا فاهمة
- تقريباً فهمت
- كانت ياسمين متعجبة من امره خصوصاً انها لم تري أحد هكذا يحب الخروج بمفرده
دون وجود أي شخص معه، والغريب أكثر انه يكون مستمتع بذلك
حقاً ان هذا الولد مريب

بعد مرور بعض من الدقائق أرسلت له ياسمين رسالة اخري:

- عمر
- أي
- انتوا هتروحووا امتي
- زهقتي مني يعني عايزاني اروح
- لا مش قصدي انا بسأل عادي والله
- معرفش لسه بس تقريباً يا النهارده بالليل يا بكرة الصبح بالكثير
- اهه تمام

انتهي حديثهم عند هذا وعلي غير المعتاد كانت ياسمين تفكر في امره الذي استعجبت منه ولكن كان فضولها يدفعها ان تساله سؤال وهو انه خرج قبل ذلك مع بنات لم تكن تعرف ان تساله تلك السؤال ام لا لأنها كانت تشعر بالإحراج من سؤاله تلك السؤال لأنها بذلك كانت تتدخل في ما لا يعنيها، ولكن انتهى هذا الفضول بقرارها بأنها سوف تساله، لم تكن تعلم كيف تساله هذا السؤال ولكن قالت له:

- عمر
- أي تاني
- في أي يعم زهقانة وبتكلم معاك
- مفيش حاجة قولي عايزة أي
- عايز اسألك سؤال بس انا حساه محرج مش عارفة لي
- محرج!!! ربنا يستر...طب أي هو السؤال
- هو انت خرجت قبل كذا مع بنات او ارتببت بينت قبل كذا
- رد عليها عمر وهو يضحك: انا بينتي!! دنا محترم ومتربي
- بتكلم بجد والله مش بهزر

كان علي بال عمر ان يلعب معها ويمازحها وقال لها: يعني انتي عايزة تعرفي اني
خرجت مع بنات قبل كدا ولا لا

- ايوواا
- اه بصراحة خرجت كثير مع بنات قبل كدا
- عرفتهم منين
- يعني معايا في الدروس وكدا
- واهلك عارفين إنك بتخرج مع بنات
- اكيد لا
- طيب

كانت ياسمين تصدقه برغم انه كان يمزح معها، وكلمته مرة اخري: قولي بق
الخروج مع البنات أحسن ولا مع صحابك الولاد 😊

- علي حسب
- يعني أي علي حسب
- يعني أوقات الخروج كدا حلوة وكدا حلوة بردوا وياسلام بق لو الخروج فيها
الاتنين بتبق جامده اووي
- اهاه تمام.... هو انت ارتبطت قبل كدا

استغرب عمر من كل الاسئلة هذه وخصوصاً انها من نوع العلاقات مع الجنس
اللطيف ولكنه كان محتار في ان يجاوبها بصدق ويحكي لها عن (نهى) تلك الفتاة
الذي اعترفت له بحبها في الإعدادية او يكذب عليها ويخبي عنها، ولكن قرر في
نهاية تفكيره ان يكذب عليها وقال لها:

- لا مرتبطش
- بتكذب
- هكذب لي بينتي

- علشان بالعقل خرجت مع بنات وكلمت بنات وكل ده ومرتبطش بواحدة او حتي واحدة عجبتك
- لا بجد صدقيني مرتبش بحد
- طب مفيش حد عجاك
- لا بردوا
- مش مصداك يلا مش عارفة لي
- ممكن اعرف لي بق بتسألني الاسئلة دي كلها انا حاسس نفسي في تحقيق
- عادي
- عادي أي دنتي شوية شوية وتقوليلي اتجوزت عرفي ولا لا 
- لا بجد بسال عادي....
- وبعد ذلك ارادت ان تمزح معه ياسمين وتقول له: او عي تكون اتجوزت عرفي يا ض
- يست اتنيلي عرفي أي بس
- بهزر يعم خلاص
- قوليلي بق ارتبطني بحد قبل كدا او حبيتي حد
- كانت ياسمين محتارة ايضاً في امرين ان تكذب عليه او تقول له الحقيقة، انها احبت شخص وهو لم يكن يشعر بذلك او كان يشعر ولكنه لم يهتم بها

5- حب من طرف واحد

كانت ياسمين في الصف الثاني الإعدادي وكانت متفوقة دراسياً علي الرغم من انها الان لم تعد تدرس مثل قبل بسبب انشغالها باللعب علي السوشيال ميديا

وفي يوم من تلك الأيام الدراسية المملة ذهبت ياسمين لمدرستها والتي كانت مدرسة خاصة وانتهت من مدرستها في الساعة الثانية، ظهراً واذا بها قد هلكت من ذلك اليوم الروتيني الممل الذي يتكرر كل يوم بدون أي نشاط جديد او فعالية جديدة

وفي اثناء ذهاب ياسمين للبيت بعد مدرستها التقت بولد كانت ملامحه عادية لا يوجد شيء مميز به ولكن لفت نظر تلك الفتاة الخجولة الذي لم يدخل قلبها أي ولد من قبل

كان في ذلك اليوم لم تستطع ياسمين ان تذاكر او تذهب الي دروسها بسبب تلك الولد الذي نظرت له ودخل داخل عقلها، لم تعلم لماذا، خصوصاً انه لم يكن يملك شيء مميز في شكله ولكن ظلت تفكر به طوال تلك اليوم

ظلت ياسمين تفكر به حتي وصل بها الوقت الي منتصف الليل، لم تعتاد ياسمين ان تسهر الي تلك الساعة ولكن لم يأتي اليها النوم حتي شعرت بالنعسان، كان علي الفور يختفي عندما تُفكر في ذلك الولد الذي من الواضح انه سيطر علي عقلها وتفكيرها، ظلت ياسمين هكذا حتي وصلت الساعة الي الرابعة فجراً وكان يجب عليها ان تذهب للنوم لأن معاد مدرستها بعد ثلاث ساعات من الان

تغلبت ياسمين علي عقلها وذهبت للنوم وقبل ان تذهب للنوم امسكت بهاتفها وضبطت المنبه علي الساعة السابعة صباحاً.

ظلت ياسمين مستغرقة في نومها حتي استيقظت علي صوت والدتها:

- انتي يزفتة اصحي معاد المدرسة جه وانتي لسه نايمة

(والدة ياسمين): انتي عملتيها أي علشان تصحي بشعرها اللي شبه العفاريت ده

ملك: مش انتي قاعدة تنادي عليها وتصحيحها من بدري

(والدة ياسمين): اه

ملك: قمت انا دلقت عليها مائة ساعة مشبرة من التلاجة علشان تصحي وتفوق

قالت والدة ياسمين وهي تضحك: طب والله جدعة بيت

نظرت لهم ياسمين وهي غاضبة: انتوا بتهزروا انتوا الاتنين... يعني انتي يماما

عجبك اللي هي عملته ده

(والدة ياسمين): بصراحة اه

ياسمين: طب والله يملك يومك مش معدي معايا النهارده... وكدا كدا أمك مش

قاعدة معانا النهارده طول اليوم

ردت عليها ملك وهي تضحك: معلشششش

ذهبت ياسمين لغرفتها بدلاً من ان ترتكب جريمة في اختها.. امسكت ياسمين

بهااتفها واذا به تتفاجئ بأن الساعة قاربت علي الثامنة صباحاً

فتحت هاتفها لتتفحص كيف المنبه لم يرن .. واذا بها تتفاجأ بأنها كتبت 7:00

صباحاً علي الاله الحاسبة وليس المنبه

- يلهوييي علي غبائي... ازاي يعني فتحت الاله مش المنبه

سمعت ياسمين صوت (ملك) تقول لها: اكيد كنتي شاربة حاجة

- ابعدني من وشي يملك دلوقتي بدل مقوملك

- خلاص يستي غوري فداهيه

قالت ملك وهي تغادر الغرفة... وبعد ما ياسمين استوعبت الغباء اللي هي عملته همت بأقصى سرعة ترتدي الزي المدرسي ونزلت الي مدرستها حتي بسبب ذلك نسيت زجاجة الماء

نزلت يااسمين الي مدرستها التي تبعد عن المنزل حوالي ربع ساعة سير علي الاقدام

واثناء ذهاب ياسمين الي المدرسة كانت تفكر في امر واحد هو كيف تستطيع الدخول للمدرسة إذا رأتها المديرية

لأنها إذا لمحتها المديرية سوف تسمع محاضرة تشبه محاضرات التنمية البشرية ظلت ياسمين تفكر في خطه لكي تدخل المدرسة دون ان تلمحها تلك المديرية

جاء في عقلها خطة هو انها تجيب لعم اسماعيل (بواب المدرسة) الفطار علي حسابها في مقابل ان يُدخلها المدرسة دون ان يذهب ويقول للمديرية بانها جاءت متأخر.. ولكنها بسبب نزولها بسرعة نسيت ان تأخذ من والدتها مصروفها حتي انها اكتشفت بانها نسيت ان تأخذ معها زجاجة المياه

وقالت ياسمين بنفاد صبر: يخربيت ام اليوم اللي باين من اوله ده

وصلت ياسمين للمدرسة وهي متوترة من المديرية إذا لمحتها ولكن من حسن حظها انها لم تجد عم اسماعيل في مكانه

- الله ... الحمد لله إني ملقتش عم اسماعيل

جرت ياسمين بأقصى ما عندها الي فصلها حتي لا يراها احد ومن حسن حظها ايضاً انهم كان عليهم الحصة فارغة بسبب ان مدرس المادة كان غائب

ذهبت ياسمين لفصلها اخيراً وجلست علي المقعد واذا بها تسمع صوت صديقتها تقول: أي اللي جايبك متأخر بينتي

- صحيت متأخر يست

- لي انتي نايمة الساعة كام؟؟
 - والله معرف بس تقريباً الساعة اربعه
 - الفجر؟؟؟؟؟؟؟؟
 - او مال العصر يغيبه
 - لا اصل مستغربة أي اللي منيمك الفجر
 - والله معرف مكنش جايلي نوم خالص
 - لي يختي اسمالله شكلك بتحبي يحيوانه ومش قايلالي
- بعد ان سمعت ياسمين تلك الكلمة من صديقتها افكرت ذلك الولد الذي رآته امس وهي ذاهبة للبيت واستيقظت من ذلك التفكير عندما كانت صديقتها تلوح لها بيدها وتقول: أي بينتي روحتي فين
- مروحتش منا معاكي اهه
 - لا روحتي..... قوليلي بس بتفكري فمين وانا اجبلك رقم امه
- ضحكت ياسمين وقالت لها: والله انتي فاضية ورايقه
- طبعاً بينتي لازم ابق فريش كدا مش هتقوليلي بردوا كنتي سهرانه مع مين
 - والله مكنتش سهرانه مع حد
 - ولا بتكلمي حد في الفون
 - والله العظيم مكنت بكلم حد في الفون
 - او مال أي اللي منيمك متأخر كدا ...وانتي أساساً بتنامي علي نفسك اما تكوني معايا واحنا في الدرس بليل
 - والله معرفش لقيت نفسي مش عارفة انام وكل ماجي انام او اقعد علي السرير ميجليش نوم خالص حتي انا كنت زهقانه مش عارفة اعمل أي
 - طب قوليلي
 - اقولك أي؟؟؟

- مجتيش الدرس بتاع امبارح لي
- جسمي كان واجعني ومقدرتش اجي
- انا حاسة إنك متغيرة
- لي بتقولي كدا؟؟؟
- علشان انتي عمرك مغبتي من الدروس حتي اما بتكوني تعبانة بتصممي انك تروحي الدرس بردوا
- بينتي والله عادي مفيش حاجة

نظرت لها صديقتها بنظرة عدم ارتياح وشك في امرها ثم قالت لها وهي تتنهد:
ماشي يا ياسمين

ظلت ياسمين تقضي اليوم الدراسي الممل الذي اعتادت عليه .. وعندما انتهى اليوم الدراسي ذهبت ياسمين لبوابة المدرسة للخروج والذهاب الي منزلها واذا هي سمعت صوت موجه لها وكانت نبرة الصوت مألوفة لها لأنها اعتادت عليها كل يوم تقريبا: أي يا ياسمين مشوفتكيش النهارده الصبح يعني
انطلقت تلك العبارة من عم اسماعيل (بواب المدرسة) فوقفت ياسمين له وقالت:
علشان جيت متأخر

أكملت ياسمين سيرها الي المنزل وإذا بها في نفس المكان تري ذلك الواد الذي رآته بالأمس

وقفت ياسمين لتتنظر له، ولكنها لم تكن تعرف لماذا هي وقفت عن السير لتري ذلك الولد وتتأمل في ملامحه العادية، وإذا بها تسمع صوت صديقتها التي تحدثت معها في المدرسة: أي اللي موقوفك هنا

صدر صوت ارتباك ومفاجأة من ياسمين: لا بس في حاجة وقعت مني وبدور عليها

- أي اللي وقع منك

ردت عليها ياسمين بارتباك ايضاً: خاتم

- فالصو ولا ذهب
- لا فالصو
- طيب يستي خلاص اشترى غيره
- ماشي خلاص
- هتيجي الدرس النهارده ولا
- لا انشاء الله هاجي
- طيب

أكملت ياسمين في سيرها الي المنزل ويشغل بالها ذلك الولد الذي حتي لم تعرف اسمه او حتي اين يسكن

وصلت ياسمين المنزل ودخلت غرفتها لتبدل ملابسها وتري ماذا سوف تفعل، وكما حدث بالأمس لم تسطع ياسمين ان تتخطى ذلك الولد او حتي تتوقف عن التفكير فيه ولم تسطع ان تذاكر او حتي تمسك او تفتح كتاب لأنه بمجرد ان تمسك او تفتح الكتاب وتبدأ بالقراءة فيه ينطلق ذلك الولد مثل الصاروخ في عقلها ويقطع تركيزها في القراءة.

لم تعرف ياسمين ماذا تفعل، فاذا بها تمسك هاتفها وتتصفح به واثناء تصفحها لهاتفها وإذا بها تتلقي رسالة عبر تطبيق (الواتساب) من صديقتها (رغد)

تلك الفتاة التي كانت تتحدث معها في الصباح

- ياسمين ياسمين
- أي في أي
- بقولك
- نعم
- هو انتي هتحضري الدرس النهارده
- منا قولتك الصبح ايوا

- بتاكّد بس اصل انا ممكن مجيش الحصة النهارده
- لي هتموتي ولا أي
- لا يستي بعد الشر عليا بس احتمال قرابب بابا يجولنا النهارده بليل
واحتمال بردوا نخرج كلنا برا النهارده
- طيب واي المشكلة الدرس اساساً كمان ساعة وانتي قولتي انهم هيجوا بليل
صح
- اه
- طيب متيجي تحضري الحصة وكدا كدا احنا بنراجع يعني مش هنطول في
الحصة
- مهو انا لسه ملبستش وعايزة قبل ملبس اغسل المواعين واروق البيت
علشان ماما مش هتسبني اخرج لو مروقتش البيت
- يعني ساعة بحالها يرغد مش هتعرفي تعملي كل ده وخصوصاً الدرس
جب بيتك
- اممممم
- اممممم أي
- هقولك الصراحة
- ايوا قولتي الصراحة انا بحب الصراحة
- مش عايزة احضر الدرس
- لي
- معرفش بس مليش مزاج احضر أي دروس النهارده وغير كدا انا معملتش
الواجب والمستر لو شاف إن واجبي مش معمول هيز عقلي ويهزقني وانا
مش بحب حد يهزقني
- منتي لازم تتهزقي علشان معملتش الواجب اكيد يعني المستر مش هيسقفلك
- خلاص يستي بق انتي التانية انتي هتعيشي الدور
- طيب خلاص يست متز عlish

ثم أكملت ياسمين حديثها وهي تمزح معها: لو علي الواجب فانا ممكن ابعتهولك

- لا يست انا مش بغش من حد استغفر الله العظيم
- اه، الله يرحم أيام الامتحانات كنتي بتقعدى جمبي بتنقلي كل اللي كتباه حتي يغيبه لو انا مشغبطه علي حاجة بتشغبطي عليها بردوا
- خلاص ياما مبيقاش قلبك اسود اللاه
- ماشي يست خلاص، وانا هبق اشوف أي اللي هناخدوا وابق اجبهولك
واشرجهولك
- ايو يست منحرمش منك، وهتصدق عن نفسي وادفعلك حق الحصاة علشان
احنا عيلة محترمة مش بنقبل حاجة من حد كدا ببلاش
- ردت عليها ياسمين وهي تضحك: يلا يشحاة دنا اديتك الصبح من سندويتشاتى
وكمات فوق كل ده سرقتى منى رغيك كامل دنتوا عيلة معفنة
- اللاه ما اعملك أي يعنى منتى اللي جايبة بانىة معاكى المدرسة وادتينى ربع
رغيك بس ... ده ميشبعش اخويا البيبي
- يعنى انتى شحاة وبجحة
- اه
- يلا بيت من هنا روى يلا اغسلى المواعين وروقى البيت بدل ما امك
تشوفك وتهزقك
- ماشى ... يلا باي
- باي

انتهى حديث ياسمين مع تلك الرخمة (رغد) والتي كانت تعتبرها ياسمين أكثر من
اخذت وليست زميلة دراسة

كانت تحبها لأنها طيبة وحنونه ولا تملك في نفسها ذرة خبث وكان بسبب ذلك كان
باقي زملائهم في الفصل يعتبروا ان رغد (عبيطة) واوقات كانوا يضحكون عليها
ويجعلوها مزحة المدرسة

همّت ياسمين بفتح دولابها لتُغير ملابسها لتذهب للدرس، لبست ياسمين واخذت حقيبتها ونزلت ووقفت علي المحطة لتركب ميكروباص ليوصلها الي الدرس وصلت ياسمين الي مكان الدرس وجلست تنتظر المدرس وفي وقت انتظارها للمدرس كان كل الطلاب الذي معها في الدرس قد حضروا ما عدا رغد حضر المدرس وبدء المشرف الخاص بالمستر يُنادي علي اسماء الطلاب ليعرف من الحاضر ومن الغائب

- (المشرف): ياسمين علي
- (ياسمين): موجودة
- (المشرف): رغد محمد

لم يسمع المشرف أي شخص يصدر منه صوت كلمة (موجودة) ولكنه عاد تكرر نداء الاسم ولكن لم يسمع أحد يرد

- (المدرس): ياسمين
- (ياسمين): نعم يا مستر
- (المدرس): مش انتي صاحبة رغد
- (ياسمين): ايوا
- (المدرس): او مال هي فين ومجتش لي؟؟؟

لم تعرف ياسمين ماذا ترد علي المدرس، كانت محتارة في ان تكذب عليه او تقول له الحقيقة

بالطبع هي لن تقول انها لم يكن لها مزاج في ان تحضر الدرس ولكن انتهى حيرتها بقرارها بان تقول بأنها مريضة

- (ياسمين): قالتلي انها مش جاية علشان تعبانة شويه
- (المدرس): تعبانة!!! دي بتتمرقع في أيام امتحانات

ضحك كل الطلاب في صوت ضحكة واحدة وبعد ان انتهوا من الضحك جلسوا
علي المقاعد لان المدرس سوف يبدأ شرح
وها هو المدرس يمسك قلمه ويبدأ في كتابة الكلمة الاولي في الدرس وحدث ما لم
أحد يتوقعه
رغد تطرق الباب وتستأذن للدخول للحصة مما جعل الجميع ينظر لياسمين نظرة
دهشة وحيرة

- مستر ممكن ادخل

نظر المدرس الي ياسمين نظرة شك ثم قال المدرس: اتفضلي خشي
جلست رغد بجانب ياسمين ثم همست ياسمين في اذن رغد:

- أي اللي جابك مش قولتي مش هتيجي
- بابا زعق معايا وقال لي لازم تروحي
- الله يخربيتك انت وابوكي
- لي في أي
- علشان يغيبه انا قولت للمستر إنك قولتيلي مش جاية علشان تعبانة
- طب وانت مقلتليش لي إنك قولتيله كدا
- يغيبه مهو لسه سألني قبل متخشي هلحق اقولك امتي يعني
- خلاص حصل خير
- خير أي وزفت أي شكلي قدام المستر وحش وقدام الدرس كله وحش
بسبب غبائك
- خلاص يا ياسمين
- لا مش خلاص اما نخلص درس تروحي للمستر قبل ميمشي وتشرحيله
الموضوع يا اما مش هكلمك تاني والله
- حاضر ممكن تهدي بق وتسمعي المستر وهو بيشرح

- خلاص اسكتي

كانت ياسمين منزعة بسبب الموقف المحرج الذي وقعت فيها رعد بسبب غيابها.
انتهى الدرس وقبل ان يخرج المدرس من باب القاعة نادى عليه رعد:
مستر.....يمستر عماد

- نعم يرعد عايزة أي

- كنت بس عايزة أقول لحضرتك حاجة

- اتفضلي

- بصراحة ياسمين مكديتش علي حضرتك انا فعلاً رنيت عليها قبل الدرس

وقولت لها اني مش هعرف اجي علشان كنت تعبانة وضهري كان واجعني

وبعد مقلت بنص ساعة حسيت اني ضهري اتحسن فقولت اجي الحصة بدل

متضيع عليا ...والحمد لله اني مضيعتهاش علشان حضرتك شرحت حاجات

كثير فيها وحليت معانا كمان

- ولا يهملك يرعد حصل خير

- يعني حضرتك مش زعلان من ياسمين

- لا مش زعلان...بس ياريت بعد كذا اما تتعبي او متقدريش تيجي الحصة

ياريت تبلغيني او تبلغني المشرف بتاعي او تقولي علي الجروب انك مش

هتقدري تيجي علشان متحطيش صحبتك في موقف محرج زي ده تاني

- حاضر يمستر وعد مش هتتكرر تاني بس اهم حاجة متكونش زعلان من

ياسمين

- مفيش حاجة يرعد

- ماشي يمستر شكراً

رحل المدرس وخرج من القاعة ورعد تلوح بيدها لياسمين لتأتي ليمشوا مع بعض

جاءت لها ياسمين وقالت لها: عملتي أي يفالحه

- محمود مين
- ابن عمي يبنتي
- ايوا مش فاهمه بردوا تقابليه لي وتشوفيه لي
- اقولك بصراحة
- قولي يمصبية
- انا بحب محمود من العيد اللي فات وكل ما يجي عندنا المح له بكلام حلو او حاجة وهو مش واخذ باله
- هو في سنة كام
- تانية ثانوي عسكري
- يخربيتك ده أكبر منك بأربع سنين
- لا تلاته بس علشان هو داخل التعليم بدري
- اه بس بردوا كبير
- يست عادي بق وانا بصراحة بحبه اوي بيت يا ياسمين حرفياً اما بلاقيه جاي يزور بابا هو وعمي ببق عايزة ارقص من الفرحة
- ماشي يست الله يسهله
- وانت بق مفيش حد كدا ولا كدا
- لا يست انا محترمة ومتربية
- يعني انا اللي مش متربية
- ايوا
- الله يسامحك انا مش هرد عليك
- خلاص متز عيش
- ماشي ... يلا نروح علي المطعم علشان نجيب شاورما
- يلا

توجه الإثنان الي المطعم ليأكلا ثم بعد ان انتهوا من الاكل عادت كل واحده لمنزلها

ذهبت ياسمين للمنزل ولم تجد اي شيء لتفعله فامسكت بهاتفها لتتصفح به ولكن لم تجد شيء يثير الانتباه فأغلقت هاتفها وذهبت الي النوم.

في الساعة السابعة صباحاً استقيظت ياسمين بمفردها دون ان تضبط المنبه وهمّت بالدخول للحمام لترتدي ملابس المدرسة وتذهب اليها... انتهت ياسمين من لبسها وكانت علي وشك النزول فلفت انتباهها ان اختها نائمة فتذكرت ياسمين ما فعلته اختها بها بالأمس وكيف ايقظتها من نومها بتلك الطريقة المستفزة

فأخذت هاتفها ووضعته تحت سريرها لتنتقم منها علي ما فعلته بالأمس ثم نزلت ياسمين مدرستها وانتهت من يومها الدراسي الممل وعادت الي المنزل واذا هي تفتح باب المنزل اذ تتفاجأ بأختها ملك تنظر لها وشعرها المنكوش الذي اذا كان وراءه مصدر للضوء كان ستصبح مثل (امنا الغولة)

- (ملك): انتي اللي اخدتي تليفوني
- (ياسمين): ايوا
- لي اخدتيه
- علشان اللي عملتية امبارح
- أي اللي عملتوا
- إنك صحتيني اما دلقتي الماية الساقعة عليا وانتي عارفة كويس ان انا مش بحب كدا
- طيب معلى ممكن تديني تليفوني بق
- لا
- هقول لماما
- قولها كدا كدا أمك عند ستك ومش هترجع غير علي بليل فا وريني بق مين اللي هيديكي التليفون
- طب اعملك أي وتديهوني
- تروقي الشقه النهارده مكاني

- لا انتي اتعبطي لا طبعاً
- خلاص استني أمك بليل بق تبق تديهولك
- يووووه اووووف
- مع نفسك

كانت ياسمين مستمتعة اشد الاستمتاع من انها تنتقم لنفسها ولكن احنت لملك ولكن أيضاً لم تعطي لها هاتفها وظلت تزعجها حتي وافقت ملك علي ترتيب المنزل اليوم بدلاً ياسمين

انتهت ملك من ترتيب المنزل وقالت لياسمين: اديني خلصت الترويق اهه هاتي بق نظرت لها ياسمين نظرت انتصار وابتسمت لها ابتسامة استفزاز وقالت لملك: بصي هو بصراحة انا جعانة اووي

- نعم وحضرتك عايزة أي اسمالله
- عايزة اكل أي الغباء ده
- لا بتحلمي والله دنا جسمي واجعني ومش قادرة انزل اجيب أي حاجة من تحت وغير كدا مش معايا فلوس انزل اجبلك
- لا انا مقولتش إنك تنزلي تجبيلي حاجة
- اومال عايزة أي
- تقومي تطبخي
- نعم!!!!!!! وأنا مالي بالطبخ انتي اللي عليكي اساساً الطبخ النهارده انا مليش فيه

جاء في عقل ياسمين فكرة شيطانية لكي تجعل ملك تُنفذ ما تطلبه منها دون جدال شغلت ياسمين موسيقي تشبه صوت نغمة هاتفها وقالت لملك: استني ماما بترن

ضحكت ملك ضحكة (تريقه)

- بصي خلاص انا قررت روعي اعملي مكرونة اسباجتي واعملي جمبها بانية
- حضرتك عايزة حاجة تاني
- متنسش الشطة بس وحياء أمك
- انا قصدي عايزة حاجة تاني غير الاكل
- مش عارفة والله حسب مزاجي بق
- اووووووف

ذهبت ملك للمطبخ لتعد الاكل لتلك الشريرة التي تجلس بالخارج..وتحدثت ملك مع نفسها في المطبخ من شدة غضبها: وحياء أمك يا ياسمين ما هسيبك غير اما انتقم منك، بق انا اعملك انتي اكل لا وكرمان بتتنكي عليا....ماشي اصبري عليا بس وربنا لافكرلك في حاجة تخليكي تلفي حوالين نفسك وهتشوفي

سمعت ياسمين معظم ما قالته ملك وهي تتحدث مع نفسها بالمطبخ: مش عايزة اسمع صوت هاهاهاهاه وياريت تنجزي علشان انا جعانة اوووي

لم ترد عليها ملك من شدة غضبها ولكن ياسمين كانت مستمتعة كثيراً من ذلك واثناء اعداد ملك للطعام كانت ياسمين تتصفح في هاتفها، واثناء تصفها وجدت صورة تلك الشاب الذي لفت نظرها ..بدون وعي وجدت نفسها تفتح الصورة وتتأكد من انه ذلك الشاب وبعد ان تأكدت من انه هو.

وجدت عندما دخلت علي ملفه الشخصي صورة له مع بنت ولكنها شبّهت عليها وكانت متأكدة من انها لمحت تلك الفتاة من قبل.

ظلت تفكر وتفكر واثناء ما كانت تفكر وجدت ياسمين ملك امامها تمسك بأطباق الطعام وتقول لها: امسكي كلي

- ماشي انتي مش هتاكلي ولا أي
- لا مش عايزة اكل
- لي
- مليش نفس يستي
- لا منتي لو مكنتيش معايا مش هاديكي التليفون
- اووووف خلاص هقوم اغرفلي واجي

حنت ياسمين لملك وقررت ان تعطيها هاتفها بعد ان تأكل معها، انتهى الاثنان من تناول الطعام ثم قامت ملك بدون كلام تحمل الاطباق وتتجه بها الي المطبخ لكي تغسلها... استعجبت ياسمين من ذلك ولكن لم تقل أي شيء.

وبعد ان انتهت ملك من غسل الأطباق جلست امام ياسمين وتقول لها بتعب: هاه بق فين تليفوني

- هتلاقيه تحت السرير

نهضت ملك مسرعة وكأنها نسيت تعبها. وجدت ملك هاتفها أسفل السرير واخذته وجلست امام ياسمين تتصفح هاتفها الذي لم تراه منذ خمس ساعات.

واثناء ما كان الاثنان يتصفحها هاتفهما وجدوا الباب يُطرق قامت ملك لتفتح الباب وإذا هي تتفاجأ من وجود أمها

- ماما انتي مش قولتي هتباتي

- مين اللي قالك كدا

- ياسمين قالتلي إنك هتباتي علشان ستوا تعبت واخذتوها المستشفى

- لا يهبله دي كانت بتضحك عليك

ظهر الشر في عين ملك ونظرت لياسمين نظرة كلها شر.. وامسكت بالكتاب الذي كان بجانبها ورمته علي ياسمين

لم تعرف ياسمين كيف ترد علي سؤال رغد هل تقول لها انها كانت تتصفح صفحة تلك الولد الذي لا تعرفه ام تكذب عليها

قررت ياسمين ان تكذب علي رغد وتقول لها: لا دي صفحتها ظهرت قدامي مرة واحدة فقولت اسالك هي مين

- اه تمام....طب ومين اللي متصورا معاه ده
- والله معرف يختي ممكن يكون قريباها علشان لو تلاحظي في شبه بينهم كبير وغير كدا هو حاطط ايده علي كتفها ف اكيد قريباها
- اوكي
- بقولك أي انتي جاية المدرسة بكرة
- اه....وانتي
- اه جاية
- تمام

انتهت المحادثة بينهم علي ذلك وظلّت ياسمين تفكر في ذلك الولد وقررت انها سوف تُكلم اخته اولاً ثم بعد ذلك تستطيع ان تعرف كل شيء عن ذلك الولد

وتحدثت ياسمين مع رغد مرة اخري:

- رغد....انتي بيت
- عايزة أي يستي انتي الثانية
- بقولك
- نعممممم
- عايزين بكرة نبق نتعرف علي البنت دي
- انهه
- اللي بعثلك صورتها من شوية
- اهه.....لي انشالله

- عادي
- لا مش عادي
- بينتي عادي صدقيني
- مش مصدقاكي بس هعديها.....وبعدين هنكلمها ازاي دي اساساً كل ما اشوفها الاقيها قاعدة لوحدها حتي في الحوش في الفسحة بلاقيها قاعدة تاكل لوحدها وماسكة الفوون
- عادي يستي، حرام نكلمها يعني ولا أي
- لا مش حرام بس قصدي اشمعنا البنت دي
- اصل حسيتها هادية غير العفاريت اللي معانا في المدرسة
- هادية أي بس

واكملت رغد وهي تضحك: بينتي دي متوحدة 🤪🤪

- رغد بطلي تنمر عليها انتي متعرفيش أي ظروفها
- خلاص يست متزعلش بكره إن شاء الله نبق نكلمها واحنا في الفسحة

6- حب البدايات

كان عمر قد انتهى للتو من المرحلة الابتدائية، وبدء في الدخول في المرحلة الإعدادية.

بدء عمر الدروس الخصوصية في اول صفوف الاعدادية (الصف الأول) وكان عمر معروف بين أصدقائه وزملائه في الدروس او المدرسة بأنه ذكي ومستواه الدراسي ممتاز وحافظ عمر علي درجة الامتياز في كل صفوف المرحلة الابتدائية والاعدادية.

وبعد انتهاء الفصل الدراسي الأول ودخول عمر في بداية الفصل الدراسي الثاني نزل عمر دروسه والذي كان في بيت أحد اقاربه فقد كان أحد اقاربه يعمل مدرس لمادة الرياضيات، والذي كان من المعتاد لدي عمر ان الدروس الخصوصية تتكون من مجموعة من الولاد والبنات وكان علي العادة، البنات يهتمون بشكلهم وملابسهم وان يظهروا دائماً علي احسن صورة، والولاد علي عاداتهم أيضاً فقد كانوا يتنوعوا في اللبس فمنهم من يأتي الي الدرس وهو يلبس لبس البيت العادي ومنهم من يأتي بلبس خروج ومنهم من يأتي بجلباب الصلاة عندما يكون الدرس بعد صلاة الجمعة كي يلفتوا انظار البنات ومنهم من كان يأتي وهو يرتدي سروال وبه تقطيعات (موضة) ومنهم من كان يأتي ايضاً وهو لم يستيقظ من النوم يأتي بشكله الفظيع وشعره الذي يشبه العفاريت (امنا الغولة) ولكن كان عمر علي طبيعته، لم يكن يحب عمر ان يظهر بشكل الولد الفظيع المريب او بشكل الولد الذي يلفت انظار البنات ويلفت انظار كل من حوله بل كان يحب البساطة وان يرتدي ملابس بسيطة لا يوجد بها اشكال مريبة او ألوان غريبة، كان يحب دائماً الألوان الهادئة مثل الأسود والكحلي ومشتقاته.

وكانت نهى زميلة عمر في الدرس كانت تشعر ناحية عمر بمشاعر حب رغم انهم في سن صغير. كانت نهى فتاة جميلة ذو بشرة بيضاء ووجه مدور وكانت سمينة قليلاً وكانت تتحدث كثيراً علي عكس عمر الذي كان يبقي طوال الدرس صامتاً لا يكلم احد الا اذا كلمه أحد. وكانت نهى تهتم بملابسها وشكلها علي عادة معظم البنات وخصوصاً في ذلك الدرس الذي يوجد فيه عمر، كانت تحاول ان ترتدي ملابس انيقة وعلی الموضة لكي تلفت انتباه عمر ولكن دون جدوي فقد كان عمر لم يتعرض لحالة حب ابدأ من قبل ولم يشعر بمشاعر تجاه شخص.

وكانت نهى قد بيئت من عمر وعدم استجابة عمر لها حتي فعلت شيء لكي تصل لعمر كان هو اول خطوة في انتهاء علاقة نهى وعمر قبل ان تبدأ من الأساس كانت سما بنت خالة عمر تأخذ مع عمر في نفس المجموعة وكان عمر لا يطيقها بالمرّة ولكن الخطوة التي اتخذتها نهى لتتقدم في علاقتها مع عمر هي ان تستعين بسما لتقرب من عمر وهي بالفعل كانت اغبي خطوة من نهى لأن عمر كان لا يطيق سما فإذا جاء أحد من طرف سما ويطلب منه طلب الارتباط به فإنه بالفعل سيرفض.

واثناء ما كان الثلاثة في الدرس وكانت نهى تجلس بجانب سما، مالت نهى علي اذن سما تقول لها: ممكن تديني رقمك علشان عايزة اكلّمك

- (سما): اكيّد طبعاً

أعطت سما رقمها لنهى ثم بعد ان انتهوا من الدرس وذهب كل واحد الي منزله وبالقرب من منتصف الليل اثناء ما كانت سما تذاكر سمعت صوت رسالة جديدة من هاتفها فأمسكت بالهاتف لتري من ارسل لها رسالة، وعندما فتحت الرسالة عرفت انها من نهى تقول لها: اهلا... عاملة أي.. انا نهى

- اه ازيك يا نهى

- الحمدلله... معلى بكلمك في وقت متأخر

- لا ولا يهملك انا كدا كدا صاحبة
- طيب تمام
- كنتي قولتيلي الصبح إنك عايزة تكلميني
- ايوا صح ... انا كنت عايزة اتعرف عليك بس ونكون صحاب ونبق نيجي
- الدرس مع بعض ده لو مش هيضايقك

كانت نهى ذكية ولم توضح لها ماذا تريد بالتحديد وكانت تسير خطوة بخطوة ردت عليها سما: لا لا مفيهاش مضايقة ولا حاجة

- اوكي.... انتي اسمك سما أي
- سما محمد ... وانتي
- انا اسمي نهى احمد

طالت المحادثة بينهم كثيراً وكانت ممة وغير مفيدة ولكن قطع تلك المحادثة الممة هو سؤال نهى: سما هو انتي ارتبطي قبل كدا

- اه انا مرتبطة اصلاً بينتي بس او عي تقولي لحد

كانت سما مرتبطة بشخص أكبر منها (ضعف عمرها تقريباً) وكان يستغلها مادياً وكان يطلب منها هدايا بغير مناسبات وكان هو ذكي في ان يجعلها تحبه خصوصاً ان سنها صغير بالنسبة له وكان اسمه (مصطفى)

تعرفت سما علي مصطفى عندما كانت في منزل جدها والذي هم يسكنون فيه الان كان مصطفى متزوج وعنده طفلين وكان يملك محل يبيع ويؤجر فيه العجلات الهوائية وكان مصطفى طويل ويعتبر علي الحافة بين السمنة والنحافة وكان ذو وجه طويل وكانت ملامحه عادية مثل سما

لم يكن مع مصطفى مؤهل عالي بل كان معه دبلوم صنايع. كان في البداية ان سما نزلت لمصطفى لتؤجر عجلة وكان مصطفى معجب بسما وقرر ان يأخذ رقمها وبالفعل طلب مصطفى من سما رقمها وهي لم تعارض بل اعطته رقمها لأنها

كانت تريد ان تُكلم أي ولد بهدف ان تتباهي امام اصدقائها بأنها تملك حبيب تُكلمه ويخاف عليها، كما كان ذلك الموضوع مُشتهر في ذلك الوقت بأن تتباهي البنات بأنهم يملكون احباب يخافون عليهم ويغارون عليهم بل كانوا يتنافسون من حبيبها أجمل من الثاني او أغني من الثاني.

دعونا نرجع الي المحادثة بين نهى وسما:

- (نهى): أي ده بجد ..مرتبطة بمين
- بواحد عندنا في الشارع
- اسمه أي
- مصطفى
- طب هو في سنة كام
- لا بينتي ده مخلص اساساً
- اه عنده كام سنة يعني
- 23 سنة

انصدمت نهى عندما سمعت عمر مصطفى وهي تقول في صدمه: نعم!!!!

- في أي
- هو أي اللي في أي ده أكبر منك بينتي بحوالي 11 سنة ده قد عمرك مرتين اصلاً
- اه منا عارفة وفيها أي يعني طالما بنحب بعض
- حب أي بس اللي كداهو بيحبك اصلاً
- اكيد بينتي بيحبني

كانت سما تريد ان تثبت لنهى ان مصطفى يحبها فقررت ان تكذب عليها وتقول لها : بيحبني اووي اووي ده حتي جابلي هدية في عيد ميلادي.

وبالفعل كانت سما تكذب علي نهى لأنها منذ ان تعرفت علي مصطفى وهو لم يُهديها أي شي.

- (نهى) : اه....الله يسهله يعم عقبالنا
- وانتي بق ارتبطي قبل كدا بحد ولا
- لا مرتبطش بحد لحد دلوقتي

قالت لها سما وهي تغمز : طب ودلوقتي مش معجبة بحد او بتحبي حد
قررت نهى انها لن تجاوبها بصراحة بأنها تحب ابن خالتها (عمر) وقررت ان
تصبر حتي تعرف سما اكثر حتي تقول لها لكي تساعدنا في ان تصل الي عمر
وتعترف له بحبها.

سألت نهى سما سؤال لم تكن تظن انها ستصطدم بإجابته وكأنها اخذت صدمة
كهربية

- بقولك أي
- أي
- هو مصطفى ده بيكلم حد تاني عليكي
- اه
- نعم!!!! وطب وانتي عاجبك الموضوع
- يبنتي مهو متجوز

شعرت نهى بأن الوقت والعالم قد توقف من حولها لبضع ثواني ثم ايقظها من ذلك
التوقف الزمني صوت سما وهي تقول : هو متجوز من قبل ما يعرفني بس بعد
متجوز قالي اني لفتّ نظره ولو كان شافني الأول مكنش هيتجوز وكان هيستتاني
لحد مخلص تعليمي ويجي يتقدملي

- اه
- بس انا متاكدة انوا بيحبني

طبعاً كان مصطفى يحتال علي سما لأنها بالفعل مثل اداه يُحركها مصطفى بيده ويفعل بها ما يشاء وما يطلبه منها تُنفذه وان لم تُنفذ طلبه فكان يغضب عليها وكان يُمثل لها بأنه يبكي وانه يشرب السجاير كلما رفضت له طلبه.

طبعاً كانت سما صغيرة علي ان تُدرك ذلك الأشياء وكان مصطفى شخص محتال وغير أخلاقي وليس رجل من ناحيتين: الناحية الاولى هو انه خان زوجته وبيته واطفاله مقابل فتاه في منتصف عمره ليطلب منها المال او الهدايا وكان مصطفى جرى او بالمصري (بجح) لأنه كان يطلب من سما الهدايا والمال دون أي مناسبة فقد كانت سما تكذب علي والدتها وتقول لها بأنها تريد المال لحضور حصص اضافيه وكانت تعطي حق الحصص لمصطفى لكي لا يغضب منها.

وكانت كثيراً لا تدفع دروسها كلها وتعطي حق الدروس لمصطفى. فقد سيطر ذلك الحيوان عليها و علي عقلها. تحللي لمصطفى بأنه مريض نفسي يريد ان يمتلك مراهقة لكي تصرف عليه بالرغم من ان حال مصطفى ميسوراً ويكسب كثيراً من محل ابيه الذي ورثه من جده.

سألت نهي سما سؤال غريب ولكن علي سما لم يكن غريب علي الاطلاق:

- بقولك هو مصطفى مخلف
- اه
- كمان
- اه بينتي مخلف وعنده عيلين (ولد وبنت)
- لا بقولك أي انا هقفل لأنني هيست من اللي قاعدة تقوليه ده الله يخربيتك
- جننتي امي منك لله
- ماشي يست عايزة حاجة
- لا شكراً يختي منحرمش منك فحاجة
- سلام

تعبت نهي من تلك الصدمات التي اخذتها اثناء حديثها مع سما لأنها لم تكن تتوقع انها هكذا وكانت نهي تُكلم نفسها في عقلها:

- طب ازاي هي كذا...ومستحيل يكون الواد ده بيحبها اصل محدش متجوز هيجب عيلة صغيرة وممكن يكون سنها قريب من سن عياله كمان...واكيد هو عايز منها حاجة يا إما فلوس يا إما عايزها هي

تعبت نهي من التفكير في موضوع (سما ومصطفي).

كانت سما تفكر في مصطفي وكيف هو يحبها ولكن كانت تفكر أيضاً في امر شغل بالها هو انه لماذا مصطفي لم يُهديها هدية عيد ميلادها الذي كان الشهر الماضي هل كان لا يعرف ولكن كيف فهو أرسل لها تهنئة بعيد ميلادها ولم يرسل لها هدايا ولم يتكلم في موضوعها من الأساس.

7- جُر الثعبان

كانت سما تكلم مصطفى في الهاتف في احدي الأيام وكان مصطفى يتكلم معها في ان زوجته تتصنع المشكلات معه بدون سبب وتطلب منه ان يساعدها في اعمال المنزل عندما يرجع من عمله.

- سما: طيب هو انت مستحملها لي.... طالما انت بتقول انك مش طايقها وهي بتعمل مشكال معاك وخلص من غير سبب طيب متطلقها وخلص طالما هي مز علاك وموحشة حياتك كدا
- مصطفى: علشان الطلاق مش زي منتي فاكره انوا سهل لا مش سهل ده لسه في فلوس كتيرة اووي هتدفع ليها وغير كدا العيال هيروحوا فين

كانت سما تقول له هكذا وتشجعه علي ان يُطلقها بسبب انها غير انه منها وكان بالطبع مصطفى يكذب عليها في كل شيء يقوله لها لأنه يريد ان يوضح لسما انه لا يحب زوجته ويريد ان ينفصل ويبعد عنها لكي يكسب قلبها اكثر واكثر وعندما يطلب منها شيء لا ترفضه له وهذا ما كان يريد مصطفى من سما بالفعل.

- مصطفى هو انت بتحبني
- اكيد طبعاً لي بتسألني السؤال ده
- لا بسأل عادي علشان انا حاسة إنك بطلت تحبني
- لي بتقولني كدا بس
- علشان انت بصراحة عملت حركه رخمه معايا اووي
- عملت أي؟

- مش انا عيد ميلادي كان الشهر اللي فات
- ايوا
- او مال لي مجبتليش هديه مع إني جبتلك هديه في عيد ميلادك
- كان مصطفى يُريد ان يقلب الموضوع ضدها وقال: انتي بتعايريني يعني ولا أي قصدك بكلامك دهو علي فكرة بق لو انتي فاكره ان الحب بالهدايا وكدا فنتي غلطانة لان الحب عمره مكان بالهدايا
- علي فكرة انا مش بعابيرك ولا حاجة وعارفة ان الحب مش بالهدايا بس انت مجبتليش هدية لي عايزة اعرف السبب
- أدرك مصطفى انه في موضع احراج وهو لم يتوقع ان تسأله تلك السؤال، لم يكن مصطفى يعرف ماذا يرد عليها ولكن قال لها: سما انتي عاوزه أي دلوقتي
- عايزة اعرف انت لي مجبتليش هديه في عيد ميلادي يمصطفي
- علشان مكنتش عارف اجبلك أي
- نعم!!!!
- أي
- انت بتقول أي يمصطفي
- بقول اللي شوفتيه
- انت بارد علي فكرة ورخم
- لي
- علشان انت ردك مستفز اووي بصراحة
- لي ردي مالوا
- علشان انت بترد انك مكنتش عارف تجبلي أي
- ايوا ما دي الحقيقة
- حقيقة أي بس ...انت عارف انا قعدت افكر قد أي علشان اجبلك هديتك
- ..وعارف قد أي لفيت علشان ادورك علي حاجات كويسة اجبهالك

- هو أي طريقة كلامك دي
- مالها طريقة كلامي ولا علشان بتكلم بصدق فامش عاجبك
- لا مش عاجبني علشان انتي بنتكلمي بطريقة اكنك بتعايريني بيها
- لا مش بعابيرك ولا عمري فيوم هعايرك بس انت غريب وردك مستفز ..ازاي يعني مكنتش عارف تجبلي أي
- ايوا يبنتي او مال اكذب عليك يعني
- لا متكذبش
- او مال اعمل أي
- هو أي اللي اعمل أي انا بجد مبقتش فاهماك يعني انا لو مكان مراتك مكنتش هتجبها بردوا
- لا هجبها
- او مال اشمعنا انا
- علشان هي انا عارف هي عايزة أي
- والسنيورة هتكون عايزة أي غير اللي انا هعوزوا يعني
- مثلاً بتكون عايزة حاجات في البيت او حاجات عايزاها للمطبخ لكن انتي معرفش انتي بتحبي أي
- مصطفى انت بتتكلم بجد ولا بتهزر
- لا بتكلم جد
- يبني انت بارد، يعني انا بصراحة اتخنقت انا هروح انام ...سلام
- حاول مصطفى الاتصال عليها لكي يضحك عليها بأي كلمة ولكن سما أغلقت هاتفها ونامت وكانت نائمته وكادت ان تنفجر من الغيظ بسبب الرد المستفز الذي قاله مصطفى، وبالطبع كان مصطفى لم يُفكر ابداً في انها ممكن ان تسأله عن هديه عيد ميلادها لأنه كان يظن انها ستكون محروجة وهي تسأله تلك السؤال ولكن كانت سما تُكلمه بكل بصراحة.

كان مصطفى يفكر في ان يكمل معها او ان يتركها ويذهب الي فتاة اخري لكي يوهمها بأنه يحبها ويطلب منها المال والهدايا ولكنه كان خائف من ان يترك سما بسبب انها ممكن ان تفضحه وتحكي لأهلها انه كان يطلب منها المال والهدايا ولذلك قرر مصطفى ان يكلمها في صباح الغد ويضحك عليها بكلامه لكي لا تغضب منه.

وبالفعل رن مصطفى علي سما في الصباح:

- أي القمر زعلان لي
- متبطل استعباط علي فكرة انا بعرف استعبط كويس
- يستي أهدي بس
- منا هاديه اهه
- طيب انتي عايزة أي وانا اعملهولك
- مش عايزة حاجة يمصطفي
- متففشيش بق
- لا انا عادي اهه
- طيب انتي علوزه أي
- عايزاك تقدرني وخلص ماشي
- ماشي يستيليكي عندي احلي هدية بس اصبري

ارادت سما ان تمزح معه وتضايقه فقالت:

- اوعي تكون هتديني عجلة 
- دنتي رايقة وبتريقي كمان
- لا والله بس بهزر معاك
- ماشي يستي انا هقفل علشان افطر ماشيومتنسش تفطري
- حاضر...يلا باي

استطاع مصطفى كعادته ان يضحك علي سما ويأكل بعقلها حلاوة بكلامه كما يفعل كل مرة وكانت ايضاً ككل مرة سما تُصدقه وتتخطي الموضوع لظنها بأنه سوف يتركها اذا ظلت غاضبة منه او اذا لم تنفذ أي طلب يطلبه منها مصطفى.

لا اعلم لماذا الحب هو الهبة الوحيدة من الله الذي اذا اصابته الشخص سواء كان راجل او امرأة فإن ذلك الشخص يُصاب بالعمي المؤقت لأن عندما يحب الرجل امرأة او العكس فإنه لا ينظر الي عيوبه/عيوبها ابداً ولا ينظر الي الأفعال السيئة الذي يفعلها والذي ممكن ان تكون تلك الأفعال السيئة تؤذي الطرف الأخر بشدة وتجعله يعاني من الم نفسي بعد انتهاء العلاقة فتكون تلك العلاقة مجرد منشار كهربائي يُقَطِّع النفس ويؤذيها بشدة.

قد يظن جميع الذي يقرأ كلامي هذا انني أبالغ بأنني شبهت العلاقة المؤذية او التي يكون الطرفين فيها غير سويين نفسياً بأنها مثل المنشار الذي يجرح الخشب ويظل يجرحه هكذا حتي يقطع الشجرة بأكملها وهكذا بالفعل العلاقات المؤذية او مثل ما نُسميها في مصر (علاقات توكسيك) فهذا النوع من العلاقات يكون فيها الطرفين غير سويين نفسياً ويكون طرف يظن نفسه محور الكون ويكون الطرف الاخر يحبه بشده ويريد ان يمتلكه ولا احد يُشاركه فيه حتي عائلته.

وقما قرأت في كُتب علم النفس ان هذا النوع من العلاقات يكون مؤذي للإنسان جداً حيث انه بمجرد الانفصال عن ذلك الشخص الذي اعتدت عليه في يومك يصبح يومك ممل جداً وبطيء بشكل غير طبيعي ولا تجد أي شيء لتفعله لأن في ذلك الوقت كنت تُكلم ذلك الشخص.

وصنف علماء النفس الأشخاص الذين خرجوا من ذلك النوع من العلاقات الي نوعين؛ النوع الأول ان الشخص يُدرك بأن عليه التطوير من نفسه بصدق وليس لمجرد مده قصيرة فقط.

وذلك الشخص الذي يُدرك ان عليه التطوير من نفسه يبدأ في التعلم وينمو عنده حب التعلم في أي مجال حتي يكون مميزاً وملفتاً في وسط الجموع. لا أعني ان

يكون ملفتاً كشخص شكلة جميل ولكن كشخص ذكي ويملك سرعة بديهية ويعرف كيف يتعامل مع الناس ويُخاطب كل شخص علي حجم عقله.

ومن المستحيل ذلك الشخص ان يثق في أي شيء علي الإطلاق إلا بنسبة صغيرة لا تتجاوز ال 1%

وإذا وثق في شخص يكون ذلك الشخص بالنسبة له مخزن اسراره ويكون مطمئن له بنسبة 100%

وذلك الشخص نتيجة لما تعلمه يكون هادئ جداً ومرتزن نفسياً ولا يحب الضوضاء ويحب الوحدة والهدوء بشكل مرعب ويكون عنده خلفية عن طريقة تفكير الشخص الذي امامه بمجرد الحديث معه لدقائق.

هذه هي مميزات الشخصية الذي تعلمت دعوني أقول لكم عيوبها؛ عيوب تلك الشخصية انه لا يقدر ان يحب مرة اخري لأن نفسه ظلت عالقة بالشخص الذي كان مرتبط به ولا يعرف ذلك الشخص ان يعبر عن مشاعرة بصدق ويكون جاد في معظم الأوقات لا يري الناس ابتسامته او ضحكته إلا الأشخاص المقربين منه فقط، وعندما يراه الناس لأول مرة يظنون انه متكبر ومغرور.

دعونا نحكي عن النوع الثاني من الأشخاص الذين يخرجوا من العلاقات المؤذية يكون ذلك الشخص عندما يخرج من علاقة مؤذية يُدرك انه ظلم وان الطرف الاخر ظلمه ولا بد ان ينتقم منه ويؤذيه، وبالطبع هذا النوع من الأشخاص لا بد ان يكون بجانبهم اشخاص سويين نفسيين لكي يلحقوهم قبل فعل أي شيء لأن لو احاط ذلك الشخص اشخاص غير سويين نفسياً او يملكون عقد تجاه أنفسهم فإنهم بذلك يُدمروا ذلك الشخص.

يعيش ذلك الشخص دائماً دور الضحية الذي سُلِب منها حياتها كما يظن ولكن اذا كان بجانب ذلك الشخص شخص جيد وناضج وسوي نفسياً ويتحمل أي ردة فعل منه فإنه يستطيع ان يحول ذلك الشخص الذي يعيش دور الضحية الي شخص يفهم في الناس ويعرف كيف يتحكم في مشاعره وان لا يظهر مشاعره إلا للأشخاص

الذي يثق بهم فقط وليس لأي شخص غريب. اعلم ان ذلك امراً مستحيل علي
الفتيات وسهل الي حدٍ ما بالنسبة للرجال. لا أُعيب في الفتيات لأن قلب الفتاة
ومشاعر الفتاة تختلف كثيراً عن قلب ومشاعر الرجل.

فالفتاة في مجتمعنا العربي تستطيع ان تُعبر عن مشاعرها ولا يوجد أي شيء
مخرج في ان تحكي مشاعرها ولكن الأمر يختلف كثيراً عند الرجل.

فالرجل في مجتمعنا العربي يكون مُحرمًا عليه ان يحكي لأي شخص عن مشاعره
لأنهم يعتقدون ان ذلك يُقلل من رجولته وهذا امر خطأ بنسبة (مليون%)

فعندما يكتُم الرجل مشاعره ولا يحكيها لأحد فإنه يتولد عنده نوع من القسوة
والخشونة في افعاله.

دعوني احكي لكم قصة تشرح لكم الفقرة السابقة. كان هناك ولد اسمه (ص) وبنت
اسمها (س). كانت س تأخذ في الدرس الذي يأخذ فيه ص وكانت س تحب ص بل
تعشقه عشق الجنون. وكان ص لا يعلم بأن س تحبه فهو لم يكن يعلم من الأساس
بأنها موجودة معه في نفس الدرس. فكرت س كيف تجعل ص يأخذ باله منها وان
تعترف له بحبها. فكانت صاحبة س تحب صاحب ص وكانوا يتكلموا مع بعضهم
وعندما علمت س بذلك قالت س لصديقتها بأن تقول لصديق ص بأن س تحب
صديقه. وبالفعل قال صديق ص الي ص بأن س تحبه وكان ص لم يكن يُحبها ولم
يتعرفوا علي بعض. فقرر س و ص ان يتكلموا كأصدقاء ثم بعد ذلك تتطور
مرحلتهم الي الارتباط وبالفعل ظل الاثنان يتكلموا مع بعضهم يوم واحد فقط حتي
اعترفت س الي ص بأنها تحبه منذ فترة وقال لها ص بأنه يُحبها. لم يكن ص يحب
س الحب الصادق بل كان ص شخص غير سوي نفسياً وملئ بالعقد مثل عقدة
الرجسية و عقدة المبتز العاطفي و عقد كثيرة لا تُعد. كان ص يحب شكل وجسم س
وليس روحها وقلبها فقد كان يحبها لكي يتباها بأن س ذو الجسم والشكل الجميل
تحبه فقد كانت س تتميز عن اقرانها الذي في عمرها بأنها كانت محجبة ذو جسم

منحوت كما يقولون بالمصري وكانت تتميز بأنها كانت جميلة جداً فقد كان كل من ينظر لها يقول انها متزوجة او انهت تعليمها.

ظل س و ص يتحدثوا مع بعضهم وكان ص يبتذس عاطفياً فقد كانت س فتاة محترمة ومهذبة جداً وكان ص يحدثها في أمور المتزوجين علي كلامه بأنه سوف يتزوجها في المستقبل لكي تقبل بأن يتحدث معها في ذلك المواضيع وبالفعل بدء الاثنان يتحدثان في ذلك المواضيع حتي قال لها ص في يوم انه يريد ان يُقبلها دليل علي حبه لها. هي رفضت رفضاً قاطع في اول الأمر ولكن ظل يُلح عليها حتي وافقت وقال ص الي س بأنه سوف ينتظرها عند مدخل الدرس لكي يُقبلها. قالت له س بأنها موافقة ولكنها كانت تقول له هكذا لكي لا يُلح عليها وعندما جاء يوم الدرس تعمدت س ان تذهب الي الدرس قبل معاده بنصف ساعة لكي لا تُقابل ص في مدخل الدرس وعندما يسألها ص لماذا لم تنتظره تقول له بأنها انتظرتة في المدخل ولم يأتي ولذلك دخلت الدرس لكي لا يشك بها احد وبالفعل نجحت خطة س بنسبة 100% وكان ص لا يغير علي س لأنه لم يكن يحبها من الأساس وكان قد عرّفها علي أصحابه وعرّف أصحابه عليها وكان بين أصحابه ذلك شخص دعونا ان نسميه (X) كان X صديق ل (ص) وكان ص عرّف X علي س وكان X كما يقول أصدقائه عليه بأنه ذكي وممتاز في دراسته وكان X في ذلك الوقت مهتم جداً بمجال علم النفس والتحليل النفسي.

وبالفعل تعرف X علي س وأعجب بها بسبب شكلها وجمالها ولكنه لم يُخبر احداً بذلك ولكن عندما تعرّف X علي س اكثر شعر بأنه يحمل بداخله مشاعر اخوية وليس حب وان اعجابه بها كان مجرد لشكلها وجسمها الممشوق.

حكي ص ل X ان س كانت تريد قبلة منه وهو لم يريد ذلك، في الأول صدّق X ما قاله ص ولكن عندما كان X يتحدث مع س اخبرته بأن ص كان يريد ان يقبلها دعونا نعطي القاب لذلك الأشخاص، نفرض ان س تُسمي ليلى و ص يُسمي احمد و X يُسمي علي.

- (ليلي): ولا اقولك على حاجة بس تحلف إنك متقولش حاجة لأحمد
- قولي يستي متخفيش
- لا احلف الأول
- والله مش هقول حاجة لحد
- ماشي....احمد كان عايز يبوسني
- احلفي
- والله

لم يُصدّق علي ليلي لأن احمد حكي له نفس الموضوع ولكن بالعكس فظن علي ان ليلي تكذب عليه فقال لها:

- كدابة صح
- لا والله مش بكذب
- طب وريني كدا الشات اللي قالك فيه كدا
- لا ده كان ريكورد استني هبعتهولك
- ماشي

وبالفعل أرسلت ليلي التسجيل الصوتي الي علي وبالفعل ليلي كانت صادقة و احمد كان يكذب عليه، لم يعلم علي لماذا احمد كذّب عليه خصوصاً ان علي لا يحب الدخول في تفاصيل الناس ولكن ضميره لم يسمح له بأن يُخبي علي ليلي ما قاله له احمد: - ليلي اقولك على حاجة بس متقوليش لأحمد نهائي هاااه

- ماشي قول ...والله مش هقول لأحمد أي حاجة
- أرسل علي الي ليلي صورة لمحادثته مع احمد عندما كان يحكي له بأن ليلي طلبت منه ان يُقبلها
- أي ده!!!!!!!!!!!!!!
- والله انا مكنتش عايز اقولك علشان اكيد هتزع علي وممكن تشكي فيا إني انا بخرب بينكوا بس مقدرتش الصراحة مقولكيش

- طب هو لي قالك كدا واشمعنا وصلهاك بطريقة إني مش محترمة و بنت شمال
- معرفش والله بس انا علي حسب معرفتي بيكي بقولك إنك محترمة و هو بس اللي فيه حاجة
- حاجة زي أي
- معرفش والله
- مش انت قولتلي إنك بتقرأ علم نفس وفاهم فيه
- اه
- طيب متقولي هو ليه عمل كدا يعني تحلي شخصيته
- بس اما أقول مش هتزع علي صح
- لا مش هزع
- كان علي يوجد به عيب انه لا يعرف كيف يُمهدّ المواضيع عندما يحكيها فقد كان كلامه كله صريح لا يهمله اذا كان كلامه يجرح الشخص الذي امامه ام لا ولكنه كان يتميز بصراحته في كلامه، قال لها علي:
- بصي هو بصراحة كدا هو وصلّي المعلومة بانك اللي طلبتي منه كدا وهو رفض علشان هو مش بيحب كدا
- لا والله العظيم كداب انا عمري مطلب من حد كدا
- ايوا منا عارف بس انا معرفش هو لي قالي كدا ووصلها لي بالطريقة دي
- ..بس في علم النفس ان الشخص اللي بيكذب علشان يبين للناس انوا شخص نضيف من جواه يبق معقد
- يعني أي معقد ممكن تفهمني اكثر
- يعني عنده عقده نفسية
- قصدك تروما
- ايوا يعني تروما ... فالعقدة اللي عند احمد هي عقدة انوا نرجسي يعني بيحب يظهر للناس انوا أحسن واحد في الدنيا ودايماً تلاقيه بيمدح في نفسه حتي لو

بالكذب ...ودائماً هتلاقية مش بيعترف بغلظه او مش بيحب يغلط نفسه
وبيغلط اللي قدامه كتيرر اووي حتي من غير سبب ... ولو دخل علاقة مع
شخص هيسبب للشخص ده ضرر نفسي وهيفضل مآثر فيه علي طول

- اممممممم

- امممم أي

- لا مفيش حاجة... انا هنام علشان بنام علي نفسي

كان علي متأكد من انه صدمها صدمة عمرها فقد كانت ليلي تحب احمد كثيراً بل
كانت تعشقه بالمعني وكان علي متأكد من ان ليلي حزينة الان وليس بعيداً ايضاً
انها تبكي الان، لم يعلم علي ماذا يفعل لكي يُخفف عنها المها، لأنه كان يعرف ان
ليلي شخصية حساسة وكان يعلم ايضاً ان من اصعب الألام الم الصدمة في الحبيب
فهذا الألم يشبه الخنجر الذي يطعن الجسد، فهو كذلك بالفعل،

- بت بت انتي يوليه

- أي يبني في أي

- أي منمتيش لي

- كنت هنام بس انت بعث رسالة

- انا؟؟؟؟

- ابوا يبني منت لسه باعت اهه

- لا دي ايدي اللي بعثت مش انا

- والله

- اه وربنا ☹️

- شكلك فاضي ورايق وانا بصراحة عايزة انام

- يجدع عايزة تنامي بردوا ☹️

- ابوا يبني واللهمش مصدق لي اني عايزة انام المفروض ان الساعة واحده

ليل والمفروض انام

- والله ده علي أساس ان امي اللي كانت سهرانة بتتكلم معايا امبارح لحد
الصبح صح
- معلش بق عايزة انام والله
- بطلي كذب هتولعي من كذبك ده
- كدبت فين بيني
- عايزاني اسبيك تنامي علشان انتي كدابة ومش هتنامي وهتفضلي تفكري في
كلامي وتعيطي لحد الصبح وبعد كدا تنامي وانتي معيطة وتصحي تلاقى
عينك منفوخة من العياط وتبقي شبه العفريته
- كان علي يتميز ايضاً بخفة دمه ولكنه كان (رخم في بعض الأوقات) وكان
قادراً علي ان يجعل أي شخص حزين يجعله يضحك معه وينسي لماذا كان
حزين ولماذا كان يبكي
- نعم!!!!!!، عفريته أي حيوان انت
- بطلي شتيمة يوليه
- منت اللي شتمت الأول وقولت عفريت
- ايوا منا مغلطتش
- بردوا!!!!!!، بيني هشتم تاني
- لي بس، منا فعلاً مغلطتش لو نمتي معيطة وصحيتي هتلاقي عينك منفوخه
وتحتها اسود يعني هتبقي شبه الشامامين يا ليلي 😊😊
- 😊😊 يعني هبق شمامة
- ايوا لو نمتي معيطة
- طيب ماشي سبني انام بق
- لا مهو انا مش هسبيك
- يعلي بطل رخامة بق، سبني انام علشان خاطري
- لا!!!!!!!!!!!!!!!!!!!!!! 😊😊

- طيب انت عاوز أي وانا اعملهولك بس تسبني انام علشان انا مش قادرة
وعايزة انام
- بيت بطلي كذب انتي مش عاوزة تنامي انتي عاوزة تقفلي علشان تعيطي إن
مكنش كمان بتعيطي دلوقتي وانتي بتكلميني
- وانت عرفت منين اني بعيط....ولا لتكون مركب كاميرا في اوضتي او
تكون مهكر الكاميرا بتاعت تليفوني وشايفني منها انا عارفاك قرد وتعرف
تعملها
- ايوا اعرف اعمالها 😊
- بتغمز لي يحيوان
- بطلي شتيمة
- طيب
- بصي من الآخر مش هسيبك تنامي وانتي معيطة فا حتي لو خبطتي دماغك
في الحيط مش هسيبك بردوا
- طيب انت عرفت منين اني بعيط
- قومي اغسلي وشك الأول من العياط وبعد كدا تعالي نتكلم
- حاضر
- قامت ليلي الي الحمام لغسل وجهها وتنشيفه وعندما كتبت له بأنها غسلت وجهها
كان علي لم يري الرسالة فظنت انه نام لكنها لم تكمل خمس دقائق لغسل وجهها
ولكن كان عمر يبحث عن بطنه ويبحث في الثلاجة علي أي شيء يأكله ولم يجد
شيء سريع التحضير سوي الجبنة فقام بإعداد سندويتش جبنة ثم امسك هاتفه ليجد
بأن ليلي أرسلت له رسالة منذ عشر دقائق
- معلش كنت بعلمي سندويتش
- أي بيني افكرتك نمت...انت دايماً كدا همك علي بطنك
- منا جعان اعملك أي يعني....وبعدين انام ازاي واسيب القمر اللي قاعد يعيط
ازاي

- بس يا ض بطل معاكسة علشان مضربكش
- أراد علي ان يمزح معها اكثر: لي بس متسبيني اعاكس القمر
- بيني بس بق وشي بيحمر اما حد يعاكسني
- طيب يختي ممكن اعرف بق كنتي بتعيطي لي
- قبل مقول حاجة انت عرفت منين اني كنت بعيط
- احنا بقالنا قد أي بنتكلم
- حوالي شهر
- طيب بينتي عيب عليكي قولتلك قبل كدا ان بعرف الناس بسرعة اووي
- وبعرف احلل شخصيتهم واعرف هما ممكن يزعلوا امتي ويفرحوا امتي
- بس مش للدرجه دي، ده امي اساساً مستحيل تعرف اني بعيط
- بينتي عيب عليكي انتي مستقلة بيا!!!!
- لا والله ابدأ بس مستغربة انت عرفت ازاي
- أي خدمه..بس فكك دلوقتي انا عرفت ازاي انا كنت عايز اعرف انتي كنتي بتعيطي لي
- علشان انا اتصدت من اللي شوفته انت فاهم يعني أي حد انت بتحبه اووي
- يقول عليك كدا لحد غريب هو اه انت مش غريب بس انت اكيد فاهم صح
- ايوا كملني
- يعني انا مش عارفة هو قال كدا لي وقالك لي اساساً مش المفروض دي
- حاجة ما بنا المفروض انوا ميقولش لحد صح
- ايوا صح
- وانا والله قولتلك مش علشان حاجة ولا علشان في دماغي حاجة انا قولتلك
- علشان احنا أصحاب وكدا وحسيت اني عايزة اقولك
- لحظة..... هو انتي قولتي لصحابك كلهم ان احمد طلب منك كدا؟
- اه

- اه أي بس انتي عبيطة يا ليلي ازاي تقوليلهم حاجة زي كدا اصلاً، غلط اووي اللي عملتية
- يبني عادي مفهاش حاجة
- لا فيها كتير
- مش فاهمة
- يعني مينفعش تقولي لحد حاجة حصلت ما بنكوا زي دي علشان غلط وانتي متضمنيش دماغ صحابك ممكن حد منهم يطلع عليك سُمعة مش كويسة ويحور في الكلام صح ولا أي
- ايوا كلامك صح فعلاً
- طيب نصيحة من اخوكي متقوليش لحد تاني، ولو عايزة تحكي لحد اللي بيحصل ما بينكوا فيكون شخص واحد بس وتكوني واثقة فيه ثقة عمياء ومش بقولك انا هاه
- تمام بس انا هموت واعرف هو قالك لي كدا
- بصي انا معرفش هو قالي لي كدا بصراحة
- هو ممكن يكون قال لصحابوا الباقيين صح
- ممكن اه وممكن لا
- طيب متسأله علشان خاطري
- حاضر
- خرج علي من محادثة ليلي وضغط علي محادثة احمد وقال له: ولا هو انت قولت لحد تاني ان ليلي طلبت منك انك تبوسها ولا.
- لم يرد احمد من الواضح ان هاتفه مقفول، ولكن بعد مرور دقيقة انتبه علي الي رسالة مُرسلة له من احمد يقول: بتسأل لي في حاجة ولا أي
- لا يعم بسأل عادي
- طيب.. عمماً انا قولت لصحابي عادي دي حاجة ما بنا عادية

- امممم... طيب هو مش المفروض الكلام ده مبينكوا ولا أي المفروض
مينفعش حد يعرفه صح؟

- يعم عادي، كدا اما طلبت مني كدا انا بصتلها بصره استحقار، وقلّت في
نظري جامد

- اه، طيب مفكرتش تسألها هي لي طلبت من كدا

- لا مش عايز اسألها علشان هتفضل تقولي انه طلب عادي وبصراحة بق

يسطا بيني وبينك انا هسيبها علشان متشرفش ان بنت زي دي تكون حبييتي

غضب علي من كلامه جداً فكيف يقول علي فتاة هكذا، ويقول علي لسانها كلام
هكذا، وقد صغر احمد في نظر علي كثيراً بسبب الذي قاله علي ليلي.

لم يعرف علي ماذا يقول الي ليلي هل يقول لها كل ما قاله له احمد ام يكذب عليها
ويقول لها اي حجة لأنه اذا قال لها الحقيقة فإنه بذلك يقضي عليها تماماً وكأنه
اطلق عليها رصاصة من قناصة لان ذلك الكلام الذي قاله احمد علي ليلي قادراً
علي ان يجعل ليلي تنتحر، لأن ذلك سوف يهز ثقتها بنفسها وسوف تحزن علي
نفسها وعلي الشخص الذي احبته وقال عليها هكذا.

وبالفعل قرر علي ان يكذب علي ليلي وقال لها:

- ليلي

- أي

- انا سألت احمد ووالي انا قولت لصحابي عادي

- ينهار اسود!!!!!!

- أي

- هو أي اللي أي ازاي يقول عليا كدا لصحابه يعني انا كدا فنظر صحابه بنت

مش محترمه صح

أراد علي ان يخفف عليها وقال لها: متبصيش للموضوع من الناحية دي

- هو أي اللي مبصلوش من الناحية دي .. البنت ملهاش غير سمعتها اكيد انت عارف حاجة زي كذا صح
- ايوا عارف اكيد بس اديله فرصة تانية ممكن يكون قال كذا في الكلام مكنش مخطط يعني انوا يقول كذا
- ممكن
- خلاص سيبينا من الرغي ده كله
- طيب
- انتي بتعملي اي
- قاعدة مش بعمل حاجةوانت
- قاعد بأكل
- أي بيني انت مش بتشبع يخربيتك 😊😊
- في أي يست انتي يعني اموت وماكلش
- لا ابدأ بعد الشر عليك يحبيبي، كنت عايزه اقولك حاجة
- قولي
- انت بصراحة كبرت فنظري اما مسبتنيش انام وكنت عارف ان هعيط
- عادي يست احنا أصحاب
- لا بجد والله انت بصراحة حسستني إني بق ليا اخ كبير مع إنك كان ممكن تقول مليش دعوة بيها انشالله تعيط او تتفلق انا مليش دعوة لكن انت معملتش كذا ومردتش تسبني وانا بعيط ومسبتنيش غير اما بطلت عياط واحنا مش صحاب لا احنا اخوات واخوات اووي كمان
- بت انا بتأثر بالكلام الحلو ده وعيني بتدمع 😭
- بيني نفسي اشوفك بتتكلم جد لمده دقيقة حتي
- بتكلم جد بس مع الناس اللي اول مرة اعرفهم لكن احنا بقينا عيلة ولا أي

يمزة

- مزة!!!

- اه مزة وستين مزة وييق احول اللي ميقولش عليك مزة

- حبيبي ♥ ، قولي بق عامل أي مع ياسمين

نعم كما أدركتم الان ان (علي) هو (عمر) فقد كنت حابب أوضح لكم كيف تغير
عمر وأصبح ذلك الشخص الذي قرأتم عنه في السطور السابقة فقد أصبح عمر
شخصاً مختلفاً غير الذي كان عليه من سنتين

8- اللقاء الأول

في صباح اليوم نهضت ياسمين وهي متحمسة للذهاب الي المدرسة لكي تتعرف علي اخت الولد الذي اعجبها (بلال) انتهت ياسمين من لبسها واخذت حقيبة المدرسة واتجهت الي بيت رغد لكي يذهبا معاً الي المدرسة وكالمعتاد كانت ياسمين تنتظر رغد تحت منزلها لكي تُجهز نفسها لأنها كالمعتاد تصحي متأخر

- أي بينتي متنجزي كل ده بتلبيسي
- يستي بلبس اهه قربت أخلص ...انتي فين اساساً
- انا تحت بيتك يباردة من ربع ساعة
- احلفي
- اه والله ممكن تخلصي بق علشان انا زهقت وتعبت من الوقفة دي
- ماشي انا هسرح شعري اهه والبس الكوتش وانزلك علي طول
- يخربيت اهلك لسه هتسرحي شعرك ..دنتي بتقعدي سنة عقبال ما تسلكيه بس
- قصدك أي بالكلام ده يحيوانه
- مقصدش حاجة يستي
- كدابة ...قولي قصدك أي
- بت بطلي رغي ...والله العظيم يرغد لو منزلتيش في خلال خمس دقائق لأمشي واسيبك
- تقدرني تمشي من غيري

- اه أقدر امشي من غيرك علي الأقل احسن من اني اتهزق من المديرية
- يستي عادي
- اه منتي مهزقة متعودة علي التهزيق كل يوم من المديرية لكن انا مش مهزقة زيك
- علي فكرة خلي بالك إنك بتجرحي مشاعري باللي بتقوليه ده
- اغبطني دماغك في الحيط لو مش عجبك
- لا ابدأ عاجبني هو انا أقدر أقول غير كدا
- طيب خلصتي تسريح شعرك ولا لسه
- لا لسه بس قربت أخلصه اهو
- ماشي...بقولك أي
- أي
- احنا علي اتفقنا من امبارح اننا هنتعرف علي البت دي
- انهو
- بينتي اللي وريتلك صورتها امبارح بليل اللي كانت متصورة مع ولد
- اه....ايوا بينتي نبق نكلمها في الفسحة او لو لقيناها قبل طابور المدرسة نكلمها
- يشيخه اتنبلي ده احنا بيق ربنا بيحبنا اووي لو لحقنا الطابور اساساً
- لي بينتي دي الساعة لسه 8 إلا عشرة
- اه يختي والطابور بيبدء 8 إلا ربع اساساً وانت عقبال ما تنزلي هتكون 8 وعقبال ما نروح كمان مش بعيد تكون 8 ونص
- لا يستي مش للدرجادي اتفألي خير بس ومتخفيش رغد معاكي
- مهو ده اللي مخوفني انك معايا
- يحيوانه يجزمه
- هاه خلصتي ولا يزفته
- خلصت شعري اهه وهلبس الكوتش ونازله
- طيب اقفلي بق ودقيقة والاقبيكي قدامي تحت ومتأخريش

- حاضر...سلام

وبالفعل بعد دقائق نزلت رغد الي ياسمين التي كانت تنتظرها أكثر من نصف ساعة واقفة علي رجليها.

مشي الاثنان الي المدرسة في صمت دون ان يتكلما، حتي قطع ذلك الصمت صوت رغد:

- أمك عملا لك فطار أي النهار ده
- جبنة وحلاوةوانتي
- لا منا متخانقة مع البيت كله فماما معمليتليش فطار بس عملت لأخواتي
- أحسن
- أحسن أي بس منا هاخذ منك سندويتشات منا اكيد مش هقعدي 5 ساعات في المدرسة من غير مأكلي بيق حرام يعني ولا أي
- وانا أي ذنبي بيكي انتي وأمك متخانقوا ولا تولعوا في بعض انا أي ذنبي إنك تاخدي مني سندويتشاتي
- انتي بصالي في اللقمة كمان ...دا هما تلت أربع سندويتشات هاخذهم منك بس
- اه ..انتي تأكلي اربع سندويتشات وانا اكل الكيس صح
- والله فكرة حلوة
- طيب اسكتي يا رغد بدل مشتكم
- خلاص يستي اتكتمت اهو
- جدعة مسمعش صوتك بق لحد ما نوصل
- حاضر

وصل الاثنان الي المدرسة بعد حوالي ربع ساعة من مشيهما، وبالطبع وصلا بعد انتهاء الطابور كما توقعت ياسمين لأن الساعة اصبحت 8 وتلت.

وكان من حظهما ان المديرية لم تلمحهم، جري الاثنان الي فصلهما وكان مدرس الحصة الاولي قد دخل وعندما استأذنوا لدخول الفصل فطردهما المدرس بسبب انه يمنع أي طالب ان يدخل بعده الفصل.

- عجبك كدا يفقر ادينا اهو مطرودين بسببك ومتازنين كمان
- اعمل أي يعني منا صحيت متأخر حرام يعني ولا عيب
- لا ولا عيب ولا حرام بسبب هنقف علي رجلينا برا الفصل عقبال ما الحصة تخلص أي رأيك
- حلو اووي انا بحب إني اطرده اصلاً
- مش بقولك انتي واحدة مهزقه ...انا معرفش اساساً انا صاحبتك ازاي
- مالي يعني ...ناقصة ايد ولا رجل
- لا ناقصة ربايه مش اكثر
- حبيبتني تسلميلي
- اسكتي بق لحد ما الحصة دي تخلص علشان اتخنفقت
- حاضر

انتظر الاثنان حتي تنتهي الحصة الاولي لكي يدخلوا الفصل، انتظروا حوالي ساعة إلا ربع وعندما انتهت الحصة الاولي خرج المدرس من الفصل وقبل ان يتوجه الي غرفة المدرسين لمح رغد وياسمين فقال لهما: لو لقيتكو جايين متأخرين تاني هخرجكو برا المدرسة مش برا الفصل تمام

- ياسمين: تمام يمستر

قالت رغد بعدما دخل المدرس غرفة المدرسين: يعم روح اقعد فحته والنبي مش ناقصاك النهارده

- ياسمين: يعني انتي بجحه وبتتكلمي كمان
- ما هو عاملي فيها المدرس المحترم المتربي وهو اساساً بيهزر مع البنات كثير واوقات بيحط ايده علي اديهم
- بجد
- اه والله بينتي فنا مش طايقاه خالص
- طيب انتي عرفتي منين انوا بيهزر مع البنات وبيحط ايده علي اديهم
- بينتي المدرسة كلها عارفة كدا وفي ام واحدة صحبتنا راحت للمديرة واشتكت والمديرة معملتش حاجة
- اه...طيب خلاص فكك..يلا بينا نخش بق ولا حضرتك هتخلينا واقفين
- لا يلا نخش

دخل الاثنان الفصل وكان عليهم حصتين قبل معاد الفسحة، انتهت الحصة الاولى وكان الاثنان قد تعبوا كثيراً بسبب صوت ذلك المدرس وهو يصرخ في الطلاب ويضرب بالعصا علي الديسك حتي يصدر صوت مزعج ليسكت الطلاب، وكان من حسن حظهم ان الحصة الأخيرة التي هي قبل معاد الفسحة كان مدرسها غائب بسبب ظروف صحية عنده، فجلس كل الطلاب في الفصل منهم من يتصفح هاتفه ومنهم من يجري وراء الاخر ومنهم من يتكلمون مع بعضهم ومنهم من يأكل العلكة ويأكلها ويصدر صوتاً مقرف عندما يأكلها. ولكن كانت ياسمين ورغد من نوع الطلاب الذين جلسوا لكي يتصفحوا هواتفهم ويشاهدوا أي شيء يقضي علي ذلك الملل.

- ياسمين انتي بتعملي أي
- شايفاني بعمل أي يا رغد متبطلي غباء شوية
- يستي مش قصدي بس كنت بنكشك بس
- ماشي
- طيب بقولك أي
- خيررر

- انتي مش هتاكلي ولا أي
- بتسألني لي
- بسأل عادي... خايفة عليكي غلطت يعني
- لا

كانت ياسمين تعلم ان رغد سألتها ذلك السؤال لأنها كانت تشعر بالجوع ولم تريد ان تطلب منها ان تعطيها الطعام بطريقة مباشرة، أخرجت ياسمين طعامها من حقيبتها وقسمت طعامها بالنصف مع رغد، اذ تفاجأت ياسمين من ملامح رغد عندما نظرت الي يد ياسمين وهي تعطيها الطعام وكأنها شاهدت كنز من كنوز العالم وليس طعام. فقالت ياسمين مازحة رغد: يخربيتك انتي بتبصي للأكل كدا لي

- منا جعانة اوووي حرفياً ونسيت خالص اجيب اكل من المطعم واحنا جايبين
- جدعة.... طيب امسكي كلي
- شكراً... بس ده كثير
- كثير أي احنا هنصيع علي بعض دنتي بيق قابليني لو شبعتي بعد متاكلهم
- خلاص يستي متزقيش كنت عايزه بس ابين إني محترمة و متربيه ومش مفجوعة
- لا يحببتي انتي مفجوعة
- مخلص يوليه عرفت إني مفجوعة اسكتي بق عايزة اكل
- كلي

ظلت رغد تأكل طوال فترة الحصة حتي رن جرس الفسحة فاتجه جميع الطلاب نحو الباب لكي ينزلوا الي فناء المدرسة ولكن رغد ظلت مكانها وهي تأكل، ضربت ياسمين رغد ضربة غضب علي كتفها: متنجزي يباردة متزفته قاعدة لي

- باكل يستي في أي
- هو أي اللي أي مسمعتيش جرس الفسحة

- فكراني كدا هسامحك والله العظيم مش هسيبك بردوا

قالت ياسمين ضاحكة لها: طيب انا نازلة عايزة حاجة مني؟؟؟

- رايحه فين يحيوانه وسيباني واقعة كدا ...هاتي ايدك قوميني بسرعة قبل
محد يشوفني وانا واقعة كدا

- مش كنتي قاعده تشتميني من شوية وعايزاني كمان اساعدك ...دنتي بجحه
اووي

- طيب يلا معلش هاتي ايدك قوميني

- ماشي

أسندت ياسمين رغد حتي و قفت علي رجلها وقالت لها في صدمة: بت يخربيتك
احنا نسينا البت اللي عايزين نكلمها والفسحة قربت تخلص

- لسه فاضل ربع ساعة ...بس تعالي نلحقها وندور عليها

- يلا اجري

ذهبا الاثنان الي فناء المدرسة مسرعين قبل ان تنتهي مدة الفسحة، وصل الاثنان
الي فناء المدرسة ووقفا بجانب بعضهما وهما ينظران لجميع الطلاب من مكانهم
لكي يلحقوا تلك الفتاة ولكن لم يلحقوها ابداً. اتفقا الاثنان ان كل واحد منهم تذهب
الي مكان مختلف لكي تبحث عن الفتاة ومن يلحقها اولاً يتصل علي الآخر ويخبره
انه عثر عليها، ومع قرب انتهاء مدة الفسحة وجدت رغد تلك الفتاة تجلس بمفردها
وترتدي سماعات الأذن وتسمع الأغاني التي تفصلها وتذهب بها الي عالم اخر،
عالم تستريح فيه من ضجيج ذلك العالم الواقعي الممل.

اتصلت رغد علي ياسمين واخبرتها بأنها وجدت الفتاة وبعد انتهاء الاتصال جاءت
ياسمين الي رغد، ظلوا يفكروا ماذا سوف يفعلوا لكي يبدؤا معها الحديث

- رغد: ودي هنفتح معاها كلام ازاي

- عادي
- عادي أي دي شكلها في عالم ثاني اساساً
- ايوا منا ملاحظة كذا يمكن علشان علي طول حاطه السماعة في ودنها
وبتسمع أغاني
- ممكن
- طيب... انا بفكر نروح نقولها ازيك عاملة أي ونحاول نفتح كلام معاها
وخلص بس اهم حاجة نعرف رقمها
- عايزة رقمها لي
- مهو اكيد يغيبه مش هنخش نقولها مين الواد اللي معاكي في الصورة ده مرة
واحدة لازم نصابها الأول
- ماشي

توجها الاثنان ناحية الفتاة وجلسوا بجانبها فاستغربت الفتاة منهم ومن جلوسهم
بجانبها هي بالتحديد وكان ينظرون لها مما جعلهم مثل (ريا وسكينة)
تشجعت ياسمين واخذت ثقة بنفسها وبدأت الحديث مع تلك الفتاة ولكن قبل ان
تحدثها لمست يدها برفق لكي تنتبه لها وتُخرج السماعات من اذنها

- الفتاة: نعم
- ياسمين: ممكن نتعرف عليك
- الفتاة: اكيد
- ياسمين: انتي اسمك أي
- الفتاة: حنين.... وانت
- ياسمين: ماشاء الله اسمك جميل.... انا اسمي ياسمين
- الفتاة: شكراً.... تشرفنا

مدت رغد يدها الي حنين لكي تصافحها وقالت لها: اهلاً انا اسمي رغد

- حنين: تشرفنا
 - ياسمين: انتي لي علطول بتكوني قاعدة لوحك ومش بتلعبى مع حد ولا بنشوفك قاعدة مع حد
 - حنين: علشان معنديش أصحاب ... انا لسه منقولة هنا المدرسة جديد ولسه معنديش أصحاب
 - ياسمين: طيب ينفع نكون أصحاب
 - حنين: اكيد طبعاً ينفع
- حضن الاثنان بعضهم كعادة البنات. ظلت رغد تنظر إليهم وتتابع حديثهم فقالت مازحة حنين: واكيد انا طبعاً هبق صاحبك
- حنين: اكيد طبعاً
- اثناء حديثهم سمعوا صوت جرس انهاء الفسحة ... تعست ياسمين جداً لسماع تلك الجرس السخيف
- حنين: معلش انا لازم أقوم علشان عندي حصة ... انتوا مش هتطلعوا الفصل ولا أي
- ردت ياسمين ورغد في صوت واحد: لا اكيد طالعين
- حنين: طيب تمام انا طالعة عايزين حاجة
 - رغد: استني يست عايزة اقولك حاجة
 - حنين: أي
 - رغد: كنت عايزه أخذ رقمك علشان نبق نتكلم احنا الثلاثة في جروب واحد
 - حنين: طيب هاتي تليفونك اكتبهولك
 - رغد: تمام امسكي
- كتبت حنين رقمها في هاتف رغد واخذت هاتف ياسمين ايضاً لتكتب رقمها

وبعد ان كتبت حنين رقمها في الهاتفين قالت لهم مازحة: او عوا بق تدو رقمي
لشباب

رغد: عيب عليكي

ضحك الثلاثة وذهبت حنين الي فصلها وظل رغد وياسمين في مكانهم يتحدثون:

- أي خدمة يست ياسمين عدي الجمال بق
- بس بيت اسكتي
- في أي بيومة محنا خلاص عملنا اللي كننتي عايزاه
- ايوا منا عارفة
- او مال عايزة أي ثاني
- مفيش.... مش عايزه حاجة.... يلا بينا علي الفصل
- استنتي بس
- أي
- انتي مالك مشدودة للبت لي اووي كدا... مع إنك مش من النوع اللي بيحب
يتعرف علي ناس جديدة
- عادي بينتي بطلي هبل
- لا مش عادي بجد مستغرباكي
- لا متستغربيش... مفيش حاجة
- مش مصدقاكي بصراحة
- لي يزفنة
- علشان حاسة ان في حاجة جواكي مش عايزة تقوليها
- لا بينتي قولتلك مفيش حاجة بطلي هبل بق ويلا نطلع الفصل بدل محد
يشوفنا ويهزقنا
- ماشي يلا.... بس مسيري هعرف بردوا أي اللي جواكي ومش عايزه تقوليها
يا سوسه

- اتلمي بيت
- حاضر

ياسمين لم تكن تريد ان تخبر رغد بأنها أعجبت بذلك الولد لأنها كانت تعرف ان رغد سوف تسألها أسئلة كثيرة تشبه أسئلة التحقيق لذلك لم تُخبرها حتي تتعرف علي ذلك الولد من خلال ناحية حنين.

ذهب الاثنان الي الفصل بعد انتهاء مده الفسحة وانتهوا من الحصص الطويلة المملة وعندما سمعوا صوت جرس انتهاء اليوم الدراسي، همّ جميع الطلاب نحو باب الفصل لكي يخرجوا وكعادة كل يوم من الأيام الدراسية في كل المدارس حدوث ازدحام عند بوابه المدرسة نتيجة خروج الطلاب كلهم مرة واحدة واختلاط الطلاب مع أولياء امورهم عند باب المدرسة ايضاً ، وعندما كانت ياسمين ورغد يجروا الي بوابة المدرسة اصطدمت رأس ياسمين في باب المدرسة المعدني بسبب الازدحام الموجود امام الباب المدرسي، وعندما اصطدم رأس ياسمين في الباب وقعت علي الأرض، ولكن من حظها ان حنين ورغد كانوا خلفها مباشرةً لذلك امسكوا بها قبل ان تقع علي الأرض واسندوها حتي تخرج من تلك المدرسة اللعينة.

- اااه دماغي مش قادرة

- رغد: أي اللي حصل يبنتي انا لقيتك مرة واحدة بتقعي وحاولت امسكك لوحدي معرفتش بس لقيت حنين جمبي فالحقناكي قبل ما توقعي علي الأرض
- وانا بخرج وسط الزحمة لقيت كله بيزقني ..فنا بحاول اقوم واثبت نفسي
- علشان مقعش لقيت دماغي مرة واحدة اترزعت في باب المدرسة
- حنين: يلهوي...طب تعالي معانا نروح للصيدلية علشان نجبلك مسكن ولا حاجة
- لا لا مش قادرة أقوم من مكاني خالص ...انا عاوزه ارن علي ماما او اختي
- يجوا ياخدوني علشان مش هعرف امشي

- رغد: لا لا انا هو صلك لحد البيت مترنيش علي حد
- حنين: وانا هو صلك بردوا مع رغد
- لا انتوا الاتنين بيتكوا بعيد عن بيتي وهتمشوا كثير عقبال ما تروحوا

قالت رغد و حنين في صوت واحد: ملكيش دعوة احنا هنعرف نروح

اسند رغد وحنين ياسمين لكي تقف ومشوا معها حتي وصلوا عند منزلها ولكن لم يتركوها بل سعدوا معها الي منزلها لكي يتأكدوا من انها دخلت المنزل ورفضوا طلب (ملك) عندما طلبت منهم ان يدخلوا مع ياسمين لكي يشربوا أي شيء ولكنهم رفضوا بحجة انهم يجب ان يذهبوا لمنازلهم لأنهم تأخروا.

- حنين: رغد... هي مين اللي فتحتلنا الباب دي
- دي اخت ياسمين
- بجد
- اه... في حاجة ولا أي
- لا اصل هي مش شبهها خالص
- لا عادي مهو مش شرط الاخوات يكونوا شبه بعض
- اه فعلاً.... هي اسمها أي
- والله ما فاكره بس تقريباً اسمها ملك
- تمام

مشي مع بعضهم ليذهبوا الي منازلهم ولكنهم تفاجأ من انهم يسكنوا في نفس الشارع ويفصل بينهم عدة عمارات

- أي ده يرغد انتي ساكنة هنا
- اه
- انا كمان ساكنة هنا
- بجد

- اه والله
- طب كويس نبق نروح المدرسة مع بعض بدل منا بمشي لوحدي علي طول
- ماشي...يلا عايزة حاجة
- شكراً.....باي

ذهبت كل واحدة منهم الي منزلها بعد ان عرف كلاً منهم اين يقع منزل الاخر بالتحديد.

كانت ياسمين نائمة علي سريرها تشبه الأموات لأنها لم تكن قادرة علي التحرك بسبب تلك الإصابة...من الواضح ان رأسها اصطدمت بالباب بشدة.

- ملك.....انتي بيت
- أي في أي
- هاتي كوباية مايه
- نعم يختي...متقومي تجيبي لنفسك
- مش قادرة أقوم والله
- هو أي اللي حصل اساساً علشان يكون شكلك كذا ولي صحابك وصلوكي للبيت
- هاتي بس كوباية مايه واقولك
- اوووف طيب....إمسكي اشربي
- ماشي شكراً
- قولي بق الي اللي حصل
- هقولك بس متقوليش لماما
- هي هتعرف لوحدها اساساً انتي مش شايفه شكلك ولا أي
- هو انا شكلي باين عليه إني تعبانة اووي
- ايوا بينتي اووي
- طيب
- هااا، قولي أي اللي حصل

- وانا طالعه من باب المدرسة وسط زحمة العيال لقيت مرة واحدة دماغي
- اترزعت في الباب
- يلهوييي، باب المدرسة
- اه
- معلىش الف سلامة
- طيب مكنتي تخلي بالك بينتي
- والله كنت مخليه بالي بس معلىش بق الحمدلله
- طيب انتي اخدتي مسكن؟؟
- لا انا جيت علي طول مقدرتش اروح الصيدلية اجيب مسكن
- طيب استني هجبلك مسكن من الثلاجة
- انهو ده
- اللي ماما بتاخده اما بتكون دماغها مصدعه
- تمام قومي هاتيه
- حاضر

احضرت ملك المسكن الذي كانت والدتها تأخذه عندما تشعر بوجع في رأسها
واعطته لياسمين مع كوب ماء لكي يُحسن من حالتها قليلاً.

جاءت والدة ياسمين وحكت لها ملك ما حدث وكانت قلقة جداً علي ياسمين ولم يهدأ
قلقها إلا عندما ايقظت ياسمين:

- في أي يماما بتصحيني لي....سبيني انام
- قومي بس عايزه اقولك حاجه
- نعم في أي
- دماغك عاملة أي دلوقتي
- عرفتي منين
- ملكيش دعوة قوليلي بس دماغك عاملة أي دلوقتي

- أحسن الحمد لله
- يعني لسه في وجع
- اه لسه بس اقل من بتاع الصبح بكتير
- طيب انتي اخدتي مسكن
- اه... ملك ادنتي المسكن اللي كنتي بتاخدیه اما بتكون دماغك مصدعه
- طيب يعني مش محتاجة نروح نكشف عليكى ولا حاجة
- لا يماما انا الحمد لله بقيت أحسن
- طيب الحمد لله
- ممكن تسيبيني انام بق
- ماشي نامي بس انتي وراكي دروس النهارده
- اه عندي دروس بس مش هقدر اروح
- ماشي أحسن بردوا خليكى في البيت النهارده علشان لو حصل حاجة بعد الشر
- ماشي... انا هنام
- ماشي يحببتي تصبحي علي خير

اطفأت والدة ياسمين مصباح الغرفة وخرجت من الغرفة وأغلقت الباب.... واعتدلت ياسمين في جلستها لتذهب للنوم ، ولكن قبل ان تذهب الي النوم سمعت ياسمين صوت رنة هاتفها ، اذا هناك احداً يتصل علي ياسمين ، اعتدلت ياسمين في جلستها لتأخذ هاتفها الموضوع علي دولاب صغير موجود بجانب سريرها ، وعندما نظرت الي هاتفها وجدت ان رغد هي المتصل ، ففتحت المكالمة:

- أي بينتي عاملة أي دلوقتي
- لا احسن من الصبح الحمد لله
- روحتي كشفتي ولا حاجة
- لا مش مستهله لان الوجع قل شوية ..لو زاد هقول لماما نروح نكشف

- طيب انتي اكيد مش هتيجي الدرس صح
 - لا مش هعرف اجي خالص
 - طيب اجيلك ونروح مع بعض
 - لا لا انا مش قادرة اروح ولو روحت مش هبق مركزة علشان دماغي هتكون مصدعه جامد
 - طيب علي راحتك
 - بقولك أي
 - أي
 - ممكن تبقي تسجليلي الحصة وتصوريلي الشرح ولو في ملزمه يبق اشترىها واحسبك عليها
 - ماشي
- أكملت رغد مازحة ياسمين: مع إنك نصابة ومش بتديني فلوس ولا حاجة
- وحياة امك ..مش بتاخدي مني سندويتشاتي ومش بحاسبك عليها
 - انتي هتدلينني بالنص رغيف اللي اكلته منك الصبح
 - نص رغيف أي يكداية دنتي اكلتي مني رغيف ونص
 - اه وانتي نتشتيه مني وجريت وراكي ووقعت زي الجردل علي السلم
- ضحكت ياسمين وقالت: اه كان شكلك يضحك اووي بيت يرغد كان نفسي اصورك وانزلها علي النت هتبق مشهورة
- اه...شاهد لأول مرة جردل يقع من علي السلم
 - خلاص بق بيت اسكتي مش قادرة من الضحك وكل مضحك دماغي تصدع أكثر
 - ماشي اديني سكت اه...عايزة حاجة قبل مقفل
 - لا شكراً يحببتي
 - باي

أغلقت ياسمين مكالمتها مع رغد وحاولت ان ترجع الي النوم ولكن لم يأتيها النوم ابدأ وكانت الساعة في ذلك الوقت تُقارب الحادية عشر مساءً، وبعد محاولات ياسمين في الذهاب الي النوم مرة اخري لم تستطع ان تنام، فقررت ان تتصفح هاتفها حتي يأتيها النوم مرة اخري، واثناء تصفحها لهاتفها تذكرت شيئاً قفز مرة واحدة في عقلها ، تذكرت حنين ورقمها الذي سجلته في الهاتف ، خرجت ياسمين فوراً من التطبيق الذي كانت تتصفحه وضغطت علي ايقونة (جهات الاتصال) واخذت تُمرر بين الأرقام حتي لمحت عينها اسم (حنين) لم يكن لدي ياسمين صديقة تسمى حنين من قبل ولكن أصبحت حنين صديقة لديها عندما تعرفت عليها في الصباح ، ضغطت ياسمين علي اسم حنين ونسخت الرقم ثم خرجت من ايقونة (جهات الاتصال) وفتحت تطبيق (الواتساب)، ثم الصقت رقم حنين في خانة (دردشات جديدة) وارسلت ياسمين رسالة الي حنين :

- ازيك عاملة أي...انا ياسمين

لم ترد حنين علي ياسمين من الواضح انها لم تكن تتصفح هاتفها لكي تري الرسالة، خرجت ياسمين من تطبيق (الواتساب) واكملت تصفح في التطبيق الذي كانت تتصفحه، وبعد مرور حوالي خمس دقائق شعرت ياسمين باهتزاز في يدها لأن هاتفها كان في وضع الاهتزاز، جاء اشعار لياسمين بأن هناك رسالة جديدة، فتحت ياسمين الرسالة لتجد ان حنين قد ردت عليها:

- الحمد لله...وانتي عاملة أي دلوقتي

- لا أحسن بكثير من الصبح

- طيب انتي روحتي كشفتي

- لا

- لي

- أصل الوجد قل عن الصبح اووي فملهاش لازمة اروح لكن لو الوجد زاد
بكرة ماما هتاخذني علشان اكشف
- طيب تمام هتعرفي تيجي بكرة المدرسة
- والله معرفش... لو لقيت نفسي قادرة أقوم هاجي
- تمام
- انتي ساكنة فين صح
- ساكنة جمب بيت رغد فنفس الشارع بتاعها
- بجد
- اه
- طيب كويس لو جيت بكرة ابق أعدي عليكي وانا بعدي علي رغد
- تمام كدا كدا انا وريت رغد بيتي فين
- طيب
- ياسمين
- نعم
- انتي عندك اخوات غير اختك اللي شوفتها الصبح
- اه عندي اخويا علي بس لسه صغير
- كام سنة
- والله معرف بينتي
- ازاي اخوكي ومش عارفة عنده كام سنة.. الخبطه اثرت عليكي ولا أي 
-  تقريباً كدا... هو تقريباً تقريباً كدا اخويا عنده حوالي 5 سنين ..بس
- بصراحة مش متأكدة 
-  
- طيب وانتي عندك اخوات ولا
- اه عندي اخ أكبر مني
- اسمه أي

- بلال

سكتت ياسمين لدقائق حينما أدركت ان بلال اخو حنين، وكانت تشعر بفرحة من داخلها، لم تكن تعلم لماذا هي سعيدة ولماذا شعرت بفرحة عندما عرفت ان حنين اخت بلال، قطع سكوتها هذا رسالة من حنين: أي يبنتي روحتي فين

- موجودة اهه
- لا أصل لقيتك سكتي مرة واحدة
- لا لا كنت بعمل حاجة في الفون بس
- تمام
- هو اخوكي أكبر منك بقدر أي
- بلال أكبر مني في التعليم ب 3 سنين لكن في الحقيقة هو أكبر مني ب 4 سنين
- يعني أي
- يعني هو أكبر مني ب 4 سنين بس هو دخل التعليم متأخر سنة فعلشان كدا هو أكبر مني في التعليم ب 3 سنين بس
- اه، يعني هو دلوقتي في تانية ثانوي صح
- اه
- هو دخل ثانوي عام ولا أي
- لا ثانوي عسكري
- هو ليه في التعليم ولا عايز يخلص وخلص
- لا ليه، بس هو كان نفسه انوا يخش ثانوي عسكري وفعلاً عمل اللي في دماغه ودخل ثانوي عسكري
- اهاه، هو عايز يطلع أي
- والله هو كل يوم بحلم مختلف عن اللي قبله لكان اخر حاجة هو قال لهالي انوا عايز يبق ضابط
- يعني ضابط في الجيش وكدا ولا ضابط زي اللي بيكونوا موجودين في القسم

- لا بصراحة معرفش، علشان اخويا لاسع شوية في احلامه 🤪
- ، وانتى بق نفسك تطلعي أي 🤪
- انا نفسي اطلع مضيضة طيران
- اشمعنا
- علشان بيقلوا فلوسها حلوة وغير كدا علشان ممكن اتعرف علي واحد اجنبي في الطيارة ويحبني ونتجوز
- اه دنتي طمعانه في عريس بق 🤪
- اه 🤪
- ماشي يست الله يهسله
- وانتى
- وانا أي
- نفسك تطلعي أي
- نفسي اطلع محامية كبيرة
- ايوا بق يست هيكون علي قلبك فلوس قد كدا
- ايوا بس شوفي بعد كام سنة ..يعني عقبال ما اتخرج من الكلية واثبت اسمي عدي بق كام سنة
- اه، هي فعلاً كلية حلوة بس محتاجة بال طويل اووي
- حصل 🤪
- انتى عندك كراش

لم تكن ياسمين تعلم ماذا تعني كلمة (كراش) وردت علي حنين وقالت لها:

- يعني أي مش فاهمة
- يعني عندك ولد معجبة بيه او كدا

كانت ياسمين لا تريد ان تخبرها الان ان اخوها هو الشخص الذي يعجبها علي الرغم من انهم لم يتحدثوا مع بعضهم ولكن كانت تريد ان تنتظر لكي تتعرف علي حنين اكثر وبعد ذلك تخبرها بأنها معجبة ب اخوها

- لا مش عندي
- بجد
- اه والله
- غريبه يعني
- هو أي اللي غريبه
- غريبة إنك معندكيش ولد معجبة بيه
- لي يعني ما عادي إني يكون معنديش حد معجبه بيه
- لا اصلك مشاءالله حلوه وقمورة فغريبه إنك معندكيش كراش او حتي علي الأقل مفيش ولد قالك انوا معجب بيكي
- لا لا
- طيب
- وانتى عندك كراش
- ايوا
- مين 😊
- واحد كان معايا في ابتدائي بس دلوقتي بياخد معايا درس انجليزي
- اسمه أي
- زين
- الله اسمه جميل اوووي
- اتلمي بيت بتعاكسي جوزي قدامي، احترمي نفسك شوية
- خلاص يست بهزر معاكي
- طيب

- بس بصراحة اسمه جميل اووي، انا معجبة ب اسمه اووي بيت يحنين



- مخلص بق يوليه انتي، واضح بصراحة إنك لسه تعبانة
- والله بينتي دماغي لسه وجعاني، وبتوجعني اكثر اما بضحك
- ماشي يختياتلمي بق ومتجبيش سيرة جوزي تاني بدل مقتلك

ارادت ياسمين ان تمازحها اكثر:

- جوزك أي بينتي بس
 - ايوا جوزي
 - لا مش جوزك، انتوا لسه متجوزتوش
 - لا احنا متجوزين في دماغي
 - ازاي يعني
 - يعني في دماغي احنا متجوزين ومخلفين ست عيال
 - يخربيتك (٥٥) ست عيال
 - اه ست عيال انا بحب العيال الكثير
 - انتي كدا مش بني ادمه
 - اومال انا كدا أي
 - انتي كدا ارنبة يحبتي (٥٥) (٥٥)
 - يحيوانه يا ياسمين
 - اقولك أي بس منتي بتضحكيني (٥٥) (٥٥)
 - طيب اسكتي بق وملكيش دعوة بجوزي و عيالي
 - بت بقولك أي
 - أي
 - انتوا لسه متجوزتوش يبق براحتي بق اجيب سيرته او احبه او اكره ملكيش
- دعوة

- نعم يختيي!!!!!!!
- أي هتر دحيلي ولا أي
- اه وهقل ادبي كمان
- 🤪 خلاص يست استهدي بالله
- لا إله إلا الله، اسكتي بق واهدي بدل مشتكم
- ماشي حاضر هحط جزمه في بوقي ومش هتكلم
- أحسن بردوا

كانت ياسمين تملك خفة الدم من صغرها وكانت تحب ان تضحك وتمزح مع كل من حولها فكانت هذه طبيعتها.

9-كشف الأوراق

رجع عمر وعائلته الي منزلهم بعد ان انتهوا من قضاء إجازة العيد في منزل جده ولكن ظل عقل عمر يُفكر في ذلك الفتاة التي وكأنها ظهرت له من العدم مع انهم كانوا يعرفوا بعضهم في صغرهم ولكن لم يتوقع عمر ان تتحول تلك الفتاة من الطفلة التي كانت تلعب معه في الشارع الي الفتاه الذي جعلت عقله يُفكر بها دائماً وكأنه نسي امر نهي وأنه كان يحبها، وكان عمر يظن انه لن يُعجب بفتاة بعد نهي كدليل علي انه كان يحبها بصدق ولكن فجأة ظهرت له تلك الحورية من قاع المحيط لتجعل عقله ينشغل بها طوال الوقت مع العلم ان عمر من النوع الخجول الذي لا يحب ان يُحقد بالفتيات ويُركز علي اشكالهن بعكس صديقة عمار الذي كان يحقد بالفتيات في الشارع وفي مدرستهم الابتدائية وكأنه يأخذ لهم صورة بعكس صديقهم محمد الذي كان وما زال خجول بل اكثر خجلاً من عمر فقد كان محمد من النوع الخجول جداً الذي لا يحب ان ينظر للفتيات ويمشي طوال الوقت وعيناه في الأرض، ولكن كان محمد ايضاً يوجد به عيب انه اذا كلمته فتاة علي سبيل المزاح يتكلم معها بكل اريحيه وكأنه يعرفها منذ صغرة فقد كان يتكلم محمد بأريحيه مع الشخص الذي امامه بطريقة يجعله ينفر منه.

دخل عمر المنزل وبعد ان انتهى من تغيير ملابسه جلس علي سريره واغمض عيناه لكي يتذكر نهي وكيف كان يحبها والي ذكرياته معها الذي لم تدوم لشهرين، تذكر عمر اول مرة الذي اعترفت له نهي بحبها له والذي كان عن طريق (الواتساب) عندما اتفقت هي وسما ابنة خالته ان ينشئوا (جروب) علي الواتساب

لكي يدرشوا مع بعضهم، وكان في إحدي تلك الأيام الذي كان يتحدث فيها عمر في الجروب مع سما ونهي، قالت له نهى في اثناء حديثهم:

- عمر، عاوزه اقولك علي حاجه

- قولي

- انا بصراحة كدا بحبك

اندهش عمر من الذي قالته نهى خصوصاً انه لم يمر بذلك الموقف من قبل، لم يعرف عمر ماذا يرد عليها ولكن في نهاية الأمر رد عليها وقال:

- انا؟؟؟؟

- اه

- ده من امتي

- من بدري وانا كنت بحاول المح لك وانت مش واخذ بالك

- بجد

- اه والله

- اممم، طيب مقولتليش ليه بيني وبينك بدل متقوليلي علي الجروب

- عادي كدا كدا سما عارفة

- طيب وانتي قولتلها لي

- علشان مكنتش عارفة ادخلك من انهى طريقة وهي اللي قالتلي اننا نعمل

جروب علي الواتس ونتكلم فيه

- اه...يعني دي فكرة سما اساساً

- ايوا

- طيب

- طيب أي انا قولتلك اني بحبك

- ايوا منا عارف

- ايوا مش المفروض ترد تقول حاجة ولا أي

- بصراحة مش عارف أرد أقول أي علشان اول مرة يحصل معايا موضوع
- زي كذا فمش عارف اعمل أي
- المفروض ترد عليا وتقولي وانا كمان بحبك
- بس انا معرفش انا بحبك ولا لا
- لا لا متخفش انا هخليك تحبني
- طيب
- طيب أي
- وانا كمان بحبك

خرج عمر من سرحانه عندما سمع صوت والدته تناديه بأن الطعام جاهز ليأكل،
 ذهب عمر الي والدته ليأخذ منها الطعام، وبعد ان اكل عمر امسك بهاتفه لكي
 يتصفحه ولكن لفت انتباهه رسالة مُرسلة من عشر دقائق من ياسمين تقول له:

- عمر انت روحت ولا لسه عندنا
- لا انا روحت
- طيب حمدلله علي السلامة
- الله يسلمك، هتخرجي فحته النهارده ولا أي
- لا خلاص بق كل سنة وانت طيب العيد خلص، مفيش خروج بق لحد العيد
- الجاي ان شاء الله
- ان شاء الله 🤪
- بتضحك علي أي
- عادي بضحك
- طيب، وانت هتخرج النهارده
- لا بردوا العيد الجاي ان شاء الله 🤪
- بردوا 🤪
- اه 🤪

- انت بتعمل أي
- قاعد زهقان مش بعمل حاجة، وانتي
- انا لسه صاحية من النوم بس هقوم اروق البيت بسرعة علشان صحبتي جوالي البيت
- اشمعنا
- تقعد معايا شوية عادي
- اسمها أي
- بتسأل لي
- عادي
- اسمها رغد
- طيب، هي حلوة 😊
- حلوة أي، عيب يعمر
- خلاص يست بهزر
- طيب، انا هفقل علشان قايمة اروق عايز حاجة
- لا شكراً

همّت ياسمين بالذهاب الي الحمام لكي تضبط هيئتها، وبعد ذلك خرجت من الحمام ثم قامت بتوضيب المنزل ليكون المكان منظم ومُرتب عندما تأتي رغد وبعد ذلك عندما انتهت من توضيب المنزل قامت بتوضيب غرفتها التي تشبه (مقالب الزبالة) ثم بعد ذلك غيرت ملابسها لكي تكون في أحسن هيئه لها سمعت ياسمين صوت جرس الباب فقامت بفتح الباب لتجد رغد واقفه وكانت جميلة جداً، فعاكستها ياسمين وقالت لها وهي تلوح بيدها لها بالدخول:

- أي بيت الحلاوة اللي انتي فيها دي
- بنتكلمي جد ولا بتهزري
- لا بتكلم بجد والله، شكلك حلو ما شاء الله
- شكراً

- العفو
- اقعء ففن
- تعالي نقعد فف اوضفف علشان نبق براحننا
- ماشف

ءءلا فاسمفن ورعد الف العرفة لكف فكونوا على راحنهم فف الءفء فف الفلوس
افضاً

- (رعد): أف انفف مش ءارءه النهارءه ولا أف
 - لا ءروج أف بق؁ العفء ءلص ءلص
 - أف ءه هو اننوا مش بءءرفوا عفرف فف العفء بس
 - لا اكفء بنءرف بس مع عفلفننا؁ لكن لو هءرف لوءءف او مع صءابف ببفق فف
العفء بس
 - اه؁ لا انا بءرف عاءف مع صءابف بس فف الاءازة؁ لكن بابا مانع الءروج
فف أفام ءءرسة
 - أءسن؁ علشان ءءلمف وءءاكرف
 - على فكرة انا بءاكرف اكءر منك
 - نعم فءفف؁ فبفف انفف فاشلة اساساً
- قالءها فاسمفن وهف ءءءك فف وءه رعد ولكن رءء عفلفا رعد بسرعة:
- اه انا برءوا اللف ءاففة النص فف امءءانات الشهر
 - بء انفف هءصفعف
 - لف
 - منا قولءلك ان المفس نقصءفف النص علشان رءفء عفلفا فف الكلام
 - منفف قلفة الاءب بصراحة؁ فعنف ازاف ءرءف على المفس بءاعءك
 - فبفف مفف اللف ءبفه؁ شاففانف ءاءله الءمام قامء ءءلء ورافا بءقولف انفف
بءعملف أف

ضحكت رغد بصوت عالي من الذي حكته ياسمين ثم هدأت في الضحك وقالت لها:

- طيب انتي رديتي وقولتيلها أي
- قولتلها بلعب
- هههههه، الله يخر بيتك
- طب قوليلي ونبي أرد اقولها أي دي
- بصراحة هي غيبه فعلاً
- حصل والله يبنتي
- أمك عرفت درجتك في امتحان الشهر ولا لسه
- اه عرفت
- طب قالتك أي
- هي الميس دي رنت عليها وقالتلها بنتك بترد عليا في الكلام، بس هي محكتلهاش الموضوع وبعدين لقيت ماما بتناديني، روحتلها لقيتها بتقولي الميس رنت عليا دلوقتي وقالتلي انك بتردي عليها
- اه، كملي
- لسه هقولها الموضوع كله، لقيتها مصرخه فوشي وقالتلي (اه من مخلفه عربجيه منا لو مخلفه بنت محترمه ومتربية مكنتش الميس رنت عليا)
- ههههههه، كملي كملي
- بس يبنتي بعد مسكتت روحت قولتلها ممكن اقولك أي اللي حصل، لقيتها بصتلي بقرف ومتكلمتش، قومت حكتلها الموضوع، وبعدها لقيتها بتضحك اووي ومش عارفة توقف ضحك، وقالتلي بصي هو بصراحة انتي معاكي حق بس مكنش ينفع تردي عليها بردوا
- اه
- قولتلها خلاص ماشي انا اسفه، وقالتلي خلاص
- الله يخر بيتكوا عيلة، يعني أمك الأول كانت بتصرخ في وشك وبتزعقلك صح

- اه
- وبعد كدا اما عرفت الموضوع قعدت تضحك صح
- ايوا
- هههههه، طب واختك عملت أي اما عرفت، أصل انا عارفة ان ملك مش بتعرف تكتم ضحكها
- اه فعلاً، منا روح و حكيك لملك ولقيتها وقعت في الأرض من كتر مهني بتضحك
- اه، انا حرفياً لو مكانها هعمل كدا
- يلا هي الميس دي أصلاً اخرها الترم ده وبعد كدا تطلع معاش ونرتاح من وشها ومن قرفها
- اه، ده معظم المدرسين اساساً بينتي هيطلعوا معاش الترم ده، حوالي نص المدرسين اللي في المدرسة
- اه مهني المدرسة دي تقريباً من أيام الفراعنه، كل اللي فيها عواجيز وكبار في السن
- حصل، بت صح انتي عامله أي مع حنين
- لي بتسألني
- عادي
- مش بكلمها زي الأول
- لي
- منتي عارفة يرغد
- اه بسبب موضوع بلال
- اه بسبب موضوع زفت
- خلاص اهدي يستي

قطع حديثهما صوت رسالة جديدة صادر من هاتف ياسمين، فأمسكت ياسمين بهاتفها لكي تري من أرسل هذه الرسالة فوجدتها من عمر، وقبل انا تترك ياسمين الهاتف لكي تكمل حديثها مع رغد لمحت رغد اسم عمر في الرسالة

- مين اللي بعث الرسالة
- ده عمر
- أي!!!!
- عمر
- عمر مين
- ده واحد جارنا هنا
- اه وعرفتيه مينين
- بقولك جارنا يغيبه
- ايوا يعني عرف حسابك مينين وبيكلمك علي أساس أي
- عادي بينتي بنتكلم اكننا اخوات، وانا عملتله فولو علي صفحته وبعد كدا هو عملي فولو وبقينا نتكلم
- من امتي بنتكلموا
- من اول امبارح
- اه طيب، الواد ده كويس ولا زي البيه الثاني
- لا عمر محترم وغير كدا ده جارنا من زمان وكنا بنلعب في الشارع مع بعض واحنا صغيرين
- تمام، طب وانتي عملتيله فولو لي بردوا
- هو بيحكي قصص وكدا فعجبنى طريقة كلامه وكدا، وبسمع قصصه
- اه، يعني مش حب
- لا لا بينتي بقولك اخوات والله، متخفيش لو حب هقولك لكن انا مش عايزه أجرب الحب او الزفت الارتباط ده تاني في حياتي ابدأ
- يستي اتنبلي ونبي، مهو اكيد هتحيبي وتتحبي او مال هنتجوزي ازاي

- مش هتجوز يستي انا هخليني قاعدة جمب امي هنا لحد اما اموت
- هنشوف يختي
- ماشي هتشوفي وبكرة تقولي ياسمين قالت
- ماشي، عمر ده في سنة كام
- في اولي ثانوي
- تجارة ولا صنايع
- ولا ده ولا ده
- اومال أي
- دخل ثانوي عام
- أي ده هو دحيح ولا أي
- اه تقريباً وغير كدا هو ذكي، بس انتي اשמعنا اما قولتلك انوا في ثانوي عام
- قولتي عليه دحيح
- علشان محدش بيخش ثانوي عام دلوقتي غير الدحيح وغير كدا اصلاً نسبة
- كبيرة من الولاد مش بيكونوا عايزين يتعلموا، بيبقوا عايزين يشتغلوا ويجيبوا
- فلوس وخلص
- لا لا عمر مش كدا
- ماشي، هو عايز يخش كلية أي ولا سايبها علي الله
- لا ده عايز يخش كلية طب ما شاء الله
- ماشي
- تعرفي هو قريب مين
- مين
- سما
- سما مين
- بيت جارتنا اللي هنا ومعانا بردوا في المدرسة
- أي ده بجد
- اه والله

- البت الحربية دي تبق قريبة ده
- اه
- مع انها فاشلة اووي
- حصل
- هي تقربله أي
- تبق بنت خالته، بس هو ولا بيحبها ولا بيطقها اساساً
- هي دي اساساً حد يحبها، دي شبه كاوتش العربية
- هههههه، بيت بطلي تنمر
- منا بقول الحق
- ماشي بس بطلي تنمر بردوا علشان مناخدش ذنوب اكثر من اللي احنا واخدينها اساساً
- ماشي خلاص سكتت، بت صح هي البت دي لسه بتكلم مصطفى بتاع العجل
- ده
- اه
- مش هي قالتلكوا انها خلاص مبقتش تكلموا
- هي قالت كدا فعلاً، لكن بتكذب علشان اما بنقعد في الشارع مصطفى وسما بيقعدوا يغمزوا ويضحكوا لبعض
- اه، بردوا الواد ده مش بحبه ولا بطيقه
- محدش في الشارع أصلاً بيطبق مصطفى
- هو متجوز صح
- اه
- ولسه سما بتجبله هدايا وبتديله فلوس صح
- ايوا
- مش فاهمه البت دي بتفكر ازاي، دي يعتبر بتصرف عليه
- ايوا منا عارفه، اقولك علي حاجه كمان
- قولي

- بليل اما أمها بتنام بتغرفله اكل وتديهوله علشان ياكل
- كمان
- اه والله
- يعني بتصرف عليه وبتأكله
- اه
- بصراحة الواد ده مش راجل علشان يخلي بنت تصرف عليه، وتعرفي
المصيبة الأكبر فين
- فين
- انها مش فسنة حتي، دي يعتبر اصغر منه بحوالي 10 سنين
- ايوا
- طيب انتي حاولتيش تفهميها ان اللي بتعمله ده غلط
- حاولت، بس لقيتها بتردحلي وبتقولي ملكيش دعوة
- خلاص بيق متقوللهاش تاني بق
- مهو فعلاً مش هقولها تاني، وهي بق انشالله تولع
- طيب، بت هسألك سؤال بس والله مش قصدي حاجة
- قولي
- هو طلب منها صور قبل كدا او مسك ايديها
- صور دي بصراحة معرفش بس ممكن يكون طلب منها صور لأنه يعتبر
عاملها غسيل مخ
- يلهوي
- اه والله
- طيب هو مسك ايديها قبل كدا او لمسها
- اكيد
- انتي شوفتيهم
- لا
- اومال عرفتي منين

- علشان هما بيخرجوا مع بعض كثير اووي، حتي في أيام الدروس كانت مش بتروح الدروس وتخرج معاه
- يلهوي، البت دي ماشية فطريق غلط اووي
- منا عارفه
- طب مفكر تيش تقولي لاهلها
- لا
- لي
- علشان لو قولت لأهلها، أمها مش هتصدق
- بجد
- اه والله، وغير كدا كمان سما ممكن تعمل حوار ليا وتقول اساساً إني انا اللي بخرج مع مصطفى
- لا لا خلاص ملكيش دعوة بيها أحسن، خليكى بعيده عنها
- منا بقول كدا بردوا
- انتهى ياسمين ورغد من حديثهم وذهبت رغد الي منزلها بعد ان جلست تحكي في أي شيء مع ياسمين لمدة 4 ساعات، وبعد ذلك ذهبت ياسمين لتغير ملابسها وذهبت الي سريرها لتستعد الي النوم ولكن عندما فتحت هاتفها تذكرت الرسالة المُرسلة من عمر التي نسيت ان ترد عليه بسبب جلوسها مع رغد فتحت ياسمين الرسالة لتري عمر يقول لها:
- بقولك أي انا نزلت فيديو جديد متنسيتش تتفرجي عليه
- ردت عليه ياسمين: حاضر
- وقبل ان تفتح ياسمين الفيديو وجدت رسالة من عمر يقول:
- لسه فاكره تردي
- معلش يعمر كنت مع رغد ومعرفتش أرد عليك
- رغد مين

- صحبتي يبني
- اه، اللي جاتلك النهار ده
- اه
- طيب ولا يهملك، متنسيش تتفرجي علي الفيديو هال
- حاضر، كنت لسه هفتحه لقيتك بعث
- ماشي، ويبق قوليلي رأيك فيه، ولو في حاجة وحشه في الفيديو قوليلي
- علشان ابق أخذ بالي منها بعد كدا
- ماشي

فتحت ياسمين الفيديو الذي كانت مدته حوالي 3 دقائق والذي كان يبدأ بصوت موسيقي هادئ يميل الي أجواء الرعب وصوت هدوء الليل وفجأة سمعت صوت عمر يبدأ هادئ ثم يعلو تدريجياً ويقول:

- طبعاً اكيد كلنا عارفين ان الجن موجود حوالينا فكل حتة واكيد حد منا شاف الجن قبل كدا، ايوا محدش يستغرب من اللي بقوله كل واحد فينا شاف الجن قبل كدا بس هو مكنش يعرف ان ده جن او شيطان مثلاً

دخلت ياسمين في جو التركيز والإنسجام مع الفيديو ومع صوت عمر بالتحديد

- كلنا عارفين طبعاً البيت المهجور اللي في مدينة باسوس، والبيت ده ليه اسامي كتيره جداً، في ناس بتقول عليه (بيت باسوس الملعون)، وفي ناس بتقول ان البيت تبع راجل كبير اسمه الحاج (أبو خطوه)، فكان في ناس بتقول علي البيت ده (بيت أبو خطوة)، لكن اشهر اسم للبيت (البيت الملعون) وفي قصص كتيره حوالين البيت ده منهم ان كان في عيلتين (عيلة الدهان) و(عيلة السلاموني) مشهورين في قرية في المنوفية، وكان بين العيلتين مشاكل كتيره اووي لدرجه انها وصلت لاستخدام النار والأسلحة في خناقتهم مع بعض

الحكاية بتقول ان العيلتين كانوا بيشتغلوا في التجارة وكبير عيلة الدهان وكبير عيلة السلاموني كانوا صحاب وكان شغلهم كلوا مع بعض وفي يوم من الأيام والحاج سلاموني في شغله دخل عليه واحد ميعرفوش وطلب انوا يقابله ضروري، ولما شافه الحاج سلاموني وافق انوا يقابله، ولما دخل الشخص ده مكتب الحاج سلاموني قال له:

- خاف من اللي جاي يا سلاموني خااااااف من اللي جاي بقولك واوعاك تفكر اننا هنسيبك يا سلاموني انت وعيلتك لاااااا، انتوا قتلتموا واحد مننا ولازم ناخذ بطارنا منكم كلكم

وبعد مقال الراجل الكلام ده للحاج سلاموني، الحاج سلاموني اتعصب اووي وزعقله وقال له:

- انت ازاي تكلمني بالطريقة دي بيني انت، انت متعرفش انت بتكلم مين ولا أي
- لا عارف يحاج، عارف انا بكلم مين كويس، المهم انت تعرف انت بتكلم مين
- مين الباشا

صوت الراجل اخشن اكثر وعينيه قلبت اسود كلها وقال للحاج سلاموني:

- طااااااميس

ولما الراجل قال اسمه بصوت عالي، المكتب اترفع فوق وكل حاجه كانت في الاوضة اترفعت لفوق وبعد كدا بص الحاج للراجل فلقي عينه بقت سوده اكثر وشعره طول اكثر وفي ديل وراه وكان في قرون صغيره بتطلع من وشوا
.....

اثناء ما كانت ياسمين منسجمه مع القصة ومنتبها لها اشد انتباه، دخلت اختها ملك الغرفة وكانت تمشي بهدوء تام حتي تُنفذ ما في بالها، ولاحظت ملك ان ياسمين تسمع قصه ومنسجمه معها لدرجه انها لم تأخذ بالها انها دخلت الي الغرفة ومرة واحده ضربت ملك الباب بشده بيدها وهي تقول: بخخ

- ماشي عايزه حاجة قبل ممشي

غضبت ياسمين منها ومن برودها فلمحت بجانبها مقص فأخذته ورمته علي ملك، ولكن من حسن حظ ملك انها أغلقت الباب بسرعة ولم تدخل الغرفة مرة اخري لأنها تعلم جيداً ان ياسمين عصبية جداً ويمكن ان ترميها من (البلكونة).

وبعد ذلك خافت ياسمين من ان تفتح الفيديو مرة اخري بسبب أسلوب عمر في سرد القصة وطريقة كلامه المخيفة، وقررت ان تتصفح هاتفها لكي تنسي ما حدث لأنها ارتعبت مما فعلته ملك، ولكن اثناء تصفحها لهاتفها وجدت رسالة من رغد:

- ياسمين

- أي

- بقولك هو انا نسيت عندك حاجة

- لا، حاجه زي أي

- أصل الحلق بتاعي وقع

- بجد

- اه والله ومش لاقياه في البيت

- انتي متأكده إنك نزلتي بيه بينتي

- اه والله نزلت بيه

- طيب انتي جتيلي علي طول ولا روحتي في حته قبل متجيلي

- لا انا جتلك علي طول مروحتش في حته، حتي اما مشيت من عندك روحت

علي طول

- طيب اكيد وقع منك

- منا حاسة كدا

- طيب خلاص ولا يهملك الحمدلله إنك كويسه

- بينتي الحلق ده عندي مهم اووي

- هو ذهب ولا

- لا مش ذهب بس غالي اووي

- الماظ يعني
- لا يبنتي
- اومال أي يزفته الطين
- ده الحلق اللي جابهولي محمود في عيد ميلادي
- تصدقي بالله
- لا إله الا الله
- ينعل أبو شكلك انتي ومحمود
- ياسمين اسكتي مش بحب كدا
- هو أي اللي مش بتحبي كدا، يعني انا افكرته ذهب وكنت شاكه انوا وقع عندي وفي الاخر تقوليلي ده صيني
- ايوا فيها أي
- رغد، غوري بدل مشتكم
- في أي يا ياسمين متعصبة لي
- يستي كنت بتفرج علي قصه رعب وكنت مندمجة معاها وملك خضتني مرة واحده
- 
- بتضحكي علي أي يبارده
- بتخيل شكلك وانت بتتخضي، شكلك بيبق مسخرة اوووي 
- تصدقي إني غلطانه علشان بحكيك
- خلاص يستي بهزر
- هزارك رخم زيك
- طيب خلاص، بس من امتي وانت بتسمعي قصص رعب
- يبنتي مش انا قولتلك
- قولتيلي أي
- قولتلك إني بسمع القصص اللي عمر بينزلها علشان عجبتي

- اه، يعني دي القصة بتاعت عمر
- ايوا
- طيب، بقولك أي
- خيرر
- متبعيلي الفيديو كدا عايزة اشوفه
- لي
- عادي عايزه اسمع القصة

رغد لم تكن تريد ان تسمع القصة ولكن كانت تشك في ياسمين وظننت انها رجعت
تُكلم بلال وكذبت عليها لكي لا تدخل في نقاش حاد معها، وكانت تشك ايضاً في
انها ممكن ان تكون غيرت اسم بلال علي هاتفها وكتبت عمر لكي لا تشك عندما
تري الاسم ولكن ياسمين أرسلت لها الفيديو وتأكدت رغد من ان ياسمين لم ترجع
تُكلم بلال

- الفيديو اهه، بس متفرجيش عليه وانتي في الضلمه
- لي
- علشان يغيبه دي قصة رعب ولو حد دخل عليك وخضك متقلبيش من علي
- السرير زي متقلبت (☹️) (☹️)
- اه زي متقلبت زي الجردل (😬) (😬)
- والله هعملك بلوك لو مسكتيش
- طيب خلاص سكتت
- روعي اتفرجي علي الفيديو وقوليلي أي رايك فيه
- حاضر
- ويارب متلاقي الخاتم
- لي كدا يا حيوانه، بتدعي لي
- براحتي
- طيب روعي نامي يا ياسمين ربنا يهديكي

- ماشي يختي، سلام
- سلام

تأكدت رغد من ان ياسمين قفلت صفحة بلال للأبد بل قطعت تلك الصفحة من حياتها.

مر حوالي 3 ساعات علي ارسال عمر الفيديو لياسمين لكي تسمعه وتقول له رأيها فيه ولكن ياسمين تقريباً نست ان ترد علي عمر ولكن حتي لو تذكرت، ماذا ستقول له

- ياسمين
- نعم
- اتفرجتي علي الفيديو ولا لا
- اه اتفرجت علي نصه تقريباً
- طيب مكملتهوش لي
- علشان كنت بسمعه ومندمجه فيه ومرة واحده ملك خضتني ف اترعبت وخوفت بصراحة أكمل الفيديو
- 🤪 🤪
- حتي انت كمان بتضحك
- اومال هعمل أي غير إني اضحك
- ماشي يعم هبق أكمل الفيديو واقولك
- ماشي، انتي وقفتي لحد فين
- تقريباً وقفت لحد اما الراجل عينه كلها بقت سوده وفي قرون وديل طلعه له
- اهه، ماشي
- انت بتعمل أي
- قاعد بقلب علي الفيسبوك شوية، وانتي
- قاعده اقلب في التيك توك بردوا
- طيب، أي رأيك نلعب لعبه كرسي الاعتراف

- أي كرسي الاعتراف دي
- مش عارفها ولا أي
- لا
- طيب هشرحها لك
- ماشي
- بصي يستي، هي عبارة عن لعبة بتسألني فيها الشخص الثاني أسئلة، سواء بق أسئلة محرجه او أي أسئلة تيجي في دماغك، والطرف الثاني مسئول يرد علي الأسئلة
- اه خلاص انا عرفتھا، كنت بلعبھا مع اصحابي بس مكنتش اعرف ان اسمھا كرسي الاعتراف
- طيب، مين اللي هيسأل الأول
- انت
- طيب، مين قدوتك
- معنديش
- ازاي معنديش
- اه والله مش عندي قدوة، بس انا شايفه نفسي قدوة اما أكبر اما أكون محاميه كبيرة ومشهورة
- ماشي، دورك
- أي هي اغرب صفه فيك
- والله انا شايف نفسي طبيعي، بس صحابي بيقولوا إني زكي جداً مع إني أوقات بكون غبي اووي
- 
- بتضحكي علي أي
- علشان انت بتقول علي نفسك غبي اووي
- اه والله، أوقات بلاقي نفسي بستعبي
- طيب اديني موقف

- هقولك، اما يكون في الامتحان بخلص كل الأسئلة ويكون متأكد من اجابتي اووي، بس اما اراجع علي الأسئلة بغير كل الإجابات واما بخلص الامتحان و اصح اجابتي مع صحابي بلاقي نفسي غلطان في نص الأسئلة، والاجابات اللي كنت عاملها الأول هي اللي صح
- لا انا الحمدلله بغش من صحابي أوقات في اللجنة 😊، فلو سقطت هتكون اللجنة كلها سقطت
- 😊، لا انا بقعد في اللجنة هادي ومش بكلم حد خالص ولا ليا دعوة بحد لحد مطلع من اللجنة
- طيب وصحابك مش بينادوا عليك في اللجنة
- لا بينادوا بس انا مش برد وبعمل نفسي مش سامع، علشان لو رديت علي واحد هضطر ارد علي اللجنة كلها وغير كدا انا مش بحب اضيع مجهودي لو انا مذاكر لكن لو انا مش مذاكر مع ان ده مستحيل يحصل ممكن اخذ الاجابات من واحد صحبي
- اه، يعني انتي دحيح ويهودي
- بالظبط كدا 😊 😊
- الله يخربيتك دنت طلعت مصيبة 😊
- وانتي بق
- وانا أي
- علي طول فاشلة كدا ولا بتذاكري
- لا والله بذاكر، وبذاكر اووي كمان بس بضيع مجهودي واغشش العيال اللي معايا في اللجنة
- اשמعنا
- علشان بيصعبوا عليا، وفي منهم اللي بيقعد يعيط
- بتعيط علشان تاخذ منك الإجابات؟؟
- اه

- 🤪 أي العبط ده
- اه والله يبني
- قلبك الطيب ده اللي موديكي في داهيه 🤪
- ايوا حصل والله
- اشطا
- انت اللي عليك الدور
- ممكن تسامحي حد غلط في حقك كتير
- ايوا انا بسامح أي حد بس مش بعرف ارجع معاه زي الأول، يعني لو كنا صحاب اووي بلاقي نفسي مش حابه أكلم الشخص ده
- اه
- يلا دورك
- لا انا عاوزة انام مش قادره
- طيب مش مشكله، تصبحي علي خير
- وانت من اهل الخير

انتهي حديثهم اليوم عند هذا وذهبت ياسمين للنوم لأنها كانت تشعر بالنعاس وكالعادة عمر يظل قبل نومه يفكر في أي شيء، ولكن اثناء جلوس عمر علي سريره وهو ينظر الي سقف غرفته المظلمة بأكملها فقد كان عمر يحب ان ينام في غرفه لا يوجد بها ضوء حتي وإن كان ضوء بسيط، ظل عمر يفكر في ياسمين، لم يعلم لماذا هو يفكر بها ولكن كان يتخيل شكلها وملامحها الهادئة التي لم تُلفت انتباهه من قبل، اووه نسيت ان أقول لكم ان عمر مُصاب بمرض ذهني يسمي (جوسكا) او كما يقول عليه البعض (متلازمة جوسكا) فقد كان عمر يتصفح هاتفه بالصدفة حتي وجد منشور يتحدث عن تلك المتلازمة وكان من اعراضها ان الشخص يتخيل سيناريوهات في عقله ويبدأ بالتعامل معها وكأنها حقيقة، وان يتخيل الشخص انه يكلم شخص اخر ولكن في ذهنه ويبدأ ايضاً بالتجاوب معه .

- طيب الحمد لله
- شكراً ليك
- العفو علي أي، عايزة حاجه
- لا شكراً
- سلام

شعرت ياسمين بالفرحة من انها تحدثت مع بلال، ولكن اثناء شعورها بالفرحة تذكرت ذلك الكلب الذي جعلها تجري مثل المجانين في الشارع، ومن حسن الحظ ان بلال لمحها خائفة من الكلب فأبعده عنها

الراية البيضاء برفعها، وأوامر حبه بتبعها، ماكر عارف نقطه ضعف من بين العالم والناس

كان ذلك رنة هاتف ياسمين، نظرت ياسمين الي هاتفها فوجدت ان حنين تتصل عليها ثم نظرت ياسمين الي الساعة فوجدتها الثامنة إلا خمس دقائق فأدركت انها تأخرت علي المدرسة، فأسرعت من مشيتها لتصل الي حنين بسرعة لكي يلحقوا الطابور، ذهبت ياسمين الي حنين فوجدتها هي ورغد يجلسون علي ظهر عربية في الشارع، من الواضح انهم ينتظرونها من وقت طويل

- معلش انا اسفه إنني اتأخرت بس والله غصب عني
- (رغد): في أي بيئتي انتي مكلمانا من بدري، أي اللي أخرك
- (حنين): انا واقفه هنا بقالي اكثر من نص ساعة وواقفة قبل رغد اساساً
فممكن اعرف أي اللي اخرك
- (ياسمين): في كلب جري ورايا وكنت خائفة لحد مجه ولد هس الكلب بعيد وبعد كذا بصيت في الساعة لقيتها 8 إلا خمسه وبعد كذا لقيت حنين بترن فعرفت إنني اتأخرت فجريت علشان اجيلكوا بس

انصدمت ياسمين من رد فعل رغد وحنين عندما حكّت لهم لماذا تأخرت عليهم، فوجدتهم يضحكوا وكان صوت ضحكهم عالي فشعرت ياسمين بالاحراج وغضبت بسبب ردة الفعل المستفزة من رغد وحنين

- أي البرود اللي انتوا فيه ده، وبتضحكوا علي أي اساساً

توقفت رغد عن الضحك بصعوبة لتأخذ نفسها وقالت لياسمين: بنضحك علي الكلب اللي جري وراكي، واكيد هو اللي ورمك وشك كدا

- وشي؟؟، مالوا وشي

- حنين: وارم

- ياسمين: بجد ولا بتهزروا

أخرجت رغد من حقيبتها مرآة صغيرة محمولة واعطتها لياسمين لكي ترا وجهها، اخذت ياسمين المرآة من رغد وفتحتها ونظرت اليها لكي تري ان جبهتها لونها يميل للون الاحمر، وايضاً كانت جبتها وارمه

- يلاهوي، أي اللي في وشي ده

- رغد: هو الكلب وقعك ولا أي

- لا، بس وانا نازله من علي السلم كنت برقص وانا نازله علي السلم فوقعت

وجدت ياسمين الاثنان يضحكان بشده مرة اخري

- هو انتوا بتتنيلوا بتضحكوا علي أي

لم تجد ياسمين اجابه لسؤلها بسبب ان رغد وحنين كانوا غير قادرين علي الوقوف من شدة ضحكهم، اخذت رغد نفس عميق ثم قالت وهي تضحك:

- يعني في حد يرقص علي السلم وهو نازل، مهو اكيد هيقع

- معرفش بق

- طيب وقعني تاني

- لا يخفه موقعتش تاني
- رغد: يلاهوي احنا اتأخرنا اووي علي المدرسة
- ياسمين: أحسن علشان تضحكوا كويس
- حنين: مستحيل المديره ترضي تدخلنا المدرسة اساساً
- رغد: لي يعني هي الساعة كام
- ياسمين: يلاهوي، الساعة 8,30
- رغد: فعلاً احنا اتأخرنا اووي، دي الحصه الاولي فاضلها حوالي ربع ساعة وتخلص
- ياسمين: طيب هنعمل أي
- رغد: مش عارفه، ممكن نروح نتحايل علي عم اسماعيل علشان يدخلنا
- ياسمين: مهو هيدخلنا بس هيقول للمديره
- رغد: عادي بينتي
- ياسمين: عادي أي بس، مهو لو قال للمديره، المديره هترن علي ماما لأنها عارفاها
- رغد: طيب انا عندي فكره
- ياسمين: أي
- رغد: ممكن منروحش النهارده ونروح البيت العادي
- ياسمين: ولو حد سألنا يغيبه مروحتوش المدرسة لي هنقول أي
- رغد: اه صح مجتثش في بالي خالص، طيب انا عندي فكره تانية
- ياسمين: قولي بسرعة
- رغد: احنا ممكن نقعد علي كافيه عقبال ما معاد الخروج بتاع المدرسة يجي وبعد كذا نروح عادي ولا اكن حاجه حصلت
- ياسمين: انتي بجد غيبه
- رغد: لي بينتي

- ياسمين: علشان يا متخلفه مين اللي هيكون فاتحلنا دلوقتي، الساعة 8,30 انهوا كافية ده اللي هيكون فاتح دلوقتي وغير كدا انا مش معايا فلوس ونسيت أخذ المصروف قبل منزل
- رغد: فالحة يختي
- ياسمين: اسكتي بق ونبي
- اثناء الحديث الحار بين رغد وياسمين استغربا الاثنان من سكوت حنين وعدم صدور منها أي كمله او أي ردة فعل
- ادارت ياسمين وجهها ناحية حنين وقالت لها: بت في أي
- حنين: مفيش
- او مال ساكته لي
- لا بفكر في حاجه كدا
- طيب احنا هنعمل أي دلوقتي
- بصوا انا عندي فكرة بس معرفش هتوافقوا عليها ولا أي
- ادار ياسمين ورغد وجههم بسرعة عندما قالت حنين ان عندها حل للموقف الذي وقعوا فيه، وقال الاثنان بصوتٍ عالي: قولي بسرعة أي هو
- انتوا ممكن تيجوا عندي البيت ولما يجي معاد المدرسة تروحوا عادي ولا أكن حاجه حصلت
- ياسمين: طب لو حد من أهلنا سأل علينا في المدرسة هنقول أي
- حنين: كدا كدا محدش هيسأل يعني انتي قبل كدا مامتك راحتك المدرسة في اعدادي
- ياسمين: بصراحة لا
- حنين: طيب متعديش الدنيا وخلص، وغير كدا محدش هيعرف والموضوع هيكون سر مبنا احنا الثلاثة بس
- رغد: طيب ماشي انا معنديش مانع إني اروح عندك البيت بس في مشكلتين

- حنين: أي هما
- رغد: مامتك وبيباكي واخوكي
- حنين: مالهم
- رغد: هتقوليلهم أي
- حنين: متخفيش كدا كدا ماما وبابا في البلد مسافرين ومش هيجوا غير
الأسبوع الجاي، وانا واخويا قاعدين لوحدنا في البيت ولو علي اخويا
متخفيش هو نزل معايا وراح شغله ومش بيرجع غير بليل اووي
- شعرت ياسمين بالفرحة تجري في قلبها عندما سمعت حنين تقترح حلها بأن يذهبوا
معها الي بيتها ويرحلو في معاد المدرسة لأنها سوف تري بلال ومن الممكن ان
تتحدث معه، ولكن اختفت تلك الفرحة عندما أكملت حنين حديثها بأن اخوها ذهب
الي عمله وسوف يرجع الي المنزل في المساء، ومن حسن حظها لم يلاحظ احد
تلك الفرحة التي كانت علي وجهها لكي لا يسألوها عن سبب تلك الفرحة، قطع
شروود - (سرحان) - ياسمين صوت حنين وهي موجهها نظرها ناحيتهم وهي تقول:
هااا، موافقين ولا لا
- رغد: انا موافقة
- ياسمين: انا موافقة بس في مشكلة تاني
- حنين: أي هي
- ياسمين: المديرية تعرف ماما ومعاها رقمها
- حنين: طيب واي المشكلة في كدا
- ياسمين: المشكلة ان ممكن المديرية ترن علي ماما وتسألها انا مجتش لي
النهارده
- حنين: يعني المديرية هترن علي كل ام وتقولها بنتك مجتش لي النهارده، اكيد
لا
- ياسمين: معرفش، بس انا خايفة لماما تعرف

- حنين: يستي متخفيش، يلا بق وافقي وانجزي بدل محنا واقفين في الشارع
كدا

- ياسمين: طيب خلاص موافقة

اخذت حنين ياسمين ورغد الي بيتها لكي يُنفذوا ما اتفقوا عليه، وبالفعل دخلوا
البيت وكان البيت يتكون من ثلاث غرف وصالة كبيرة وكانت غرفة حنين هي
أكبر غرفة في البيت، دخلت ياسمين الي غرفه حنين وبالطبع سبقتها في الدخول
حنين ورغد، جلسوا الثلاثة يتحدثوا في أي مواضيع لكي لا يزهقوا او يملوا، وبعد
مرور حوالي ساعة من جلوسهم في البيت، شعرت ياسمين بالجوع وكعادتها نسيت
ان تأخذ طعامها من المنزل

- بقولكوا أي

رد حنين ورغد في صوت واحد: أي؟؟

- انا جعانه اوووي

- رغد: واكيد طبعاً نسيتي تجيبي سندويشات ونسيتي تجيبي فلوس

- ياسمين: بصراحة اه

- حنين: خلاص انا عازماكوا

- رغد: علي أي انتيلي دنتي شحاته، ولسه شاحته مني 20 جنية امبارح

- حنين: انتي بتذليني ولا أي

- رغد: لا بهزر

- حنين: واساساً مش انا لقتك نت اول امبارح وخلصتيلي الباقية

- رغد: انتي بتذليني ولا اي

- حنين: لا بهزر بردوا

- رغد: اه بحسب

- ياسمين: بطلوا بق هبل انتوا الاتنين، طيب انا جعانه بجد هنعمل أي، تيجوا

ننزل نجيب فطار بس طبعاً حد فيكوا هيعزمني علشان مش معايا فلوس

- رغد: انتي كمان شحاته
- نظرت ياسمين لرغد بقرف ورفعت لها حاجبها: عندك مانع
- رغد بتصنع للخوف: لا ابدأ، تعيشي وتشحتي برحتك
- حنين: خلاص يجماعه، قولت هعزمكوا انا
- ياسمين: هتأكلينا أي
- رغد: انا نفسي اكل بيتزا او كريب
- ياسمين: وانا بردوا
- نظرت لهم حنين وضحكت: اه ده عند طنط
- ياسمين: طيب يستي هتأكلينا أي
- حنين: اندومي
- ياسمين: اشطا
- رغد: اشطا، انا موافقه
- حنين: انا بحب الاندومي بطعم الخضار، وانتوا بتحبوا طعم أي
- ياسمين: انا بحب اللحمه
- رغد: وانا بحب الفراخ
- حنين: طيب ماشي، مين بق العسل الشطور اللي هينزل يجيب الاندومي من تحت
- رغد: صاحبة البيت طبعاً
- حنين: واللهي، يعني انا عازماكوا وانا كمان اللي انزل اجيبه
- ياسمين: يلا بق بينو، خليها عليك المرة دي
- حنين: طيب، خليكوا هنا ومحدث يتحرك من الاوضة ومحدث يبهدل الاوضة علشان لو الاوضة او الشقة اتبهدلوا هنفخكوا وهخليكوا تروقوا الشقة معايا
- رغد: دنتي بتتلكي بق

- حنين: بصرحة اه
- رغد: اتفضلي يست، عايزانا نروق الشقة معاها علشان هتأكلنا اندومي
- ياسمين: يستي دي بتهزر، يلا بق يحنين انزلي
- حنين: طيب انا نازلة

نزلت حنين لتشتري لهم الطعام، ولكن من سوء الحظ ان كل بائعي الأغذية القريبين من منزلها لم يفتحوا حتي الان، لذلك قررت ان ترجع الي المنزل لعدم معرفتها ماذا تفعل واثناء سيرها في الطريق للمنزل وجدت اخوها في الطريق يناديها

- حنين، حنيننن

انتبهت حنين من ان شخص يُناديها فأدارت وجهها نحو الصوت، فوجدت ان اخوها بلال يُنادي عليها فعبرت الطريق لكي تصل له ولكن وجدت اخوها يُشير لها بيده وفهمت منها انه يقصد ان تقف مكنها وهو الذي سوف يعبر الطريق

- أي بتعملي أي هنا، ومروحتيش مدرستك لي
- حصل موقف كدا مع صحبتي واتأخرنا علي معاد المدرسة
- ماشي، طيب بردوا بتعملي أي هنا
- مهو صحابي قاعدين معايا في البيت عقبال ما معاد المدرسة يجي وبعدها يمشوا، ونزلت علشان اجيب اندومي نأكله لقيت كل المحلات قافله ومحدث فاتح، فقولت اروح
- وامك وابوكي بق عارفين انك جايبه صحابك البيت ولا
- لا منا مقولتلهمش
- لي
- علشان عارفه انهم مش هيوافقوا ببلال، وياريت بالله عليك متقولهمش
- طيب خلاص، يلا روجي
- ماشي، عايز حاجة

- لا شكراً، انا هاجي كمان شوية علشان معنديش شغل
- ماشي، بس هو مش هينفع
- لي
- علشان انا وصحابي في البيت
- هما كام واحدة
- اتنين
- طيب خلاص انا مش هطلع من اوضتي عقبال ما هما يمشوا
- ماشي
- انتي كنتي هتجيلهم اكل أي
- اندومي
- طيب هاتي الفلوس اجبلهم من الكشك اللي في اخر الشارع
- والله تبق عملت فيا جميله علشان كان هيبق شكلي وحش اووي لو مجبتلهمش
- اكل
- أي خدمه، عدّي الجمایل
- عداها يخويا
- بعد انتهاء حديثهم غير بلال وجهته الي اخر الطريق لكي يشتري الطعام ولكن قبل ان يتحرك سمع اخته تناديه
- بقولك أي
- أي
- هات واحد بالفراخ وواحد باللحمة وواحد بالخضار
- ماشي، عايزه حاجه تاني
- لا
- بعد انتهاء حديثهم ذهبت حنين الي منزلها، ودقت علي الباب وفتحت لها ياسمين
- أي بينتي أي اللي اخرك كل ده

- ملقتش أي كشك فاتح فكنت بدور
- طيب خلاص، مش مهم عادي
- لا مهو وانا مروحه لقيت اخويا، وقالي بتعملي أي وقولتله فقالي هاتي
الفلوس وانا هجيبلك
- طيب

كانت رغد جالسه علي السرير في غرفة حنين، وعندما وقع نظرها علي حنين
ولاحظت انها لم تُحضر الطعام، فقالت:

- اهلاً بالواطية اللي قالت هتعرزنا ومشوفناش منها كوباية مائة سخنة حتي
- حنين: اهدي يختي، كنت بدور علي كشك فاتح علشان اجيب الاندومي
وملقتش فقولت لخوايا يجبلنا
- رغد: شكلك كدابه، وبتصيعي علينا يسوسه
- حنين: هتشوفي يختي، وبعدين لو كنت كدابه مكنتش ع.....

قطع حديث حنين صوت دقات باب المنزل، فنظرت حنين لرغد نظرة فخر
وذهبت لكي تفتح الباب، وعندما فتحت الباب تفاجأت من انه لم يكن بلال ولكنه
كان (مُحصل الكهرباء) وقبل ان يتحدث الرجل او حتي يأخذ نفسه قالت له حنين:
محدث كبير موجود هنا يعمو

تعجب الرجل من حنين، لأنها كانت طويلة ويظهر عليها انها انسه وليس فتاة في
الإعدادية

- ازاي يبنتي، وانتي شكلك مشاء الله عروسه اهه
- منا بقول لحضرتك ان محدش كبير هنا انا لسه صغيرة
- طيب دخيليني بس أخذ قرابه العداد ومش عاوز فلوس
- ماما قالتلي متدخليش حد غريب البيت
- طيب قوليلي انتي القرابية طيب
- منا مش بعرف اشوفها

- طيب بينتي مش لازم تدفعي، ناديلي حد من جوا حتي يقولي القرايه
- مفيش حد جوا غير اخواتي الصغيرين
- طيب بينتي خلاص، اما بابا يجي قوليلي ان بتاع النور جه
- حاضر
- سلام عليكم
- و عليكم السلام

نزل مُحصل الكهرباء ودخلت حنين الي منزلها لتتقل الباب فوجدت ان رغد وياسمين يضحكوا بشده، فعلمت انهم سمعوا الحوار الذي دار بينها وبين مُحصل الكهرباء، فلم تعرف ماذا تفعل فضحكت معهم لكي تخفي احراجها، وبعد قليل من الضحك اخبرتهم بأنها سوف تدخل الي الحمام ، وبعد حوالي خمس دقائق سمعت رغد صوت جرس باب المنزل ولكن لم تريد ان تذهب لتفتح الباب ظناً منها ان يكون مُحصل الكهرباء جاء مرة اخري، ولكن ظل جرس الباب يَضرب واصبح صوته عالي، فقالت ياسمين لرغد: متقومي تفتحتي

- والله مش قادره قومي افتحي انتي
- منا خايفة ليكون حد من عيلتها
- يستي عادي، وهنقول اننا صحاب حنين
- طيب خلاص هقوم افتح

همّت ياسمين بالقيام لكي تذهب الي الباب لتري من يرن الجرس، وعندما وصلت ياسمين الي باب المنزل وقبل ان تفتح فعلت حيلة غريبة موجودة في كل البيوت المصرية تقريباً وهي انها قبل ان تفتح قالت: مين

علي أساس انه اذا كان لص او محتال سوف يقول لها بأنه لص او محتال وبالتأكيد كما توقعتموها انها سمعت الرد من الشخص الواقف خلف الباب وهو يقول لها: انا

وبالتأكيد من دون ان تعرف ياسمين من هو قامت بفتح الباب علي أساس انها عرفته عندما قال انا، (اعتقد ان كلمة انا مثل بطاقة الهوية بالنسبة للمصريين)

فتحت ياسمين الباب وعندما رأت من يقف خلف الباب اتسعت عينيها بشده

- أي ده !!، هو انتي

- هو انت

- أي اللي جابك، وانتي مين اساساً

- انا صاحبة حنين وجايه اقعد معاها شوية، وهي في الحمام

كانت بالطبع ياسمين تعرف من هو، ولكن بلا وعي منها تحدثت لسانها وقال: انت

مين بق

- انا بلال

- بلال مين

- اخو حنين

- أي ده بجد

- اه والله

- تمام، اتفضل

دخل بلال الي المنزل وتركت ياسمين مكانها من امام الباب واسرعت بالدخول الي

غرفة حنين، فسمعت صوت بلال يُناديها: بقولك أي

- نعم

- خدي شنطة الاندومي واديه لحنين اما تطلع من الحمام

- تمام

اخذت ياسمين الشنطة من بلال، فسمعتة يُناديها مرة اخري ويقول لها: هو انتي

اسمك أي

- ياسمين

تعصبت ياسمين وامسكت بهاتفها وبسماعة الاذن الخاصة بها واستمعت الي أغاني
شيرين

- بت بت ياسمين

أخرجت ياسمين طرف السماعة من اذنها وقالت: أي

- احطلك مرقة علي الاندومي بتاعك ولا لا

- لا متحطيش حاجه، حطي التوابل وبس

- ماشي، امسكي الاندومي بتاعك اهه

اخذت ياسمين طبق الطعام من حنين وبدأت في الاكل ثم بعد ان انتهت من الطعام
ذهبت الي الحمام لكي تغسل يديها واسرعت في خطوتها الي الحمام كي لا يحدث
موقف محرج لها مرة اخري

- انا زهقانة اوووي وزهقت من الفون

- طيب أي رأيك ننزل نمشي شوية

- لا انا مش قادرة انزل، وغير كدا ياسمين مش هترضي تنزل علشان هي

مش بتحب النزول من البيت اصلاً

- طيب هنعمل أي

- عندي فكرة

- انتي عندك هنا وايفاي

- اه

- طيب وعندك شاشه

- ايوا

- طيب حلو اووي، أي رأيك نشغل فيلم علي الشاشة

- ماشي، مفيش مشكله

- بس لحظه في مشكلة

- أي هي

- هي الشاشة بتاعتكوا ينفع تيجي الاوضة هنا ولا لا
- اه عادي، ممكن أخلي بلال يجبهلنا هنا
- طيب اشطا
- هنتفرج علي فيلم أي
- مش عارفة، استني اما ياسمين تطلع من الحمام ونتفق علي فيلم
- ماشي، انا هروح أقول لبلال علي الشاشة
- ماشي

ذهبت حنين الي غرفة بلال لكي تطلب منه ان ينقل لها الشاشة الي غرفتها، وكانت حنين تعلم ان بلال بنسبة كبيرة لن يوافق بسبب ان الشاشة ممكن ان تسقط علي الأرض مثل ما حدث المرة الأخيرة

فقد كان بلال معتاد انه عندما يكون في المنزل بمفرده، ان ينقل الشاشة الي غرفته لكي يشاهد عليها فيلم ولكن في مرة من المرات نقل بلال الشاشة الي غرفته ووضعها علي مكتبه وعندما وضعها لم يأخذ باله بأنها لم تُوضع بشكل صحيح من الناحية الأخيرة، فسقطت علي الأرض وعندما علم والده بذلك حدث صدمات بين بلال ووالده، وانتهت بأن والده قرر عدم نقل الشاشة من مكانها والذي كان في (صالة المنزل)

ولكن قررت حنين ان تُجرب وتقول لبلال لعله يُوافق
دقت حنين باب غرفة بلال حتي يسمح لها بلال بالدخول

- ادخلي

دخلت حنين الي غرفة بلال وأغلقت الباب خلفها

- عايزة أي
- هقولك علي حاجه بس ونبي علشان خاطري توافق علشان متحرجنيش مع صحابي

- ارغي
- بص، انا وصحابي عايزين نتسلي شوية ونتفرج علي فيلم
- ايوا وانا اعملكوا أي
- منا عايزاك تنقلنا الشاشة وتحطها في اوضتي
- نعم!!!!!!، لا طبعا
- لي بس
- انتي عارفه لي كويس، وعارفه حصل أي المرة اللي فاتت وابوكي عمل أي،
- وخلي البيت كله نكد
- ايوا عارفه
- طيب طالما عارفه بتقوليلي لي وانتي عارفه ومتأكدة إنني مش هعمل كدا
- علشان لو حد عرف من امك وابوكي مش بعيد يخلونا نبات برا البيت لو
- الشاشة اتكسرت زي المرة اللي فاتت
- بص، انا عندي فكرة
- قولي
- كدا كدا بابا وماما مش هيرجعوا من البلد النهارده صح
- ايوا
- طيب هي كلها ساعتين وصحابي يمشوا فمفهاش حاجه لو خليتها عليك المرة
- دي يبلال
- ولو وقعت واتكسرت يفالحه
- متخفش
- هو أي اللي مخفش مهو لو وقعت او اتكسرت ابوكي هيزعق معايا انا مش
- معاكي انتي
- منا هقوله إنك ملكش ذنب
- ازاي
- هقوله إنك كنت في الشغل وانا كنت عاوزه اتفرج علي فيلم عندي في
- الاوضة فنقلت الشاشة ووقعت مني وانا بنقلها

كان بلال سوف يوافق علي طلب حنين ولكنه قرر ان يستخدم مبدأ الاستغلال مع حنين

- طيب انا موافق
- الالالالالاه حبيبي بلال، احلي اخ في الدنيا
- لا استني بس بشرط
- اوطي اخ في الدنيا، قول أي شرطك
- امك كانت عامله كيكه قبل متروح البلد صح
- ايوا
- وقسمتها علينا كنا صح
- ايوا يعم
- وانتي مأكلتيش نصيبك صح
- ايوا بردوا
- طيب لو عايزه انقلك الشاشة في اوضتك من غير مقول لابوكي ولا لامك
- يبق هاخذ نصيبك في الكيكة
- لا طبعا، مش انت اكلت نصيبك
- ايوا
- طيب عايز تاخذ نصيبي لي
- والله بق برحتك، لو موافقه هقوم انقلك الشاشة ولو مش موافقه يبق اطلي
- برا واقفلي الباب وراكي
- غضبت ياسمين من مساومه بلال لها واتجهت الي الباب لتخرج من الغرفة ولكن
- قالت له قبل ان تخرج: ماشي خلاص موافقه
- مكان من الأول
- بس انا ليا شرط بق طالما هتاخذ الكيكة
- أي هو
- توصلي الوايفاي علي الشاشة

- ماشي

قام بلال من علي السرير وذهب الي (صالة المنزل) وامسك بالشاشة وتوجه الي غرفة حنين لكي يضعها هناك، وبعد ان وضعها علي مكتب حنين وصلها بالكهرباء وبعد ان وصلها بالكهرباء وصلها بالانترنت الخاص بهم

- حنين، انتي جايبه الشاشة هنا لي

- اتفقنا انا ورغد نتفرج علي فيلم

- طيب، هتتفرجوا علي فيلم أي

- انا عادي بحب كل الأفلام شوفوا انتوا عايزين أي

- رغد: انا بحب الأفلام الرعب اووي وبحب الرومانسي

- ياسمين: انا بردوا بحب الرعب والرومانسي

- حنين: طيب بردوا هنشغل أي

- ياسمين: مش عارفة

- حنين: طيب انا عندي فكرة

- ياسمين: أي هي

- حنين: في فيلم هو هندي بس خيال علمي

- ياسمين: بتاع مين واسمه أي

- حنين: تقريباً بتاع شاروخان واسمه RAWAN

- ياسمين: طيب شغليه

- حنين: موافقين يعني

- ياسمين: اه موافقين

كتبت حنين اسم الفيلم علي الشاشة وفتحته واغلقوا ضوء الغرفة وجلسوا جميعهم علي السرير ليشاهدوا الفيلم

11- الاعتراف

في صباح اليوم التالي استيقظ عمر الساعة السابعة صباحاً، وعلي غير عادته ان يستيقظ في ذلك الوقت فقد كان عمر يستيقظ قرابة الساعة الثانية ظهراً، ولكن فعل عمر كما يفعله كل يوم في الاجازة، قام من علي سريره وذهب الي ملجأه الثاني وبالطبع هو الثلجة، فتح عمر الثلجة واخرج منها الطعام لكي يُحضّر طعامه كانت هذه عادة عمر فقد كان يُحب الأكل بشده علي الرغم من انه رفيع وقصير، فقد كان كل من يُعاشر عمر يستغرب من كمية الطعام الذي يأكله في اليوم الواحد، ورغم ذلك لا يظهر عليه أي شيء، وكان عمر قصير بسبب وراثته (القصر) من والده الذي وَرِثَهُ من والدته والتي هي جدة عمر

- انت أي اللي مصحيك بدري كدا وبتعمل أي في المطبخ

سمع عمر هذه العبارة وهو يُعدّ طعامه في المطبخ، وبدون ان يُدير وجهه رد علي ذلك السؤال لأنه كان يعلم ان هذا صوت اخته هاجر

- والله معرف صحيت بدري لي، مع إني نايم متأخر

- طيب لو بتعمل اكل اعلمي معاك

نفخ عمر نفخة خنقة لأنه لا يحب ان يُحضّر لأحد الطعام لأن غالباً لا يعجبهم الاكل الذي يُحضره

- ماشي بس لو سمعت صوتك وقولتي ان الاكل فيه حاجه، هلبس الطبق في

وشك ماشي

- ماشي

حضّر عمر الطعام لهاجر اولاً لسببين الأول انه يُحب ان يُحضّر طعامه بدون وجود أي شيء يستعجله، والأخر ان هاجر في الصف الثالث الثانوي وهو لا يريد ان يتأخر في اعداد طعامها لأنها بالتأكيد جائعة

- امسكي الاكل اهه علي الله يطمر
- يعم روح انتيل، انت فين اكلك
- لسه هعمل، عايزة حاجه تاني
- لا شكراً

خرج عمر من غرفة هاجر واغلق الباب ورائه، وذهب الي المطبخ ليُحضّر طعامه، وبعد ان حضرّ طعامه وقام بإعداد قهوته ودخل الي غرفته واغلق الباب واحياناً كان عمر يحب ان يشاهد فيديوهات يُقدمها صانع محتوى مشهور بإسلوبه وطريقة كلامه يُسمي (الدحيح)

فتح عمر هاتفه وبحث عن قناة الدحيح وفتحها واخذ بتصفح قائمة الفيديوهات ليجد فيديو يشد انتباهه وبالفعل وجد عمر فيديو للدحيح يتحدث عن الاستثمار شاهد عمر الفيديو وهو يتناول طعامه، وبعد ان انتهى الفيديو وانتهي طعامه ايضاً نام علي سريره وهو يتصفح هاتفه وظل هكذا حتي الساعة الثانية عشرة ظهراً عندما سمع عمر اذان صلاة الظهر قام ليُصلي الظهر وذكّر اخته هاجر بأن تُصلي الظهر

عاود عمر الي تصفح هاتفه مرة اخري بعد ان صلي صلاه الظهر وكان يشعر بالملل لأنه ظل حوالي ثلاث ساعات يتصفح هاتفه فدخل الي تطبيق الواتساب وضغط علي محادثته هو وياسمين وكتب لها: صباح الخير

ولكنها لم ترد بالطبع لأنها كانت مُعتادة ايضاً ان تصحي قرابة الساعة الثالثة عصراً

ترك عمر هاتفه بجانبه علي السرير وجلس يفكر في (الاشيء) وهو ينظر الي سقف الغرفة، وبعد مرور حوالي نصف ساعة علي هذا الوضع حتي اقترب عمر من النوم سمع صوت اشعار من الواتساب، فهو كان يحب ان يضع لكل تطبيق صوت اشعار معين، فظن ان ياسمين هي التي أرسلت له الرسالة، ولكنه عندما

امسك بهاتفه وجد ان من ارسل له الرسالة سما ابنة خالته وقرأ عمر نص الرسالة قبل ان يفتحها فوجدها تقول له: عمر هو انت كنت بتفتح واي فاي ازاي وبالطبع كان عمر لا يحبها فوضعها في قائمة الحظر لكي لا تُرسل اليه مره اخري ترك عمر هاتفه بعد ذلك، واستعد للنوم.

- عمر.....عمر....بينبيبي

كان هذا الكلام منطلق من اخته الصغيرة علا، رد عليها عمر وهو مُغلق عينيه:

- عايزه أي

- اصحي كلم أمك

- ماشي

- انجزرز

- مقولت ماشي، غوري بق واقفلي الباب وراكي

قام عمر من علي السرير وقبل ان يخرج من الغرفة امسك بهاتفه ولم يري أي اشعار من تطبيق الواتساب فادرك ان ياسمين لم تصحي بعد ولكنه نظر الي الساعة وجدها الخامسة عصاراً فاستغرب لنوم ياسمين كل هذا الوقت

خرج عمر من غرفته وجد والدته واخواته يأكلون فأدرك انهم ايقظوه ليأكل معهم، جلس عمر ليأكل معهم وبعد ان انتهى من الاكل قام ليُصلي العصر وبعد ذلك امسك هاتفه يتصفح به، فوجد اشعار من تطبيق الواتساب فعلم ان ياسمين قد استيقظت، ففتح هاتفه ليجد ان الرسالة لم تكن مُرسلة من ياسمين، ولكنها كانت مُرسله من محمد صديقه في الابتدائية

- أي يعم عامل أي

- بخير يحمو، وانت عامل أي

- الحمدلله، مش بتسأل يعني

- معلش والله يحمو

- انت بس لو تسيبك من المزه اللي معاك دي وتخليك معانا شوية، هتبق مية ميه

-  يعم ارحمني بق، وربنا مفي مزة

- ممكن يكونوا مزتين

- لا يعم مفيش ولا مزة ولا مزتين حتي

- ماشي يعم، خرجت فين في العيد ده

- كنت هخرج مع صحابي في وسط البلد، بس حصل عندهم ظروف ومخرجتش

- اه

- وانت خرجت فين

- روحت مول سيتي ستار عارفه

- اه عارفه، عملت أي هناك

- دخلت سينما ولفيت شوية وأكلت

- لوحداك ولا مع حد

- لا مع عيلتي

- اهه

- عاوز حاجة، هقفل انا علشان بعمل حاجة

- لا تسلم

بعد انتهاء محادثه عمر مع محمد اغلق عمر تطبيق الواتساب، وجلس يتصفح هاتفه

وبعد مرور حوالي ساعتين علي هذا الوضع سمع عمر صوت اشعار جديد من تطبيق الواتساب، فوجدها رسالة من ياسمين، تقول: صباح النور

- كنتي فين كل ده

- كنت نايمه

- كل ده نايمه

- ايوا
- انتي نمتي اكثر من 12 ساعة
- اه عادي، انا بنام كدا في الاجازة
- طيب
- اومال انت صاحي من امتي
- صحيت الساعة 7 الصبح وبعدها قعدت شوية ونمت تاني
- 7 الصبح لي يبني، بتبيع لبن ولا أي
- والله معرف أي اللي صحاني، بس لقيت نفسي صحيت مرة واحده
- طيب، انا هروح اعمل فطار
- غدا قصدك
- علي رائيك، هروح اتغدي عاوز حاجة
- لا شكراً

وفي الناحية الأخرى عند ياسمين، تركت ياسمين هاتفها وقامت لكي تُحضّر لنفسها الطعام لأنها لم تجد أي أحد في المنزل فظنّت انهم خرجوا من المنزل اعدت ياسمين لنفسها الغداء واخذته ودخلت الي غرفتها وجلست علي السرير وامسكت بهاتفها لكي تتصفحها وهي تأكل، فقامت بفتح تطبيق التيك توك واثناء تصفحها في الفيديوهات وجدت فيديو عمر الذي لم تُكمله فأرادت ان تُكمل الفيديو انتهت ياسمين من سماع الفيديو وعجبها ولكن كان يوجد بعض الأشياء لم تُعجبها في الفيديو

- عمر
- نعم
- انا سمعت القصة بتاعتك
- انهو واحده
- اللي انت كنت باعتهاالي

- أه، مالها
- لا مالهاش، انا اتفرجت عليها وعجبتني بس فيها كام حاجه كدا مش عجباني
- أي هما
- بص هو صوتك بيشوش سنه بسيطة، والموسيقي الرعب اللي انت حاطتها صوتها عالي شوية بردوا، والقصة حساها سريعة يعني مفيش احداث رعب كثير، فاهمني
- بصي هو الصوت اه مش قد كدا علشان انا كنت بسجل وانا فاتح المروحة، والفيديو الجاي هبق اوطي صوت الموسيقي، ولو علي القصة هبق ازود في احداثها شوية
- اشطا، بس انا عايزة اسألك في حاجه
- قولي
- هو انت القصص دي بتجيبها منين
- في موقع بيكون عليه قصص كثير فبختار قصه منهم وبعدها بشوف لو هعرف ازود احداث فيها ولا لا
- طيب، معلش عندي سؤال ثاني
- قولي
- هو أي علاقة التسجيل بصوت المروحة
- لما باجي أسجل الصوت المايك بياخد أي صوت حواليا حتي لو ضعيف وصوت المروحة بيبق باين في التسجيل فنا نسيت اقلها ومخدتش بالي
- اشطا
- عندك سؤال ثاني
- لا تسلم
- انا احتمال انزل قصة بكرة، وهبق ابعتك اللينك بتاعها اما تنزل
- طيب ما تنزلها النهارده أحسن
- منا لسه مسجلتهاش، انا اخترتها بس لكن لسه مسجلتهاش
- طيب

كان مصطفى يُكلم سما وكان يريد منها ان يخرجوا مع بعضهم، وكانت سما رافضة الامر بشكل كامل، ولكن مع كلام مصطفى واستخدامه لأساليب الاستعطاف وافقت سما ولكن لم تكن تعرف كيف تنزل من المنزل دون ان يعلم أحد من أهلها ولكنها قالت له بأنها ستفكر في الامر وتقول له

اشترت سما هدية لمصطفى وكان في ذلك الوقت كانت سما في فترة امتحانات الصف الثالث الاعدادي وكان عمر ابن خالتها قريب منها في ذلك الوقت وفي اثناء حضور سما إحدي الدروس مع عمر قالت له بأنها تريد ان تشتري هدية لشخص ما ولم تكن تريد ان تُعرّف عمر ان تلك الهدية لمصطفى لأنها كانت خائفة من ان يُخبر عمر أهلها عن مصطفى، وبالفعل قالت له انها تريد ان تشتري هدية وتكون هدية لرجل، فقال لها: يعني عايزه هديه عبارة عن أي

- مش عارفه
- طيب اما تعرفي بيق قوليلي
- بص
- هاه
- انا بفكر اجيب له بوكس كبير وفيه بق هدايا
- سما، انتي معاكي كام اصلاً
- 800 جنيه

استغرب عمر من المبلغ، لأنه كان مبلغ كبير

- تمام، هتحتفي أي بق في البوكس
- منا بفكر، انتوا عندكوا هنا محلات للهدايا وكدا
- ايوا
- طيب ممكن توديني لمحل منهم

كانت سما تحضر الدروس في منطقته عمر (حي مسطرد) لأن في المنطقة الذي تسكن فيها سما لا يوجد بها مدرسين.

أخذ عمر سما الي محل لبيع الهدايا وكان يقف في المحل بنت شابة تقريباً في العشرينات من عمرها

- كنت عاوزة اشترى هديه ل خويا

كانت هذه العبارة منطلقة من سما قبل حتي ان تُلقي السلام

- تمام اتفضلي، انتي معاكي كام

- يعني حوالي 800 جنية

- تمام، في دماغك أي هدية ولا لسه هتختاري

- لا لسه هختار

- تمام، انتي ممكن تجيبي بوكس وفي شوية هدايا مثلاً زي برفان او انسيال او

سلسله

- ماشي حلو ده

- تمام يفندم، وممكن كمان تحطي حرف اخوكي علي البوكس

- ماشي

- تمام اتفضلي قومي معايا علشان تختاري البوكس

قامت سما مع الشابة لكي تختار الصندوق الذي ستضع فيه الهدايا وبعد ذلك

اختارت العطر الذي ستشتره

- كذا احنا حطينا كل حاجة، فاضل بس الانسيال والشوكولاتة

- تمام، متعرفيش اجيب الانسيال منين

- في محل جنبنا يا فندم بتاع فضة

- تمام

ذهب عمر وسما الي المحل الذي بجانبهم لكي يشتروا ما اتفقت عليه سما مع الشابة، واختارت سما الشيء الذي ستشتريه ورجعت الي محل الهدايا

- تمام اتفضلي، انا جيته اهه
- تمام، هتجيبني شوكلاتة ولا لا
- لا لا علشان ممكن تسيح
- تمام، احنا كدا خلصنا الهدية فاضل بس نلرزق الحرف علي البوكس، هو اسم اخوكي أي مصطفى

سمع عمر الاسم ولكنه لم يُعطي أي اهتمام للاسم، لأن كما ذكرت سابقاً ان عمر لا يُحب ان يُدخّل نفسه فيما لا يعنيه ولكن كان فضول عمر يدفعه لأن يعرف من هو مصطفى

- تمام احنا كدا خلصنا الهدية، وكدا الحساب كله 450 جنية
- تمام اتفضلي
- لا، ادفعي هناك

اشارت الشابة لسما الي المكان الذي ستدفع فيه ثمن الهدية، وبعد ذلك خرج سما وعمر من المحل

في اثناء توصيل عمر لسما للمكان الذي ستركب منه عربة لكي تذهب الي بيتها وجدها تتصل علي شخص، ولكنه ظن انها تتصل علي صديقتها ولكن سمعها تُكلم شخص اسمه (صالح) فكان صالح يعمل مع مصطفى في نفس المكان، ولكن ايضاً عمر لم يربط كل ذلك ببعض، ولكن ايضاً سمع سما تتكلم في الهاتف وتقول: انا هديك الهدية وانت اديها لمصطفى علي طول

فأدرك عمر ان سما اشترت هذه الهدية لمصطفى الشاب الذي يسكن في نفس المنطقة التي تسكن فيها خالته، وأدرك ايضاً ان سما تُحب مصطفى

ولكن عمر استغرب جداً بسبب ان مصطفى تقريباً عمره يساوي ضعف عمر سما، ولكن كعادة عمر قال انه ليس له علاقة بالموضوع ولم يُدخل نفسه في ما لا يعنيه

أوصل عمر سما الي المنطقة التي ستركب منها وبعد ذلك ذهب الي منزله، وبعدها اكل ثم نام بعد ذلك ولم يصحي الا علي صوت امه تتاديه بصوت عالي

- عمر.....عمر....عمر

رد عمر عليها وهو ما زال مُقفل عينيه: في أي

- قوم اصحي خالتك عايزاك

- عايزاني لي

- معرفش خد كلمها

اخذ عمر الهاتف من والدته ورد علي خالته بنعسان وهو يتأوب: الو

- أي يحبيبي عامل أي

- الحمدلله يخالتو، انتي عامله أي

- الحمدلله يحبيبي، بقولك أي

- نعم

- انت وصلت سما للموقف

- اه

- من امتي

- من بدري يخالتي، دنا وصلتها بعد الدرس علي طول وبعدها روحت واكلت

وبعدها نمت

- يعني انت وصلتها بعد الدرس علي طول مروحتوش فحته تانيه

- لا

- ماشي يحبيبي، عاوز حاجه

- هو في أي

- أصل سما لسه مجتش لحد دلوقتي
- أي!!!!!!!
- اه والله
- ازاي لسه مجاتش، طيب رنيتي عليها
- اه، وتليفونها مقفول
- بس ازاي دي بقالها حوالي ساعتين، ازاي كل ده مروحتش
- والله معرف يبني، بالله عليك لو تعرف هي فين قولي
- والله معرف، منا لو عارف هي فين هخبي عليك لي
- ماشي يبني، عايز حاجه
- لا شكراً، ولو رنت عليا هقولك
- ماشي يحبيبي تسلم، سلام
- سلام

استغرب عمر من ان سما لم تذهب الي منزلها حتي الان، ولكن جاء في باله انها ممكن ان تكون ذهبت الي مصطفى لكي تُعطيه الهديه ولكن لو ذهبت اليه فعلاً لماذا تأخرت كل هذا الوقت

في الناحية الأخرى عند خالة عمر:

كانت خالة عمر قلقة متوترة بسبب تأخير ابنتها، وظلت تدعي بأن لا يكون قد اصابها مكروه

وبعد مرور حوالي ساعة سمعت خالة عمر صوت طرق الباب فأسرعت بفتح الباب لتجد سما هي من تطرق الباب

- انتي كنتي فين كل ده، وتليفونك مقفول لي
- يا امي استني بس اما اخش وبعدها نتكلم

دخلت سما الي المنزل وأغلقت أمها الباب وبعد ذلك امسكت خالة عمر سما من يدها ودفعتها بقوه نحو الكرسي وقالت بعصبية:

- قولي كنتي فين وبتصيعي فين بقالك 4 ساعات

- بصيع أي بس

- ايوا بتصيعي، انا رنيت علي عمر وقالي انوا موصلك لحد الموقف بقاله اربع ساعات، هاه كنتي فين بق

ردت عليها سما وهي تتصنع العياط والمسكنة: ابن اختك ده كداب

ضربت خالة عمر سما بالكف علي وجهها وقالت بعصبية: اسمه عمر ابن خالتي

- مهو بيكدب عليك عشان يطلع نفسوا برئ قدامكوا ويلبسني انا

- لي

- هو أساسا موصلني الموقف من بعد مخلصنا الدرس بحوالي ساعة،

موصلنيش علي طول عشان روحنا نجيب حاجة

- روحتوا تجيبوا أي

- عمر كان بيشتري هدية من محل وكان عايزني عشان ياخذ رأيي في الهدية

- هدية لمين

- معرفش، بس تقريباً هو جايبها لبنت هو بيحبها بس معرفش مين

- طيب اسمها أي

- معرفش، بس هو كاتب حرف M

- ماشي بردوا، بتلفي فين بقالك ساعتين

- بصراحة روحت عند واحدة صحبتي عشان كانت تعبانة وكنت عايزه اقولك

بس تليفوني فصل ومعهدهش هناك شبكه

- ماشي يسما، حذاري تروحي فحته تاني من غير متقوليلي قبلها

- ماشي، بس ونبي بالله عليك متقولي لخالتي علي موضوع عمر علشان هو محلفني مقول لحد ولا حتي انتي تقوليله اني قولتلك ومتجلوش سيرة عن الموضوع ده
- ماشي

كانت هذه خطة سما الذي خططت لها لتُبرر تأخيرها كل هذه المدة

اثناء توصيل عمر سما للمنطقة التي ستركب منها:

- عمر
- أي
- بالله عليك متقو لحاجة لامي علي حوار الهدية ده
- ماشي متخفيش
- ولو حد سألك انا اتأخرت لي بيق قولهم اننا كنا بنوصل واحده معانا في الدرس كانت تعبانة
- لا يسما، انا مش هكدب هقولهم انا وصلتها عند الموقف ورجعت غير كدا انا مش هقول حاجة
- ماشي

لذلك ألفت سما تلك القصة علي والدتها لكي تحمي نفسها من الوقوع بالمشكلة بل وايضاً وقّعت عمر في موضوع لا يعلم عنه شيء وليس له علاقه بذلك الموضوع. عندما ركبت سما العربة لكي تذهب الي بيتها، اخرجت هاتفها من حقيبتها وفتحت جهات الاتصال وضغطت علي جهة اتصال تُسمي (حبيبي) ومن ثم وضعت الهاتف علي اذنها وقالت:

- الو، ايوا يمصطفي

كان مصطفي نائم ورد عليها في خمول وكسل: ايوا يسما

- بقولك أي، انت فاضي
- لا نايم
- يعم انجز
- عايزه أي
- استناني عند محطة *****
- لي
- جايبالك هدية
- لي
- هو أي اللي لي، مش عيد ميلادك كان امبارح
- ايوا
- طيب، وانا جايبالك هديتك
- ماشي، هقوم وانزل
- طيب بسرعة علشان انا قربت انزل
- ماشي

غيرت سما خطتها وقررت ان تعطي الهدية لمصطفى بنفسها أفضل من ان تُعطيها
لصالح الذي يعمل معه

فتحت سما تطبيق الواتساب وضغطت علي دردشة صالح وقامت بتسجيل مقطع
صوتي وقالت فيه: صالح بقولك أي، انا خلاص هدي انا لمصطفى الهدية تمام

لاحظت سما ان المنطقة التي قالت لمصطفى ان ينتظرها فيها جاءت، نزلت سما
من العربة، وظلت واقفة في الشارع حوالي نصف ساعة، الي ان جاء مصطفى
وكان يرتدي ملابس المنزل ولم يرتدي أي شيء أنيق، لم تستغرب سما لملابسه
لأنها اعتادت ان تراه ذلك

- أي يبني أي اللي اخرك
- ابنك مين

- قصدي يا مصطفى أي اللي اخرك
- عقبال ما عرفت انزل من مراتي
- طيب، اتفضل كل سنة وانت طيب

امسك مصطفى بالهدية وقال لها: وانتى طيبه

- يلا انا همشي عايز حاجة

كانت تلك العبارة صادرة من فم سما، فرد عليها مصطفى: رايحه فين، تعالي نقعد علي الكافية اللي هناك ده

- طيب بس هي ربع ساعة علشان متأخرش
- ماشي، مش هتأخري متخفيش

اخذ مصطفى سما الي المَقْهَى الذي يقع بالقرب منهم، وجلسوا علي إحدي الطاولات الذي تقع في داخل المَقْهَى لكي لا يراهم احد، وبعد ذلك سأل مصطفى سما ماذا تشرب، فأشارت له بيدها لكي يفهم انها تقصد ان يطلب هو لها، وبعد ذلك جاء الطلب، واخذت سما كوب عصير المانجا الذي طلبه لها مصطفى، وبعد ذلك جاء النادل وطلب مبلغ الطلبات الذي طلبوها ، فقام مصطفى وادخل يده في جيبه لكي يأخذ المال لكي يعطيه للنادل، ولكن تفاجأ مصطفى انه نسي ان يأخذ محفظته قبل ان ينزل، ففهمت سما ان مصطفى لم يكن معه المال، فأشارت للنادل لكي يأتي لها لكي تعطيه الحساب، وبالفعل أعطت سما للنادل ثمن الطلبات وبعد ذلك خرجوا من المَقْهَى لكي تذهب سما الي بيتها لأنها تأخرت كثيراً .

اثناء توصيل مصطفى لسما الي المنطقة الذي ستركب منها العربة دار بين مصطفى وسما حديث طويل:

- معلش إنك دفعتي حق الطلبات، بس انا نسيت اخذ المحفظة وانا نازل علشان نزلت بسرعة
- نزلت بسرعة أي بس، انت هتحوور دنت متأخر عليا ساعة بحالها يمصطفي

غضب مصطفى بسبب طريقة الكلام التي تُكلّمه بها وقال لها بصوت غضب:

- منا قوتلك نسيت اعملك أي يعني

- متعملش، ممكن تسكت بق

غضب مصطفى أكثر وامسك سما من يدها ووقفها وقال لها بصوت عالي:

- اتعدلي وانتي بتكلميني

قالت له سما وهي تتصنع الصوت الهادئ والملامح البريئة والبكاء:

- مصطفى بعد اذنك انا عايز اروح وملكش دعوة بيا

- في داهيه غوري

دفع مصطفى يد سما الذي كان يمسكها بقوة، لدرجة ان علامات يد مصطفى واضحة علي يد سما، ولم يُوصّل سما الي المنطقة التي ستركب منها ومشى من طريق اخر، مشت سما حتي وصلت الي المنطقة التي ستركب منها وركبت عربة لكي تأخذها الي بيتها، نزلت سما من العربة والتقت بجارتها ياسمين كانت اكبر منها بسنة

- أي بينتي عامله أي

- الحمدالله يا ياسمين وانتي عامله أي

- الحمدالله، أي جاية منين

- من الدرس

- تمام ربنا معاكي

- انتي رايحة البيت ولا هتجيبني حاجة

- لا انا راحيه البيت

- طيب، همشي معاكي

- اشطا

مشي الاثنان معاً، وبعد ان وصلا صعدت كل واحدة منهم الي بيتها

- الو
 - أيوا يخالتوا
 - أي يحببي، انا رنيت عليك علشان اقولك ان سما جت
 - كانت فين كل ده
 - بتقولي كانت بتزور واحدة صحبتها، وكان تليفونها مقفول علشان مفيش شبكة في بيتهم
 - ماشي يخالتوا، حمدلله علي سلامتها
 - الله يسلمك يحببي، عايزة حاجة
 - لا يخالتوا، سلام
 - سلام
-

نرجع مرة اخري الي ياسمين وعمر:

انتهي عمر من كتابة وتسجيل قصته، وبعد ذلك وضع القصة علي حسابه الشخصي وقام بتحديد موعد النشر غداً الساعة الرابعة مساءً في الغد، استيقظ عمر قرابة الساعة الحادية عشر، وامسك بهاتفه لكي يجد رسالة مُرسلة من ياسمين مكتوب بها: صباح الخير استغرب عمر لأن الرسالة مُرسلة من خمس ساعات، فرد عليها:

- صباح النور، أي اللي مصحكي بدري كدا

كتب عمر تلك الرسالة وترك الهاتف ودخل الحمام وبعد ذلك خرج من الحمام، وفتح جهاز الكمبيوتر الخاص به وفتح فيديو من فيديوهات (الدحيح) وكان بعنوان (الطب النفسي) وبعد ان انتهى من مشاهدته الفيديو الذي كانت مدته حوالي نصف

ساعة امسك عمر بهاتفه ليجد رسالة من ياسمين مُرسلة من حوالي ساعة، فأدرك انها أرسلت الرسالة وهو في الحمام ونسي ان يمسك هاتفه لكي يري الرسالة بعد خروجه

وجد عمر في الرسالة رد ياسمين علي سؤاله:

- ماما صحتنا علشان نروح البلد
- تمام، وصلتني يعني ولا لسه
- اه وصلنا من حوالي ساعتين
- تمام حمدلله علي السلامة
- الله يسلمك، انا ز هقانة، انت بتعمل أي
- قاعد بتفرج علي الدحيح
- مين ده
- متعرفيش الدحيح ولا أي
- لا
- ده واحد علي اليوتيوب بيحدد يقول معلومات عن موضوع معين، بس بيقولها بطريقة حلوة اووي
- اها، طيب
- انتوا هتقعدوا قد أي في البلد؟؟
- هنمشي بليل
- تمام، خلي بالك من نفسك
- تمام

جلس عمر علي جهاز الكمبيوتر مرة اخري ولكنه فتح فيلم مصري كان اسمه (عسل اسود)، ولكنه جلس علي السرير ووجه الشاشة ناحية السرير، وفي نص الفيلم سمع عمر صوت اذان الظهر، وقّف عمر الفيلم وقام ليُصلي الظهر، وبعد ان انتهى من صلاة الظهر اكمل مشاهدة الفيلم

انتهي الفيلم، وظل عمر حوالي ساعتين يتصفح في هاتفه، ويقرأ التعليقات الإيجابية والسلبية علي قصصه، كان عمر عندما يري أي تعليق سلبي علي قصصه او أي تعليق يُقلل من قصصه كان يزعل بشدة لأنه كان يتعب كثيراً في كتابة القصة وتسجيلها وكان عندما يري أي تعليق سلبي كان يمسه فوراً

في اليوم التالي استيقظ عمر في نفس المعاد تقريباً، وتذكر انه قبل ان ينام أرسلت له ياسمين رسالة تقول له فيها انها رجعت الي بيتها، نهض عمر من علي سريره واتجه الي الحمام، وبعد خروجه من الحمام فوراً سمع صوت اشعار من تطبيق الواتساب فذهب الي غرفته وامسك بهاتفه ليجد رسالة مُرسلة من ياسمين تقول له وهي متعصبة: انا اموت واعرف انا بصحي قبل الضهر لي

- عادي يست، منا بصحي بردوا قبل الضهر عادي 🤪

- لا بيني، انت تعرف انا نائمة الساعة كام

- كام

- الساعة اربعة الفجر

- بجد

- اه والله

- ازاي، دنتي كدا منمتيش غير 6 ساعات بس 🤪

- اه

- عادي 🤪

ظل الاثنان يضحكوا معاً، وقاموا بالتحدث في الكثير من المواضيع حتي جاء موضوع القصص

- طيب تعرفي حاجة، انا بقيت مش عاوز اعمل قصص تاني

- لي كدا

- علشان التعليقات السلبية، والتريقة اللي بتجيلي

- يعم عادي، دا أي حد بيعمل محتوى علي السوشيال بيجيله تريقة كثير وتعليقات سلبيه بردوا وأوقات بتوصل للشتيمة كمان
- عارف، بس انا كل مشوف أي تعليق كدا اتخفق واتقفل من القصص
- لا يعم، خلي بالك طويل لسه قدامك طريق طويل، انت لسه بتبتدي وغير كدا كمان مش في ناس بتعجبهم فيديوهاتك وبيجياك تعليقات كويسه
- ايوا
- طيب خلاص، خليك مع دول وسبيك من التعليقات الثانية وبيني والله ومن غير مجامله القصص بتاعتك حلوه اووي والله وممتع كمان وانا بحب اسمعها اووي
- بجد
- اه والله
- طيب، خلاص بكرة هبق انزل قصه جديده
- تمام، وتكون زي القصة الأخيرة هاا 🤪
- حاضر 🤪

شعر بدفعه امل جديدة لكي يُكمل في تنزيل القصص، ولكن شعر ايضاً بمشاعر تجاه ياسمين، لا يعلم ما نوع تلك المشاعر، هل هي مشاعر حب ام مشاعر صداقه، لم يعلم ما نوع المشاعر بالتحديد ولكنه أكمل في تنزيل قصصه واستمرت ياسمين ايضاً في تشجيعها لها، وكانت ياسمين تشعر مشاعر تجاه عمر ولكنها كانت مشاعر صداقه وليس حب.

وفي يوم ما، كان عمر وياسمين يتحدثون ليلاً بعد منتصف الليل وكانت هذه عادة عندهم فهم كانوا يسهروا مع بعض ويتكلموا حتي اليوم التالي، واثناء حديثهم تلك اليوم جاءت سيرة سما (ابنة خالة عمر)، وكانوا يتحدثوا عنها بأنها فتاة خبيثة وكانوا يذكروا مواقفهم التي حدثت مع سما وكيف انها فتاة خبيثة ويجب ان لا احد ياتمنها علي شيء.

- ولا، اقولك علي حاجة بس متقولش لحد
- قولي ومش هقول
- احلف
- انجزي يا ياسمين مش هقول لحد
- طيب
- انجزي قولي بق
- فمرة كنت انا وسما ماشيين مع بعض بس كنا بعيد عن البيت ولقيتها بتقولي استنيني هنا هجيب حاجة من الكشك اللي هناك ده واجي تاني، قعدت اقولها هروح معاكي علشان مش بحب أكون واقفه في الشارع لوحدي، قعدت تقولي لا وقعدت تعلي صوتها في الشارع وتقولي لا، وطبعاً انت عارف ان بنت خالتك صوتها عالي وخشن
- طبعاً عارف ، كمل
- المهم، قولتها خلاص روعي وانا هستناكي هنا بس متتأخريش قالتلي ماشي، هي راحت ولقيتها دخلت جوا السوبر ماركت وقعدت ربع ساعة ومرجعتش فانا روحت اشوفها اتأخرت لي، فروحت ولقيتها واقفه مع مصطفى وقاعدين يضحكوا
- هي اخدت بالها إنك روحتي وشوفتها
- لا، انت تعرف انا قصدي مصطفى مين
- ايوا
- طب مين
- مصطفى الواد الصايح اللي شغال عندكوا في الشارع
- أي ده !!!، انت عارف
- ايوا بينتي عارف انها ومصطفى بيحبوا بعض، وكمان بتديله فلوس
- احلف
- والله
- انت عرفت منين كل ده

- كنا في مرة في الدرس وكنت بوصلها للموقف، واحنا خارجين من الدرس
- قالتلي انا عايزه اجيب هدية لصحبتى وقالتلي هو في محل بيعمل هدايا هنا
- قولتلها اه، قالتلي ماشي وديني ليه، وديتها وقعدنا حوالي ساعة عقبال ما
- خلصنا الهدية، وكتبت علي الهدية حرف M
- طيب، انت عرفت منين بردوا انها بتكلم صالح
- لما خلصنا الهدية كنت بوصلها، فلقيتها بتكلم حد وبتقوله انا هديك الهدية
- وانت ابق وصلها لمصطفي، فنا عرفت ان الهدية لولد وكمان لقيتها بتكلم حد
- بس بتكلمه شات وشوفت صورة مصطفى ده، فعرفت ان هي ومصطفي
- بيحبوا بعض وبيتكلموا
- اهه، مش فاهمه البت دي بتفكر ازاي علشان تحب واحد متجوز
- أي ده!!!!!!، هو متجوز
- اه، انت مكنتش تعرف ولا أي
- لا، لسه عارف منك دلوقتي
- ده متجوز ومخلف كمان
- كمان، ما شاء الله 🤪
- 🤪
- ده اكيد بيلعب بيها
- دي حاجة اكيدة، بس انا عايزه أقول لخالتك عليها وعلي اللي بتعمله بس كل
- ما افتكر انسي
- لا متقوليش حاجه
- اشمعنا؟؟
- علشان اكيد سما هتكذبك، واكيد خالتي هتصدق سما ومش هتصدقك
- والله معاك حق، خلاص مش قايله

ظل الاثنان يتحدثوا مع بعضهم أيام واسابيع كثيرة، وايضاً قرّب الاثنان من بعضهم أكثر وأكثر لدرجة انهم كانوا يحكوا لبعضهم عن مشاكلهم الشخصية في البيت وعن احلامهم، وفي يوم ما اعترف عمر بحبه لياسمين:

- ياسمين، عايز اقولك حاجة
- قول
- انا بحبك
- وانا كمان بحبك زي اخويا، انت عبيط يا عمر
- لا بيت، انا بحبك بجد

12-الجرح الأول

بعد ان انتهى الفيلم وجاء وقت الخروج من المدرسة، سلّم كلاً من ياسمين ورغد علي حنين وذهبت كل واحدة منهم اللي بيتها، ولكن عندما خرجت ياسمين من غرفة حنين لكي تخرج من المنزل وجدت بلال يجلس في صالة البيت، وبلال اخذ باله انها خرجت وسوف تذهب الي بيتها، ولكن قبل ان تذهب ياسمين الي باب البيت قالت لبلال: شكراً علي الشاشة

فرد عليها بلال: العفو، علي أي

ابتسمت له ياسمين وخرجت بعدها من المنزل وهي (مكسوفة) وعلي غير المعتاد نسيت ياسمين ان رغد قالت لها بأن تنتظرها عند مدخل المنزل لكي تقول لها شيء، و لكن ياسمين نسيت ذلك وذهبت الي بيتها وهي سارحة في وجه بلال الذي ما زال محفوراً في مخيلتها عندما ابتسم لها

ذهبت ياسمين الي منزلها ودخلت غرفتها لكي تُغير ملابسها، وبعد ان غيرت ملابسها جلست علي السرير وهي ما زالت سارحة في وجه بلال حتي ذهبت فالنوم

استيقظت ياسمين من النوم علي صوت اختها ملك وهي تُيقظها لكي تأكل معها وكانت ياسمين تريد ان تنام ولا تريد ان تأكل، فقالت لها وهي ما زالت مُقفله عينيها: مش عايزة اكل، اطلعي واقفلي النور والباب وراكي

فعلت ملك ما طلبته منها ياسمين، وظلّت ياسمين نائمه الي بعد منتصف الليل، استيقظت ياسمين بعد منتصف الليل ولم تكن تظن انها نامت كل هذه المدة فكانت تظن انها نامت ساعتين بالكثير ولكنها قامت من علي السرير لكي تدخل الحمام

فوجدت المنزل هادئ علي غير عادته ولم تسمع أي صوت في الشارع وهذا غريب جداً، لأنني كما قلت سابقاً انها تسكن في منطقة شعبية يندر فيها الهدوء هذا، دخلت ياسمين الحمام وخرجت وجلست علي سريرها مرة اخري، ولكنها لمحت اختها ملك نائمة علي الاريقة (الكنبة)، جلست ياسمين علي سريرها واخذت وضعية النوم ولكنها لن تنام بل امسكت هاتفها لتتصفح به، فعندما فتحت شاشة هاتفها وجدت ان الساعة الثانية بعد منتصف الليل فتفاجأت ياسمين من الساعة وقالت في صوت دهشة: يلهوي نمت كل ده، دنا نمت اكثر من 9 ساعات

لاحظت ياسمين وجود أكثر من اشعار من تطبيق الواتساب، ففتحت تطبيق الواتساب لتجد اكثر من رسالة مُرسلة من رغد، فتحت ياسمين محادثة رغد وجدت ان مضمون الرسائل التي أرسلتها: أي بينتي روحتي فين، انا فضلت مستنياكي كثير تحت بيت حنين ولما زهقت مشيت

ردت عليها ياسمين: انا نسيت اساساً أنك قولتيلي استناكي تحت البيت، فنا مشيت علي طول

ردت عليها رغد لأنها ما زالت مُستيقظة: تمام، انتي كنتي فين كل ده ولسه فاكرة تردي

- كنت نائمة

- نعم!!!، كنتي نائمة كل ده لي

- معرفش والله، دنا نمت اكثر من 9 ساعات

- ابوا فعلاً

- عادي بق

- ماشي، بس اليوم النهارده كان حلو اووي وانا بصراحة انبسطت

عندما قرأت ياسمين تلك الرسالة من رغد تذكرت بلال وتذكرت وجهه عندما كان يبتسم لها ولكن تعجبت رغد من عدم رد ياسمين علي رسالتها فقالت لها: أي بينتي

روحتي فين، ولا اليوم النهارده مكنش عاجبك
- لا كان عاجبني اووي وانبسطت بردوا

- ماشي، هتيجي المدرسة بكرة ولا

- مدرسة اي يهبله انتي، بكرة الجمعة

- قصدي الدرس

- هو الساعة كام علشان نسيت

- الساعة 8

- الصبح ولا بليل

- ياسمين انتي بقيتي غيبه كدا لي

- لي

- اكيد بليل، مش هنروح نبيع لبن للمستتر يعني

- خلاص يستي بنكشك عادي 🤪🤪

- ماشي يختي، عايزه حاجة

- لا، رايحه فين

- مش بقولك غيبه

- لي تاني بينتي

- ما اكيد رايحه انام، بطلي تسألني اسئلتك المتخلفة دي

- حاضر 🤪🤪

- يلا غوري

- تصبحي علي خير بحيوانه

- وانتي من اهل الخير يختي 🤪

انهت ياسمين محادثتها مع رغد وقامت بفتح تطبيق التيك توك لكي تتصفحه لأنها
كانت تشعر بالملل

ظلت ياسمين تتصفح تطبيق التيك توك حتي الساعة السابعة صباحاً

وعندما استيقظت والدتها تعجبت من استيقاظ ياسمين في ذلك الوقت، فقالت لها:
أي اللي مصحكي دلوقتي

- مش عارفه انا لقيت نفسي صحيت
- اول مجيتي نمتي علي طول لي من غير متاكلي
- كنت تعبانة وكنت عاوزة انام
- ماشي، اعملك فطار ولا مش هتفطري دلوقتي
- لا لا مش قادره اكل حاجه
- ماشي

أكملت ياسمين تصفح في هاتفها حتي نامت علي نفسها، ثم استيقظت علي صوت رنة هاتفها، فتحت ياسمين عينيها لتتنظر الي الهاتف لتري من يرن عليها وقبل ان تقع عينيها علي اسم المتصل وقعت عينيها علي الساعة فوجدتها الرابعة والنصف عصراً، ثم نظرت الي اسم المتصل لتري ان رغد تتصل عليها، ففتحت المكالمة وقالت:

- الو
- أي يا ياسمين، عامله أي
- الحمدلله، في حاجة ولا أي
- لا، صوتك باين عليه إنك كنتي نايمه
- اه صحيت علي رنة الفون
- يخربيتك انتي نمتي تاني، بعد النومه اللي نمتيها دي
- معرفش والله، كنت بلعب علي الفون فجأة لقيت نفسي نمت
- ماشي، انا كنت برن عليكي علشان اقولك ان الدرس اتأخر ساعة، يعني بق الساعة 9
- ازاي 9 بليل دي بيستهبل ده ولا أي
- معرفش والله، انا قولت لماما المعاد فزعت فيا وقالتلي اديني رقم المدرس ده
- أكلمه علشان ده شكله عبيط علشان يعمل الدرس الساعة 9 بليل

- وقال لها أي لما رنت
- قال لها انه عنده ظرف ومش هيعرف يلغي الحصة ومش هيعرف يديها في ميعادها وقعد يتأسفلها
- انا بردوا معرفش ماما هتوافق إني اروح ولا لا
- يستي قوللها بس، ولو قالتلك حاجه قوللها ماما رغد كلمت المستر وقال لها ان عنده ظرف
- طيب
- متتأخريش هاء، انا هعدي عليكى والساعة 9 الا ربع الايكي جاهزة
- حاضر
- صح نسيت اقولك حاجه
- أي تاني
- البت حنين، هتيجي معنا الدرس
- اشمعنا
- معرفش لقيتها بتسألني انتوا بتاخذوا درس مع مين وقولتلها وقالتلي خلاص انا هاجي معاكوا
- ماشي

جاءت الساعة الثامنة مساءً وقامت ياسمين وفتحت دولابها واختارت الملابس التي سترتديها ثم بعد ان لبست ملابسها جلست امام المرأة وقامت بتمشيط شعرها وعندما كانت تُمشط شعرها دخلت عليها والدتها لتسألها عن شيء ولكنها تفاجأت من انها تُمشط شعرها وتستعد للخروج، فقالت لها:

- انتي لابسه ورايحه علي فين
- عندي درس
- درس أي ده انشالله اللي الساعة 9
- المستر غير معاد الدرس وخلاه الساعة 9 اعمل أي
- مش هتروحي الدرس

- لي
- كدا
- لو مش مصدقه رني علي مامة رغد علشان هي كلمت المستر وقال لها
- قولت مفيش مرواح للدرس ده
- يماما لي
- هو أي اللي لي، انتي مش شايفه الساعة كام
- يماما طب انا مالي
- ملكيش، بس بردوا مش هتروحي
- يماما مينفعش اللي بتعمليه ده، انا مينفعش اغيب لأنه بيراجع المنهج
- نعم يختي!!!، يراجع المنهج ويخلي الدرس الساعة 9 ازاى
- طب انا ذنبي أي
- قولت مفيش مرواح للدرس
- طيب صل علي النبي
- عليه الصلاة والسلام
- رني علي مامة رغد لو مش مقتنعة بردوا مش هروح
- ماشي، قومي هاتي تليفوني من علي الكنبة برا
- حاضر

نهضت ياسمين من علي الكرسي وذهبت الي الصلاة لكي تجلب هاتف والدتها، ثم اعطته لها واتصلت والدة ياسمين علي والدة رغد لكي تسألها عن سبب تغيير معاد الدرس وجعله في ذلك الوقت، واخبرتها والدة رغد ان المدرس حدث عنده ظرف ما، لذلك قام بتغيير ميعاد الدرس واخبرتها ايضاً انه قال لها انه لن يؤخرهم، فوافقت والدة ياسمين علي ذهاب ياسمين الي الدرس بعد ان اقنعتها والدة رغد، وبعد ذلك أكملت ياسمين تمشيط شعرها لكي تستعد للنزول عندما تتصل عليه رغد، وبالفعل بعد حوالي خمس دقائق اتصلت رغد علي ياسمين لكي تُخبرها بأنها تنتظرها اسفل منزلها، قامت ياسمين من امام المرأة واخذت حقيبتها ثم اتجهت الي

باب الشقة لكي تنزل، وقبل ان تفتح باب الشقة قالت لها والدتها: خلي بالك من نفسك واما ارن عليكي تردي علي طول حتي لو في الحصه

- حاضر يماما

نزلت ياسمين الي رغد وحنين وسلمت عليهما ولكن عندما ادارت وجهها نحو الجهة اليمني تفاجأت من وجود بلال، ولكنها اخفت توترها واستغرابها سريعاً حتي لا يُلاحظ احد، وبعد ذلك قالت لهم ياسمين: يلا بق علشان منتأخرش

ذهب الثلاثة الي الدرس واثناء طريقهم كان بلال يمشي ورائهم لكي لا يُضايقهم احد، وفي اثناء طريقهم سألت ياسمين حنين عن سبب مجيئ بلال معهم وقالت لها: بابا وماما مردوش اني اروح الدرس غير وانا معايا بلال يوصلني واما اخلص الدرس يروحني

دخل الثلاثة الي الدرس وقال بلال لحنين قبل ان تصعد الي الدرس بأن تُبلغه عندما ينتهي الدرس لكي يأخذها الي البيت

وبعد ذلك انتهى الثلاثة من الدرس وكانت مدة الحصه لم تتجاوز الساعة، ورنّت ياسمين علي والدتها لكي تُخبرها بأنها خرجت من الدرس وفي طريقها الي المنزل وعندما نزلت حنين من الدرس وجدت بلال ينتظرها، وصار الأربعة في طريقهم الي منزلهم

رنّت حنين علي ياسمين بعد ان ذهبوا الي منازلهم لكي تُخبرها بشيء:

- الو، ايوا يا ياسمين
- أي بيئتي في حاجه ولا اي
- لا رنيت عليكي علشان اقولك إنك نسيتي كتابك معايا
- أي ده بجد
- اه
- طيب مش مشكله بيق اديهوني يوم الاحد في المدرسة

- اشطا، عايزه حاجه

- لا شكراً

ذهبت ياسمين كعادتها الي سريرها لكي تنام ولكنها قبل ان تنام تتصفح هاتفها، واثناء تصفحها تطبيق الفيس بوك جاء في بالها فكرة ان ترسل طلب صداقة الي بلال، ولكنها ظلت تبحث عن الاسم ولكنها لم تجد الملف الشخصي الخاص به فقفز في عقلها فكرة، ان تدخل علي الملف الشخصي لحنين ومن ثم تري الأصدقاء عندها وتُرسل طلب صداقه لبلال، وبالفعل دخلت ياسمين علي الملف الشخصي لحنين وبالفعل وجدت الملف الشخصي لبلال وارسلت له طلب صداقة، وكانت تريد ان تتصفح ملفه الشخصي ولكنها وجدت ان الملف الشخصي لبلال خاص وليس عام، أي بمعنى ان المسموح لهم فقط بتصفح ملفه الشخصي هم الأصدقاء فقط

خرجت ياسمين من تطبيق الفيس بوك واكملت تصفح علي برامج اخري، وبعد مرور ساعتين من تصفح ياسمين لهااتفها نامت علي نفسها

استيقظت ياسمين قرابة الساعة الثانية عشر ضمها، وعندما فتحت عينيها كانت اول فكرة قفزت الي عقلها ان تفتح تطبيق الفيس بوك لكي تري هل رد بلال علي طلب الصداقة ام لا، امسكت ياسمين هاتفها ولكن لسوء الحظ كانت بطارية هاتفها نفذت، فقامت مسرعة من علي سريرها الي دولابها لكي تُجلب الشاحن ولكنها لم تجد الشاحن في دولابها، اضطرت ياسمين الي قلب دولابها بأكمله لكي تبحث عن الشاحن لكي تري موضوع طلب الصداقة وبعد ان ظلت حوالي نصف ساعة تبحث عن شاحنها لم تجده، فتعصبت ياسمين وذهبت الي والدتها لكي تسألها عن الشاحن إن كانت رآته في منطقة ما في الشقة

- ماما

- أي

- مشوفتيش الشاحن بتاعي فين، انا قلبت عليه الدولار كله وملقتوش مع إني
امبارح كنت حطاه في الدولار قبل مروح الدرس
- اختك خدته
- خدته ليه، وفين هي اساساً
- راحت عند خالتك
- لي
- كنت عايزه ابعت لخالتك فلوس الجمعية وكنت هبعثك انتي بس لقينك جاية
امبارح من الدرس تعبانة، فوديت ملك بالفلوس
- يلهوي، طب هي بردوا اخدت الشاحن معاها لي
- علشان نسيت تشحن تليفونها
- ومخدتش شاحنها لي
- مش عارفة
- اووووووووووف، طب هي هتيجي امتي
- بليل
- يلهوي بق، كمان بليل
- في أي مالك
- انا تليفوني فاصل خالص وعايز يشحن
- خلاص مفرقتش، اهدي لحد بليل تكون جت
- لسه هستني
- بقولك أي متقرفنيش، غوري روقي الشقة واغسلي المواعين وبعد كذا اقعدني
اندي براحتك
- اووووووووف
- دخلت ياسمين الي غرفتها تبكي لأنها لا تحتمل ان تجلس كل هذه المدة بدون
هاتفها، ولكنها توعدت لملك عندما ترجع من عند خالتها

دخلت ياسمين الي المطبخ لكي تُرتبه وبعدها قامت بترتيب الشقة كما طلبت منها والدتها

وبعد ان انتهت من ترتيب البيت وجدت الساعة في هاتف والدتها الثالثة عصراً، فجلست امام التلفاز تشاهد أي شيء فيه يقضي علي الملل ولكنها نامت وهي تشاهد التلفاز

- بت....بت....انتي يزفته

كانت هذه العبارة منطلقة من والدتها ياسمين، فهي وجدتها نائمة امام التلفاز فأيقظتها لكي تنام علي سريرها بدلاً من ان تنام امام التلفاز

وبالفعل ذهبت ياسمين الي غرفتها لكي تنام علي سريرها، ولكنها قبل ان تذهب الي سريرها سألت والدتها عن الساعة، فأجابتها بأن الساعة الخامسة مساءً

ذهبت ياسمين الي سريرها ونامت كثيراً واستيقظت ياسمين بعد منتصف الليل فوجدت البيت كله هادئ والشارع ايضاً فعلت انها استيقظت في ساعة متأخرة

نهضت ياسمين من علي سريرها وقبل ان تدخل الحمام ذهبت الي غرفة ملك لكي تأخذ الشاحن منها فوجدتها نائمة، ولكن قبل ان تُيقظ ياسمين ملك لمحت ياسمين حقيبة ملك الذي كانت معها عندما ذهبت الي خالتها، فأخذتها وقامت بالبحث عن الشاحن في الحقيبة واخيراً وجدت الشاحن، فأخذته بسرعة واتجهت الي غرفتها مسرعة حتي انها لم تُغلق حقيبة ملك والقتها علي الأرض

وضعت ياسمين رأس الشاحن في منفذ الكهرباء ووضعت الطرف الاخر في هاتفها وظلت امامه حتي قفزت بطارية الهاتف من 0% الي 1% وقامت ياسمين بتشغيل الهاتف وهو في الشاحن، فتحت الهاتف وكتبت ياسمين كلمة سر الهاتف وبعدها ضغطت ياسمين علي تطبيق الفيس بوك ولكن هبط الهاتف مرة اخري من 1% الي 0% ونفذت بطارية الهاتف مرة اخري

تعصبت ياسمين جداً وتركت هاتفها ولكنها شعرت بالملل من عدم وجود شيء لتفعله ولكن جاء في بالها فكرة وهي ان تتصفح هاتف اختها ملك حتي ينتهي هاتفها من الشحن، قامت ياسمين الي غرفة اختها ملك واخذت هاتفها لتتصفحها ولكنها وجدت نسبة بطارية هاتف ملك 20% ولكنها قالت لنفسها ان تتصفح الهاتف حتي تنفذ بطاريته وفي ذلك الوقت تكون بطارية هاتفها وصلت الي 50%

فتحت ياسمين هاتف ملك ببصمتها فأخذت اصبعها ووضعته علي مستشعر البصمة حتي فتح الهاتف وبعد ذلك دخلت ياسمين الي غرفتها وظلت تتصفح هاتف اختها ملك حوالي ساعة ونصف حتي نفذت بطاريته، وبعد ذلك ذهبت ياسمين الي غرفة ملك ووضعته الهاتف في مكانه وقررت ان لا تضع هاتف ملك علي الشاحن انتقاماً منها، رجعت ياسمين الي غرفتها مرة اخري وامسكت بهاتفها ووجدت نسبة بطاريته وصلت الي 48% فقالت بصوت منخفض: حلو اووي كفاية عليك كدا

جلست ياسمين علي سريرها وفتحت هاتفها ودخلت علي تطبيق الفيس بوك لكي تتفاجأ من عدم وجود اشعار، فدخلت علي الملف الشخصي لبلال فوجدت انه لم يوافق علي طلب الصداقة، فشعرت بالحزن الشديد ولكنها قالت لنفسها يمكن ان يكون لم يأخذ باله من طلب الصداقة

أغلقت ياسمين تطبيق الفيس بوك وفتحت تطبيق التيك توك لكي تتصفحها، وبعد مرور حوالي ساعتين من تصفح ياسمين لهاتفها حتي ان الساعة اقتربت من الرابعة صباحاً وكانت ياسمين تشعر بالنعاس الشديد وكانت تريد النوم، وفجأة شعرت ياسمين باهتزاز في الهاتف دليل علي وجود اشعار جديد - لأنها جعلت هاتفها علي وضع الاهتزاز - وجدت ياسمين ان الاشعار من تطبيق الفيس بوك، ذهب النعاس والنوم من اعين ياسمين عندما وجدت ان الاشعار من تطبيق الفيس بوك، فتحت ياسمين تطبيق الفيس بوك لتجد اشعار بأن بلال وافق علي طلب الصداقة، شعرت ياسمين بالفرحة الشديدة حتي تركت الهاتف وظلت تقفز علي سريرها من الفرحة وبعد ان هدأت ياسمين من اثار تلك الفرحة دخلت علي الملف الشخصي لبلال لتتصفحها فوجدت له صور ووجدت انه كتب في امنيائه بأنه يحلم

ان يدخل الثانوية العسكرية وحلمه ان يصبح ضابط شرطة، ظلت ياسمين تتصفح ملفه الشخصي وفتحت صورة له وظلت تتأملها حوالي 3 دقائق وعندما ضغطت علي زر اغلاق الصورة فضغطت بالخطأ علي زر الاعجاب، فشعرت ياسمين بالمشكلة والارتباك عندما ضغطت علي زر الاعجاب ولكنها قالت لنفسها انه لن يأخذ باله، انتهت ياسمين من تصفح بروفايل بلال وتركت الهاتف يُكمل شحن، وفردت جسمها كله علي السرير ونظرت الي سقف الغرفة وظلت تُفكر في بلال وتصنع سيناريوهات خياليه مع بلال وبعد مرور حوالي نصف ساعة من تفكير ياسمين في بلال ذهبت الي النوم.

استيقظت ياسمين قرابة الساعة العاشرة صباحاً، فقامت من سريرها ودخلت الحمام وخرجت ووجدت والدتها في المطبخ ووجدت ملك ما زالت نائمة حتي الان امسكت ياسمين بهاتفها ولكنها تفاجأت عندما فتحت شاشة هاتفها وجدت ان اليوم يوم الاحد ووالدتها لم تُيقظها لكي تذهب الي المدرسة، فذهبت الي والدتها في المطبخ لكي تسألها عن عدم ايقاظها للذهاب الي المدرسة

- ماما
- خير
- انتي مصحتنيش لي علشان اروح المدرسة
- علشان صحيت متأخر
- امتي
- صحيت علي الساعة 9
- ماشي
- وبعدين انتي مظبتنيش المنبه لي علشان تصحي هو انا لازم اعمل كل حاجه بنفسي في البيت ده

وفجأة حوّلت والدة ياسمين الحوار الي مشكلة كعادة كل الأمهات المصرية

ذهبت ياسمين الي غرفتها مرة اخري بعد ان انتهت الحوار مع والدتها وتأسفت لها وهي في الأساس لا تعرف ماذا فعلت لكي تتأسف

امسكت ياسمين بهاتفها مرة اخري وفتحت شاشة الهاتف لتجد كم كبير من الرسائل والمكالمات الفائتة، وجدت ياسمين ان الرسائل والمكالمات الفائتة جميعهم مُرسلين من رغد وحنين ولاحظت ايضاً ان تلك الرسائل والمكالمات كانوا من حوالي 5 ساعات، فتحت ياسمين تلك الرسائل لتجد ان حنين ورغد كانوا يريدوها ان تذهب معهم الي المدرسة ولكنهم اتصلوا عليها كثيراً وراسلوا كثيراً وهي لم تُجيب. رنت ياسمين علي رغد لكي تقول لها انا استيقظت متأخرة عن معاد المدرسة

- الو، ايوا يرغد
- أي يزفته فينك من الصبح وقاعده أرن عليك انا وحنين وانتي مش بتردي في أي

كانت رغد تتحدث بنبرة غضب وصوت عالي ولكن ردت عليها ياسمين:

- في أي يست اهدي، صحيت متأخر اعملك أي يعني وماما كمان صحيت متأخر
- والله
- اه والله، هكذب عليك لي يعني
- وازاي مصحتيش اصلاً من صوت التليفون دنا رنيت عليك اكثر من 20 مرة وحنين كمان قعدت ترن عليك كتير حتي بعد مدخلنا المدرسة
- معلش بق هبق اروح بكرة معاكوا
- وانا أي اللي يضملي بق إنك هتروحي معانا مش هتروح عليك نومة زي النهارده
- يستي هقولك علي حاجه
- قولي

- لو رنيتي ومصحتش ورديت عليكي، اطلي خبتي علي الباب جامد ولو حد ز عقلك قوليله ياسمين قالتلي اعمل كدا
- مفيهاش زعل
- اشطا
- اشطا، سلام بق دلوقتي علشان حوده جه
- الله يخربيتك اهلك انتي وحوده بتاعك ده
- في أي يست
- ولا حاجه، سلام
- سلام

انتهت المكالمة الذي كانت بين ياسمين ورغد، وبعد ذلك تركت ياسمين هاتفها وذهبت الي الحمام وبعد ان خرجت من الحمام اخبرتها والدتها ان زميلتها في المدرسة تنتظرها في غرفتها، فاستغربت ياسمين عندما سمعت تلك الكلام من والدتها فظنت ياسمين انها رغد ولكن كيف فهي كانت تُكلمها من حوالي عشر دقائق، هل ممكن ان يكون حدث شيء معها ولكن بيت رغد يبعد عن بيت ياسمين حوالي 15 دقيقة فكيف جاءت اليها بتلك السرعة، ظلت ياسمين تضع افتراضات في عقلها حتي ايقظتها والدتها من شرودها قائلة لها: انتي واقفه بتعملي أي عندك، بقولك صحبتك جوا خشي شوفيها

- هي اسمها أي
- معرفش نسيت اسألها

دخلت ياسمين الي غرفتها وكان في اعتقادها انها رغد ولكن عندما دخلت كانت زميلة ياسمين مُعطية ياسمين ظهرها، ولكن استنتجت ياسمين ان تلك الفتاة لم تكن رغد لأن رغد جسمها ممتلئ قليلاً وتلك الفتاة كانت نحيفة، فذهبت ياسمين الي الناحية الأخرى من السرير لكي تري وجه تلك الفتاة ووضعت اناملها علي كتفها لكي تري من هي، واذا هي تتفاجأ بأنها حنين.

انصدمت ياسمين عندما رأت حنين امامها ولكن لم تُبين ذلك وحوالت الحوار الي مزاح وقالت ياسمين لحنين: أي يست الرعب ده

- رعب أي
- أصل ماما قالتلي زميلتك مستنياكي، فنا افكرتك رعد بس رعد انا لسه مكلماها من ربع ساعة ولما دخلت وشوفت ضهرك قولت دي مستحيل تكون رعد لان رعد شبه البقرة تخينة
- بس بيت عيب، مينفعش نتلكم في ضهرها
- يستي عادي انا بتكلم قدامها كدا وبتقعد تضحك
- طيب، انا جيت علشان اديكي كتابك
- أي ده، دنا نسيته خالص
- أي خدمة عدي الجمال بق
- حبيبي يعم
- صح انتي مجتيش النهارده لي
- صحيت متأخر
- دنا ورعد قعدنا نرن عليك كثير اووي وانتي مردتيش لحد ما رعد زهقت وقالت سيبك منها يلا نمشي
- طيب وربنا لوريها بكرة
- مهى بصراحة معاها حق فضلنا نرن عليك حوالي نص ساعة بحالها
- والله كنت نايمه، ومش عارفه ازاي مصحتش وكمان ماما علي طول بتصحي بدري، هي كمان صحيت النهارده متأخر
- كمان
- اه والله
- طيب مش مشكلة عادي
- انتوا اخدتوا أي النهارده في المدرسة

- بينتي المدرسين كلهم كانوا غاييين ما عدا مدرس واحد اللي هو مدحت بتاع الجغرافيا ده
- اه
- وجمعونا كلنا في فصل واحد وفضلنا نهزر ونلعب مع بعض
- ياه، يارتني كنت جيت
- بس كان يوم جامد اوووي النهارده
- خلاص يست عرفت انتي هتذلييني
- لا يست بهزر معاكي
- طيب
- انا همشي انا بق
- طيب متقدي معايا شوية كدا كدا مفيش غير ماما واختي بس في البيت
- معلى علشان ماما وبابا في البيت وانا قولتلهم اني مش هتأخر
- طيب
- عايزة حاجه
- شكراً، وشكراً علي الكتاب
- العفو علي أي، يلا سلام

قامت ياسمين لكي تُوصّل حنين الي باب المنزل، نزلت حنين علي السلم وأغلقت ياسمين باب المنزل عندما تأكدت من ان حنين خرجت من البيت كله

اخذت ياسمين كتابها وبدأت في تصفحه والتقليب فيه لأنها شعرت بنية المذاكرة الذي لا تأتي الا مرة كل 500 سنة - هههههههه - فتحت ياسمين دولابها لكي تأخذ اقلامها ثم بعد ذلك اخذت الطاولة الصغيرة المتنقلة التي كانت بجانب الدولاب وجلست علي سريرها وبدأت في فتح الطاولة ووضعها ثم بعد ذلك وضعت عليها الكتب والاقلام لكي تبدأ في المذاكرة

ولكن قبل ان تقول بسم الله الرحمن الرحيم لتبدأ المذاكرة تذكرت بلال وجاء في عقلها انه يمكن ان يكون ارسل لها رسالة وهي لم تأخذ بالها او ممكن ان يكون

علّق علي احدي صورها ولكنها تذكرت انه لا يوجد لديها صور خاصة بها علي ملفها الشخصي، فقامت بأخذ هاتفها الذي كان يوجد بجانبها علي السرير وفتحته لتجد انه لا يوجد اشعار من أي تطبيق ولكن فضولها دفعها الي الدخول الي تطبيق الفيس بوك لكي تري الاشعارات ولكنها ايضاً لم تجد أي اشعارات جديدة، شعرت ياسمين باليأس والحزن ولكنها تركت هاتفها لكي تذاكر وجعلت هاتفها بجانبها لكي تسمع نغمة الاشعارات وكانت ايضاً كل فترة تفتح الهاتف لتنظر الي الاشعارات ظلّت ياسمين تذاكر حوالي ساعة ونصف وبعد ذلك شعرت بالجوع الشديد علي عكس عاداتها فهي في بعض الأحيان كانت تفطر في الساعة 7 مساءً، ولكن مثل أي شخص لا يحب المذاكرة ان تشعر بأي شيء يلهيها عن التركيز في المذاكرة قامت ياسمين الي المطبخ وفتحت الثلاجة لتري أي شيء لتأكله، اخذت ياسمين علبه الحلاوة الطحينية من الثلاجة وقامت بإعداد سندويتش لها وبعد ذلك خرجت من المطبخ وذهبت الي غرفتها، ولكن قبل ان تدخل غرفتها لمحت والدتها سندويتش الحلاوة في يدها، فنادت والدتها وقامت بالكلام معها بنبره تشبه نبره الغضب:

- أي اللي في ايدك ده
- سندويتش حلاوة
- ده فطارك
- اه
- ازاي يعني، فطار أي ده يست هانم اللي الساعة 4 العصر
- يماما في أي
- هو أي اللي في أي، المفروض دلوقتي نسخن الغداء ونأكل مع بعض والست هانم عملالي سندويتش ولسه بتفطر، اسميه أي ده يعني يست هانم انتي
- يماما عادي، انا كنت بذاكر وجوعت وقمت عملتلي سندويتش عادي فيها أي
- فيها كتير، ومقولتليش لي قبل متعملي
- عادي يماما

- مفيش حاجه اسمها عادي، انا هقوم أسخن الاكل و هتقعد زي الجزمة تأكلي معانا
- ازاي، منا بأكل اهه وكمان عايزه اذاكر
- مليش فيه، مش هتطلعي دكتورة يعني
- يووووه، انا زهقت من الطريقة دي بق بجد
- اغبطي دماغك في الحيط، اللي مش عاجبه الباب يفوت جمل
- ماشي يماما
- يلا غوري

دخلت ياسمين غرفتها وهي منزعه جداً من والدتها وبسبب انها خلقت مشكله من لا مشكلة

أكملت ياسمين مذاكرتها وتركت السندويتش بجانبها علي السرير ولم تأكله وبعد مرور حوالي ساعتين من المذاكرة انهدت ياسمين كل ما كان متراكم عليها في المواد وتركت القلم، ثم قالت بصوت يدل علي الإنجاز والفرحة: جايلكوا يا شوية أوائل

بعد ان قامت ياسمين من علي سريرها وقامت بوضع الأقلام والكتب في دولابها ووضعت الطاولة المتنقلة في مكانها، النفقت لكي تجلس علي السرير فرأت سندويتش الحلاوة الطحينية الذي أعدته من حوالي ساعتين وقامت بلمسه لكي تجد ان العيش (نشف) ولكنها غصبت علي نفسها واكلته (ناشف) لأنها استحرمت ان ترميه، وبعد ان اكلته استغربت ياسمين من عدم مناداة والدتها لها لكي تأكل معهم، فخرجت من غرفتها لكي تسأل والدتها فوجدتها جالسة في غرفتها تتصفح هاتفها:

- أي يماما، منادتنيش لي علشان اكل
- مش قولتي إنك بتذاكري
- ايوا، بس انتي قولتي إنك هتناديني
- خلاص يا ياسمين روجي شوفي بتعملي أي

- حاضر

خرجت ياسمين من غرفة والدتها و متعجبة من شكل والدتها الان وشكل والدتها من حوالي ساعتين وهي تصرخ عليها بسبب انها اعدت لنفسها سندويتش لتأكله وهي تذاكر

ذهبت ياسمين الي غرفتها وكالعادة جلست علي سريرها وامسكت بهاتفها، وكانت تظن ان بلال لم يُرسل لها شيء ولكن عندما امسكت هاتفها وجدت اشعار من تطبيق (الفيس بوك) وعندما فتحت التطبيق وجدت ان الأشعار من بلال، فوجدت ان بلال ارسل لها إشارة ترحيب - شيء يُسمي اشاره ترحيب ويكون في محادثه أي اشخاص جدد -.

لم تعلم ياسمين ماذا ترد عليه وكان في بالها امرين، الأول ان تُرسل له رسالة تُرحب به فيها او ان تُرسل له اشاره ترحيب ايضاً، ولكن انتهى القرار بإرسالها له إشارة ترحيب.

خرجت ياسمين من تطبيق (الفيس بوك) وبعدها ظلّت تتصفح هاتفها وبعد مرور نصف ساعة وجدت اشعار من تطبيق (الفيس بوك) يقول لها بأن بلال أرسل لها إشارة ترحيب مرة اخري، تعجبت ياسمين من ذلك ولكنها أدركت انه ممكن ان يكون مُخرج من ان يُكلمها مباشرةً، ولكن ردت عليه بإشارة ترحيب ايضاً.

ظلوا ذلك يُرسلوا لبعض إشارات ترحيب حتي انزعجت ياسمين وقررت ان تبدء هي الحديث، ففتحت ياسمين محادثة بلال والذي كانت مليئة بإشارات الترحيب ثم اخذت نفس عميق لكي تتجنب التوتر وبعد ذلك قالت له: في أي هنقعد نبعت لبعض إشارات كثير

ولكن بعد ان أرسلت ياسمين تلك الرسالة احست انه ممكن ان يفهم انها منزعه من ارساله لها اشاره ترحيب، ولذلك مسحت ياسمين تلك الرسال ولكنها احتارت ماذا تُرسل له، فقررت ان ترسل له رسالة ترحيب وقالت له: عامل أي

وبعد مرور حوالي خمس دقائق من ارسال ياسمين الرسالة لبلال، رد بلال عليها وقال: زي الفل، وانتي

- انا الحمدلله، أي حنين عامله لي
- مهني صاحبتك وانتي لسه مكلماها اساساً صح ولا أي 😊
- اه
- طيب، اومال في أي
- لا بس انا مش لاقية كلام أقوله.
- يست عادي فكي 😊
- طيب 😊
- عامله أي في الدراسة ومعهم الامتحانات 😊
- زي اختك بالظبط مزنوقه زنقه الكلاب 😊
- ربنا معاكوا
- يارب
- وانت عامل أي في الدراسة
- لا انا بريح دماغي ومش بذاكر
- اومال بتخش الامتحان بتعمل أي
- بغش 😊
- اه، قول كدا بق دنا كنت فاكراك دحيح 😊
- لا لا، مليش انا في الشغل ده 😊
- زي اختك بالظبط 😊 😊
- طبعاً مش اختي 😊 😊

وقفت المحادثة عند ذلك، ولكن حدث ما لم يكن في الحسبان.

نصيحة من الكاتب:

أحياناً في بعض الناس باختلاف الأعمار، يتظن أنها لو كانت الطرف اللي بدء بالاعتراف بحبه قبل الطرف الثاني، فبتظن أنها كدا قللت من نفسها ومن كرامتها ومن شخصيتها قدام الطرف الثاني، بصراحة الموضوع بينقسم لقسمين القسم الأول لو الطرف الثاني شخصيه سوية الي حد ما، فهو هيشوف ان ده حاجه كبيرة ومثش أي حد بيعمل كدا دلوقتي في الزمن ده.

القسم الثاني لو الطرف الثاني شخصيه غير سوية، ممكن يكون بسبب البيئة المحيطة بيه او ممكن يكون شايف انه كدا أحسن من أي حد الطرف الثاني لو شخصيه غير سوية، هيبدا في استغلال الاعتراف ده لصالحه وهيبدا في التماذي علي الطرف الاول بأي صورة من الصور وحتى لو الطرف الأول واجه الطرف الثاني باستغلاله، هيبدا في التبرير لنفسه وهيطلع الطرف الأول هو اللي غلطان وهيجيب عليه كل الغلط، وكمان هيجلي الطرف الأول يشك في نفسه وفي مشاعره فخد بالك دي من أوضح العلامات الحمراء في العلاقات

13 - بداية الندم

- انت بتقول أي يبني انت؟؟

- زي مسمعتي

- لا مش زي مسمعت، اكيد انا فهمت غلط

- لا يا ياسمين فهمتي صح

- لا طبعاً

- لا أي

- مينفعش يا عمر

- أي اللي مينفعوش

علي الرغم من ان عمر وياسمين ظلوا حوالي شهرين ونصف يتكلموا مع بعضهم وأصبحوا أصدقاء مقربين من بعضهم ولكن رغم كل هذا لم تحكي ياسمين لعمر علي موضوع بلال، علي العكس من ان عمر حكي لياسمين علي كل شيء عنه، فهي كانت تعرف كل شيء عن عمر.

وبعد جدال شديد دار بينهم، قررت ياسمين ان تقول موضوع بلال لعمر لكي لا يفهم شيء اخر

وبعد ان حكت ياسمين موضوع بلال، رد عليها عمر أنه متفهم الأمر وتأسف لها علي ما قاله، وهي شعرت بالحزن والضيق من الموقف الذي وضعت فيه عمر ولكن لم يكن بوسعها شيء لتفعله

ظل الاثنان يتحدثوا بعد هذا الموضوع حوالي أسبوع وبعد ذلك توقفوا عن الحديث مع بعضهم، بسبب ان هاتف والدة ياسمين في الصيانة وسوف يظل مدة في الصيانة، لذلك ستعطي ياسمين هاتفها لوالدتها حتي يرجع هاتف والدتها من الصيانة .

وظل عمر وحيداً حتى انه ظن انها قالت له هذا لكي تبعد عنه بسبب انه اعترف لها بحبه ولكن لم يكن بوسعه ان يفعل شيء

وبعد مرور حوالي خمس أيام، كان عمر يشاهد التلفاز وكان هاتفه بجانبه وفجأة سمع صوت اشعار محادثه ياسمين - كان عمر مُخصص نغمة معينة خاصة بمحادثة ياسمين فقط حتي يعرف عندما يسمعه ان تلك الرسالة من ياسمين -

عندما سمع عمر صوت الاشعار تفاجأ وسرعان ما امسك هاتفه وفتح الرسالة ووجد مكتوب فيها: عمر يخربيتك وحشني الكلام معاك، انا عرفت أخذ الفون من ماما خمس دقائق بالعافية وقولت اكلمك وابعثلك رسالة، كدا كدا فون ماما قرب يتصلح وكلها يومين بالكثير ونرجع نتكلم تاني

فرح عمر كثيراً لرؤيته تلك الرسالة وتأكد من ان ياسمين لم تكذب عليه

قضى عمر يومه في مشاهدة التلفاز وتصفحه للهاتف، وبعد الساعة العاشرة مساءً ذهب الي سريره لينام

انتهي ذلك اليوم وانتهي اليوم الخامس من عدم حديث ياسمين معه الا تلك الرسالة التي أرسلتها امس وابتدأ اليوم السادس، قضى عمر يومه مثل باقي الأيام الماضية، ولكنه قرر ان يُشاهد فيلم علي جهاز الكمبيوتر الموجود في المنزل وبالفعل اختار عمر فيلم اجنبي، لم يختاره لأنه يعرف الفيلم او يعرف الممثلين لا ولكن اختاره لأن بوستر الفيلم لفت انتباهه، فتح عمر الفيلم والذي كانت مدته 3 ساعات، كان الفيلم طويل جداً ولكن بسبب احداثه المشوقة والممتعة لم يحس عمر بمرور الوقت، وبعد ان انتهى الفيلم كان عمر يريد ان يشاهد فيلم اخر ولكنه تذكر ان صلاة الظهر قد أدت فقام الي الحمام ليتوضأ ثم صلي صلاة الظهر، وبعد ان صلي فتح الفيلم الثاني الذي اختاره، وكانت مدته ايضاً ثلاث ساعات ولكنه لم يهتم للمدة وجلس ليشاهده، ولكن لم يُكمل عمر الفيلم بسبب ان احداثه كانت مملة جداً

بعد ان اغلق عمر جهاز الكمبيوتر شعر بالنعاس فنام عمر حوالي 5 ساعات

استيقظ عمر قرابة الساعة الثامنة مساءً ولكن علي غير عادته لم يمسك هاتفه فور استيقاظه، ولكنه كان جائع فطلب من والدته اعداد الطعام له وبعد ذلك جلس يشاهد التلفاز وهو يأكل ونسي هاتفه، وبعد مرور حوالي ساعة علي هذا الوضع تذكر هاتفه وتعجب من عدم امساكه لهاتفه، اتجه عمر الي غرفته لكي يأخذ هاتفه وبعد ان امسك بهاتفه فتح شاشة الهاتف ليتأكد من وجود اشعارات، وبالفعل وجد اشعار من تطبيق الواتساب ولكن هذا الاشعار قد وصل من ساعتين ونصف يعني ان ذلك الاشعار جاءه وهو نائم.

فتح عمر تطبيق الواتساب ليري تلك الرسالة فوجدها من ياسمين، فشعر بالفرحة الشديدة ووجد الرسالة مكتوب فيها: اخيراً اخدت فوني

- بجد ولا مامتك هتاخده تاني
- لا لا خلاص، تليفون ماما اتصلح
- طيب
- وحشني الكلام معاك اووي يخربيتك
- وانا والله اكثر منك
- لا لا انا اكثر بكثير
- لا انا
- هنشوف، كنت بتعمل أي بق في يومك
- والله يا كنت بتفرج علي أفلام او بلعب علي التيك توك شوية
- اهاا اشطا، بقالك كثير منزلتش قصص لي يعم انت
- مكسل والله
- مكسل أي بس
- والله يبنتي ببق مكسل اعمل أي حاجه اصلاً ده غير أني لازم وانا بسجل اظفي المروحة فبقعد ساعة كاملة من غير مروحة وحرانيا بموت من الحر وانتي شايفة الجو عامل ازاي
- اه شايفه، بس بردوا

- بردوا أي
- عايزاك ترجع تعمل قصص تاني، بجد كنت بحبها اووي وبحب اسمعها وانا قاعده لوحدي وانت بتعرف تدخل الواحد جوا القصة
- يجده
- اه والله، انت مستقل بنفسك ولا أي
- لا اكيد، بس معرفش إنك كنتي بتحبها كدا
- لا كنت بحبها وياريت بق تبطل مرقعة وتخلص وتعمل قصص جديدة بس تكون رعب اووي علشان انا بحب اسمع القصص الرعب اكثر منك، حرفياً بتخليني خايفه اخش الاوضة لوحدي 🤪
- 🤪 🤪
- والله يبني مش بهزر، ومعرفش انا حكتهك ولا لا بس قبل كدا كنت بسمع قصه كنت منزلها والقصة كانت رعب اووي وانا كنت مندمجة وقاعده علي السرير ومفيش غيري في الاوضة وكمان كنت قافلته النور والباب، حرفياً الاوضة كانت ضلمه كلها وكنت حاطه السماعة واي بق في قمة الاندماج، وفجاءة لقيت ملك خضتني مرة واحده وفزعتني فزعة حرفياً قلبي وقف فيها
- 🤪 🤪 🤪 يخربيتك، أي الضحك ده
- والله، حرفياً قمت ضربتها
- حقه 🤪
- انا اساساً لسه بقعد اسمع القصص كثير
- بجد
- اه
- طيب
- طيب أي ياض
- طيب وخلاص يست، انتي جايه تتخانقي
- لا، بس ليا مزاج اتخانق معاك

- لي بس، دنا غلبان حتي
- يلا بطل كذب، انت قادر اصلاً
- انا؟؟؟؟؟؟؟؟؟ (٥٦)
- ايوا استهبل استهبل
- خلاص يست اللي تشوفيه (٥٥)
- ايوا كدا جدع، ما علينا خلينا نرجع لموضوعنا
- أي هو
- القصص ياض بطل استهبال
- اهاا
- كتك او، ارجع نزل قصص تاني علشان انا بحبها ياض انت
- حاضر
- حاضر أي ياض
- في أي بيت انتي بتكلميني ولا أكني طليقك
- انت تطول
- لا مش عايز طول
- طيب، هترجع تنزل قصص صح
- هفكر
- 
- خلاص يست
- خلاص أي
- خلاص هنزل
- جدع، امتي بق
- لا معرفش
- هو أي اللي معرفش، انت بتاخدني علي قد عقلي ياض انت ولا أي
- لا يست

- او مال أي
- خلاص، هنزل انشاء الله الأسبوع ده قصه
- اشطا، ومتكسلش
- حاضررررررررررر
- وتكون رعب
- حاضررررررررررر
- جدع
- حاجه تاني
- تسلم يكبيررررر
- كبير أي بس، دنتي الكبير، انا محدش بيعرف يمشي كلامه عليا
- انا بق عرفت
- للأسف (٥٥)
- عندك مانع  
- لا طبعاً، برحتك يكبير، اهم حاجه متكونش زعلان احنا منرداش زعلك
بردوا
- ايوا كدا، جدع ياض
- انا علوز انام
- وانا، بس لا هنسهر نتكلم
- نتكلم في أي بس
- في أي حاجه، المهم نسهر وخلص
- يبنتي انتي حد مسلطك عليا
- لا، بس اكيد من اللي بتعملوا في الناس ربنا بعنتي ليك علشان اربيك
- حسبي الله ونعم الوكيل
- فمين ياض  
- فيا يست

- بحسب!!!!!!!
- ربنا علي الظالم والمفتري ☹️
- والقادر يخويا
- طيب وبعدين
- وبعدين أي
- هفضل عمالين نتكلم زي ريا وسكينه كدا كتير
- اه، انا بصراحة حباها
- ☹️ ☹️ انا زهقت
- وانا بردوا، ومش لاقيه حاجه اعملها
- لا، انا زهقت منك
- نعم يخويا
- زهقت
- من مين؟؟؟؟
- منك
- بتقولها تاني!!!!!!!، دنت عاوز تتربي بق
- خلاص انا اسف
- مكان من الأول لازم نزعق يعني
- أسفين يكبير
- خلاص يعم، سماح المرة دي بس بعد كدا منتسحبش من لسانك وتقول كلام
- انت مش قده
- حاضر، انت بس تؤمر
- حبيبي تسلم
- انا عايز انام بجد علشان صاحي من بدري، بجد مش قادر
- خلاص يعم روح اتقلب
- اتقلب؟؟؟

- اه في حاجه
- يبنتي انتي اخدي عليا اووي
- انت تطول يا ض انت
- مش عايز أطول
- طيب خلاص، روح اتخمد بق
- خلاص يعم، تصبحي علي خير
- وانت من اهله

انتهى حديثهم عند ذلك وذهب عمر الي النوم ولم تكن ياسمين تشعر بالنعاس فقامت بتصفح هاتفها ولكنها بعد حوالي ربع ساعة ملّت من تصفح الهاتف فقامت الي دولابها لكي تجلب منه سماعتها وقامت بتوصيل السماعة في الهاتف، وارتدت السماعة وبعد ذلك فتحت هاتفها ودخلت علي تطبيق المعرض ثم علي خانة الخزانة، فهي كانت تحتفظ بالقصص التي يصنعها عمر في مخزن الصور علي هاتفها، لكي تتجنب مسحهم عن طريق الخطأ، ولأنها كانت تحبهم ايضاً انتهت ياسمين من سماع القصة، والذي كانت حوالي ربع ساعة وبعد ذلك شعرت بالنعاس قليلاً فتصفح هاتفها حتي نامت علي نفسها كعادتها.

دعونا نذهب الي قصة سما ومصطفي قليلاً:

ظل سما ومصطفي علي حالهم هذا، ولكن زاد استغلال مصطفي لسما بشكل ملحوظ، حتي ان والده سما علمت ان سما تغيب من الحصص عندما اتصل عليها بعض المدرسين الذين يُدرّسوا لسما.

كان مصطفي شبة يومياً يطلب من سما المال، حتي وان لم يكن معها كانت تأخذ من فلوس الدروس دون علم والدتها او والدها ولكن كانت سما تحكي لعمر كل شيء عن علاقتها بمصطفي وكان ايضاً عمر يحكي لسما كل شيء عن علاقته بياسمين.

قبل دخول ياسمين حياة عمر وتوغلها في قلبه، كان عمر لا يحب سما ولا يحب الحديث معها حتي انه كان في بعض الاحيان لا يُسلم عليها عندما يذهب الي خالته بسبب انه كان لا يحبها وكان يعلم انها خبيثة برغم ان سنها صغير ولكنها كانت فتاة خبيثة لا يأمن لها احد وكان هذا الانطباع عن سما لم يكن عند عمر فقط فقد كان كل افراد العائلة عندهم هذا الانطباع عن سما لأنها كانت معروفه في وسط العائلة بأن اسلوبها وقح في الكلام مع الأكبر منها سناً وكانت تكذب كثير ايضاً حتي جاءت ياسمين وغيرت انطباع عمر عن سما وكانت هذا اول شيء في ابتعاد عمر وياسمين عن بعضهم، فقد كانت ياسمين تُحدث عمر عن سما وعن انها طيبة وليست خبيثة كما يظن البعض وهو كان يعارضها في كل شيء تقوله عن سما لأنه كان يعلم سما جيداً ويعلم انها خبيثة وليست طيبة كما تظن ياسمين فيها ولكن كانت ياسمين تقول هكذا علي سما بسبب ان ياسمين كانت فتاة طيبة وكانت تنظر الي كل من حولها بنظرة الطيبة والشفقة، حتي انه حدثت مشكلة كبيرة بين ياسمين وعمر تسببت في قطع الكلام بينهم يومين وكانت هذه المشكلة ان ياسمين حكت لسما عن علاقتها بعمر ولم تُخبر عمر انها سوف تقول لسما وفعلت ذلك من نفسها، والذي اغضب عمر اكثر ان ياسمين لم تقول لعمر بأنها قالت لسما لاااا بل انها لم تحكي له علي الاطلاق، وعمر علم الموضوع عندما تفاجأ بأن سما هي من تُكلمه لكي تسأل عن حال علاقته بياسمين

فكان في يوم ما تفاجأ عمر برقم غريب يرن عليه، فرد عمر علي المكالمة:

- الو
- ايوا يعمر، عامل أي
- مين
- انا سما
- سما مين
- بنت خالتك يبني
- اه، ايوا يسما ده رقم جديد ده ولا أي

كان عمر يضع رقم سما في قائمة الحظر، لذلك أدرك ان ذلك رقم جديد

- لا، بس ده رقم بابا، كنت برن عليك من رقمي لقيتك مش بترد
- اه، في حاجه ولا أي
- لا، كنت برن بطن عليك انت وياسمين
- ياسمين؟؟؟؟
- اه
- ياسمين مين
- هو في أي، انت وياسمين عاملين أي
- ياسمين مين بينتي انتي
- ياسمين جارتنا هنا
- ايوا مالها
- وانا مالي بيها
- بقولك أي، هي أساسا حكنتي علي حواركوا كله امبارح
- بجد
- اه والله

في هذه اللحظة تعصب عمر كثيراً من ياسمين، حتي ان جبهته امتلأت بالعرق من شدة الغضب ونسي ان سما تُكلمه وان المكالمة ما زالت مفتوحة

- الو.... عمر..... بيني
- ايوا يسما، معلش كنت بعمل حاجه
- بقولك عامل أي انت وياسمين
- الحمدلله كويسين
- او عي تزعلها
- لا متخفيش
- ماشي، عايز حاجه
- لا شكراً

- باي
- سلام

اغلق عمر المكالمة مع سما وفتح محادثته هو وياسمين، وكان يسجلها (My)
every thing، وقال لها وهو متعصب جداً:

- ياسمين

ردت عليه ياسمين بسرعة لأنها كانت تُكلمه قبل ان ترن عليه سما

- أي
- انتي مقولتليش لي إنك قولتي لسما
- قولتلها أي
- ياسمين بطلي استهبال
- مش بستهبيل، قولتلها أي
- قولتلها علي اننا نعرف بعض وبنتكلم
- عادي
- هو أي اللي عادي
- عادي يعمر في أي
- قولتلها لي من غير متقوليلي
- يبني عادي، سما مش هتقول لحد
- لا هتقول، دنتي مكلفتيش خطرنا وقولتيلي إنك قولتلها
- عمر، متخفش قولتلنا سما مش هتقول لحد ولو قالت انا ماسكه عليها حجات
بردوا
- انتي متعرفيش سما
- لا اعرفها
- والله العظيم متعرفيها، هي اكيد قالت لخالتي علشان دي بتقول أي حاجه
لخالتي وانا حضرتك قبل كدا وقولتلناك متقوليش لسما حاجه صح

- ايوا
- ممكن اعرف بق مسمعتيش الكلام لي
- عمر، بجد عادي انت مكبر الموضوع اووي
- لا مش مكبر الموضوع علشان اساساً الموضوع كبير وانتي متعرفيش سما
- زي منا عارفها
- لا والله اعرفها كويس
- طيب مع نفسك بق
- هو في أي، انت بتتكلم كدا لي
- بتكلم كدا علشان حضرتك مسمعتيش الكلام ولا أكن في حد بيكلمك
- يعمر مش كدا والله، بس كنا قاعدين امبارح مع بعض وقعدنا نتكلم شوية
- وهي قعدت تقولي علي مصطفى وقعدت تكلمني في حاجات تانيه وفي الاخر
- قعدت تزن علشان عايزه تعرف انا بكلم مين قومت قولتلها كل حاجه
- ومقولتلش لي انك قولتلها
- علشان كنت عارفاك هتزعقلي
- والله
- اه والله
- ياسمين
- اي
- سلام ونبق نتكلم بعدين
- في أي يعمر
- مفيش حاجه، ياريت بق نتلكم بعدين علشان لو اتكلمت دلوقتي هنزل عل من
- بعض جامد
- ماشي سلام
- انهي عمر المحادثة عند ذلك لأنه كان غضبان بشده من ياسمين وما فعلته حتي
- انها لم تقل له انها اخبرت سما

ظل عمر يتصفح تطبيق التيك توك حتي شعر بالنعاس ونام علي نفسه وكان علي غير عادته ان ينام بالنهار

كانت ياسمين تشعر بالذنب والشك في نفس الوقت، الذنب انها جعلت عمر يغضب جداً ولم تقل له برغم انه حظرها من فعل ذلك، والشك انها بدأت تشك في سما وتحاول ان تصدق كلام عمر عن سما وعن انها لا يوتمن لها

استيقظ عمر قرابة الساعة الواحدة بعد منتصف الليل وقبل ان يتحرك حركه واحده امسك بهاتفه ليتأكد من وجود رسائل جديدة ولكنه تفاجأ من عدم وجود رسائل مُرسله، فقال في نفسه: ماشي، ولا انا هكلمك.

كان يقصد بتلك العبارة ياسمين لأنها لم تُرسل له رسالة تعتذر فيها عما فعلته ولكنه غضب منها أكثر وأكثر

في الناحية الأخرى عند ياسمين، كانت ياسمين كل بضع دقائق تفتح محادثة عمر لتري انه متصل ام لا وظلت هكذا حتي جاءت الساعة الواحدة بعد منتصف الليل وفجأة وجدت مكتوب اسفل محادثة عمر (متصل الان)، ظنت انه سوف يتحدث معها ولكنها انزعجت بعدما رأت ان كلمه متصل الان اختفت، فقالت في نفسها: انا مش حاسة اني انا غلطانة، مش عارفة هو بيعمل معايا كدا لي

كان الاثنان لم يريدوا ان يُحدّثوا بعضهم وكلاهما لا يروا أنفسهم مخطئين، ولكن رغم ذلك فقد كان كلام عمر صحيح بنسبة 98%، لأن سما كانت بالفعل قالت لوالدتها

بعد مرور يومان علي هذا الوضع، وجد عمر اثناء تصفحه لهاتفه مكالمة من سما من نفس الرقم الذي اتصلت به المرة الماضية فهو نسي ان يضع الرقم في قائمة الحظر.

اخذ عمر شهيق طويل ثم زفير طويل وفتح المكالمة:

- الو

رد عليها عمر بنفاد صبر وخنقه: ايوا يسما، في حاجه ولا أي

- لا مفيش بس كنت عايزه اكلمك في موضوع كدا

عندما سمع عمر ذلك ضغط علي خيار كتم الصوت وقال بصوت مسموع: والله العظيم مش ناقصك يسما نتي التانيه

وبعد ان قال هذا، الغي خيار كتم الصوت وقال: قولي

- انت متخانق انت وياسمين لي

- انتي مين اللي قالك

- هي

- عادي هو خلاف حصل مبنا

- اللي هو أي الخلاف ده

- سما، انتي عايزه أي

- عايز اعرف متخانقين لي

- لي

- عادي

- لا مش عادي، هي حاجه متخصصكيش يسما وملكيش دعوة بأي حاجه

تخصني انا وياسمين ماشي

- انت بتتكلم كدا لي

- أتكلم براحتي

- لا مش براحتك

- لا براحتي، انتي ملكيش دعوة بيا انا وياسمين، احنا حريين مع بعض نتخانق

نولع فبعض انتي ملكيش دعوة خالص

- عادي يعمر انا زي اختك

- لا مش زي اختي واساساً اختي مش بقولها حاجه، ثانياً انا مش بسألك عن

علاقتك انتي ومصطفي عامله ازاي يبق متسألش عني انا وياسمين

- انت بتهددني يعني ولا أي
 - اعتبريها زي متعتبريها
 - ماشي يعمر، والله لقول لكله عليك انت وياسمين
 - ماشي وانا هقول لكله بردوا عليكي انتي ومصطفي وإنك مصاحبه حد متجوز وبتصرفي عليه وبتخنصري فلوس الدروس وبتديهاله وفي حاجات تانيه لو عايزه اقولها لك هقولها
 - انا غلطانة يعني اني كنت بحكيك وبقولك كل ده
 - لا مش غلطانة وانا مطلعتش كلامك برا لكن انتي بتقولي هقول لكله عليك انت وياسمين وانا بقولك ماشي قولي وانا هقول بردوا علي حوارك انتي ومصطفي وعلي كل حاجه بق
 - ماشي، انا هعرفك ازاي تهددني
 - اللي عندك اعمليه ولو كلمتي ياسمين تاني قسماً بالله لقول كل حاجه لأخوكي علي طول وهو هيعرف بق يتعامل معاكي ازاي
 - هنشوف
- لم يرد عليها عمر ولكن من حسن حظه ان هاتفه يُسجل المكالمات بمفرده، فأخذ عمر تسجيل المكالمة وارسله لياسمين لكي يُثبت لها ان كلامه كان صحيح ولم تمر خمس دقائق حتي ردت ياسمين علي ما ارسله لها عمر، ولكن قبل ان ترد ياسمين قال لها عمر: شوفتي ايه انا كان عندي حق وكلامي في الاخر طلع صح
- انا بجد مش مصدقه اللي سمعته
 - لا صدقي، علشان انتي فاكره نفسك الصح والباقي غلط
 - عمر مخلص بق، وبطل اسلوبك ده
 - أسلوب أي، انتي عايزاني اكلمك بأنه أسلوب معلى، ده حتي انتي مكلمتنيش
 - تعتذري حتي
 - واعتذر لي
 - لا ابدأ معملتيش حاجه

- عمر بالله خلاص، سيبك من خناقنا دلوقتى وخلينا نتكلم في موضوع سما
- نتكلم فيه نقول أي
- نشوف هنعمل أي
- مفيهاش عمل، انتي مش سمعتي ان هي قالت لخالتي كل حاجه
- ايوا سمعت
- او مال أي
- ايوا طب انت في دماغك أي اللي ممكن يحصل لو خالتك قالت لمامتك علي
- اننا بنتكلم
- معرفش، بس اكيده يحصل مشكله في البيت خصوصاً ان العيلتين بينهم
- مشاكل وانت عارفه حاجه زي كدا
- ايوا عارفه
- دي غلطتك انتي واستحليلها
- يعمر متقعدش تقولي غلطتك
- او مال اقولك أي
- متقولش، انا عارفه اني غلطت بس وحياتك عندي مكنت اعرف ان سما
- ممكن تعمل كدا
- خلاص يا ياسمين حصل خير
- خلاص علشان خاطري، متزعلش مني انا اسفه
- خلاص مش زعلان
- طيب
- خشي كلمي سما بق وقولها انتي فعلاً قولتي لمامتك علي موضوعنا انا
- وعمر
- اشمعنا
- علشان ممكن تكون بتكذب عادي
- حاضر، انا هرن عليها فون بدل مكلها شات
- ماشي بس انجزي

- حاضر

رنت ياسمين علي سما، لكي تقول لها ما اتفقت عليه هي وعمر

- الو

- ايوا يا ياسمين

- أي عامله أي

- الحمد لله كويسة

- انتي كلمتي عمر

- اه

- لي

- علشان كنت بسأله انتوا عاملين أي مع بعض

- اשמعنا

- عادي

- ماشي، هو قالي إنك قولتيله إنك قولتي لمامتك علي موضوعنا، ده بجد ولا

بتقولي كدا

- لا بجد

- لي يا سما عملتي كدا، منتي عارفه اننا ممكن كدا نبعد عن بعض لو حد

عرف علشان انتي عارفه كويس ان العيلتين في مشاكل بينهم

- انا قولتلها عادي يا ياسمين فيها أي يعني

- لا مش عادي

- متخفيش يا ياسمين، كدا كدا ماما قالتلي انها مش هتقول لحد وقالتلي هما

براحتهم

- بجد ولا بتهزري

- لا بجد

- ماشي، عايزه حاجه

- لا شكراً

- طيب، سلام

انتهت ياسمين مكالمتها مع سما ثم دخلت علي محادثه عمر لكي تخبره بما قالته لها
سما

- عمر

- أي

- انا كلمت سما

- وقالتيك أي

- قالتي انها فعلاً قالت لمامتها بس قالتي ان مامتها قالتها انها مش هتقول لحد

- بجد

- اه والله

- بصراحة انا مش مصدق سما

- ولا انا بس هنعمل أي

- ولا حاجه، بس بعد اذنك متجيبش سيره لسما تاني عن موضوعنا

- يبني مش انا اللي بقولها بس هي اللي بتسأل

- لو سألتك تاني قولها اننا سبنا بعض علشان ميحصلش مشاكل

- حاضر

- وعد

- وعد

انتهى محادثه عمر وياسمين عند ذلك، وبالفعل بعد عدة أيام حاولت سما ان تتصل
علي عمر لكي تسأل عن سما ولكنه وضع رقمها في قائمة الحظر ولكن كانت سما
شخصيه تحب ان تدخل نفسها في مالا يعنيهها، فتصلت سما علي ياسمين لكي
تسألها عن علاقتها هي وعمر فقالت لها ياسمين ان هي وعمر انفصلوا عن بعض
لكي لا يحدث مشاكل وحاولت سما ان تعرض المساعدة علي ياسمين لكي ترجع
الي عمر ولكن ياسمين رفضت وبعد ان انتهت محادثه سما مع ياسمين دخلت
ياسمين علي محادثه عمر لكي تخبره بما حدث وبعد ان قالت لها شعر الاثنان بأن

الموضوع بذلك قد انتهى ولكن خاب ظنهم فسمما لم تفتنع بما قالته لها ياسمين
وحكت لوالدتها كل ما حدث، واخبرتها والدتها عندما تري ياسمين واقفه اسفل
منزلها تُناديها لكي تتحدث معها .

14- جرح النفس

بعد ان طالقت المحادثة بين ياسمين وبلال، شعرت ياسمين بالحماس لكي تعترف لبلال بحُبها وكانت ياسمين تتحدث مع بلال شبه يومياً لمدة أسبوع، وفي أحد الأيام اثناء كلامهم قالت ياسمين لبلال:

- بلال
- نعم
- عايزه اقولك حاجه
- قولي
- بس متزعلش مني
- مش هزعل بس قولي
- انا بصراحة كدا
- بصراحة أي، متكلمي كلامك
- انا بحبك
- أي
- بحبك
- زي الاخوات
- لا
- اومال أي
- بحبك ببلال، ما اكيد المعني مفهوم
- ازي يعني بتحبيني
- يعني بحبك ببلال في أي
- بصراحة انا مش بحبك بس بكلمك تسليه

في هذه اللحظة شعرت ياسمين بسكين يخترق قلبها بسبب ما سمعته

- تسليه؟؟

- اه اخوات يعني وكدا

- يعني انت شايف كدا

- ايوا

بعد ان قال لها بلال ذلك، قررت ياسمين ان تضع بلال في قائمة الحظر ولا تكلمه مرة اخري وقررت ايضاً ان تحكي لرغد كل ما حدث وقررت ايضاً ان تبعد عن حنين

وبعد ان حكت ياسمين لرغد كل ما حدث، غضبت رغد كثيراً وقالت لها:

- لي يا ياسمين مقولتيش ليا كل ده من الأول

- معرفش، بس مكنتش عايزه أقول لحد وبالله عليكي متزودي عليا علشان انا

مش مستحمله اصلاً

- ماشي يا ياسمين حصل خير خلاص، وبعدين انتي هتعملي أي مع الواد ده

- مش هعمل حاجه، انا عملتله بلوك وخلاص وكدا كدا هبعد شوية عن حنين

- ماشي، هو كدا كدا اللي خسرك مش انتي اللي خسرتيه، معرفش ازاي رفض

القمر ده

- خلاص يا رغد متجيبش سيرته بعد اذنك

- حاضر

ظلت ياسمين حزينة ومكتئبة حوالي سنة ونصف، وبعد ان تعافت من الحزن والاكئاب بمساعدة رغد، أصبحت تكره الجنس الاخر بكل اشكاله حتي جاء عمر الذي كان السبب في التفرقة بينهم خالة عمر وابنتها

بعد ان اطمئن الاثنان لسما ومن ان الموضوع انتهى في عقل سما، رجع الاثنان
مثلما كانوا ولكن في يوم من الأيام شعر عمر بالضيق من ياسمين بسبب انه حاول
الاعتراف لها وهي رفضته وبرغم ذلك فهو يفعل لها كل أفعال الحب لكي تأخذ
بالحب ولكن دون جدوى
وفي أحد الأيام قرر عمر الاعتراف لياسمين بحبه للمرة الثانية لعلها تقبل حبه
وتبادله نفس المشاعر.

- ياسمين
- أي
- عايز أقول علي حاجه
- قول
- من الاخر بق كدا انا بحبك
- تاني يعمر
- ايوا تاني يا ياسمين
- محنا قفلنا الموضوع ده يعمر، أي اللي فتحه تاني
- اتقفل من عندك انتي لكن من عندي عمره متقفل
- يعمر انا شرحتك موقفي ومشاعري، ياريت تقدر حاجه زي كدا
- انا مقدر، بس تعالي نجرب مش هنخسر حاجه
- لا هنخسر يعمر
- هنخسر أي
- هنخسر ان احنا لو ارتبطا وحصل أي حاجه وبعدنا احنا الاتنين هنخش في
اكتئاب تاني
- لي باصه لكدا، ما ممكن ميحصلش كدا
- لا وممكن يحصل، وياريت بق علشان خاطري تقفل الموضوع ومتفتحوش
تاني
- ماشي

شعر عمر بالحزن الشديد ولم يُكلمها حتي نهاية اليوم، وشعرت ايضاً ياسمين
بحزن عمر فقررت الاتصال به لكي لا يكون حزين

- الو
- ايوا
- أي يبني فينك كل ده
- مكنتش ماسك الفون
- لي
- عادي
- انت لسه زعلان
- لا عادي، كل واحد حر
- يعمر بجد متزعلش، انا اسفه والله
- خلاص يا ياسمين
- يعني بجد مش زعلان
- لا خلاص
- اشطا
- أي صوت الوش اللي جنبك ده
- انا قاعده في الشارع
- لي
- علشان النور قاطع في المنطقة كلها والجو حر، ومتخفش كدا كدا انا قاعدة
تحت البيت عندنا مش ناحية بيت خالتك
- ماشي
- بس انا قلقانه من حاجه
- أي
- خالتك وسما، كل شوية يبصوا عليا وانا بكلمك
- طب اطلعي يا ياسمين أحسن، بدل ميحصل مشكلة

- حاضر، خليك معايا متقلش، انا هطلع البيت ونكمل كلامنا
- ماشي

وكانت المكالمة مفتوحة اثناء صعود ياسمين علي السلم لكي تدخل بيتها، ولكن قبل ان توصل الي الدور الذي به شقتهم نادت عليها سما واخبرتها بأن والدتها تريد ان تتحدث معها، فقالت لها ياسمين: ماشي هجيب حاجه وجايبه

- عمر
- أي
- انت سمعت حاجه
- لا
- سما بتقولي امي عايزه تكلمك
- لي
- معرفش
- طيب اقفلي وروحي كلميها وبعد كذا اطلعي وكلميني
- ماشي

وبعد ان أغلقت ياسمين المكالمة، ذهبت الي والدة سما لكي تتحدث معها، وكان ملخص الحوار الذي دار بين ياسمين ووالدة سما.

قالت والدة سما لياسمين:

- أي يا ياسمين عامله أي
- الحمدلله يخالتي، انتي عامله أي
- الحمد لله، أي بق موضوعك انتي وعمر
- موضوع أي، موضوعنا خلص من بدري وسما عارفه كذا
- متكديش بس، منا عارفه إنك لسه كنتي بتكلميه
- كنت بكلم واحدة صحبتي
- لا بطلي كذب بدل مطلع أقول لامك

- ماشي يخالتي
- بصي، انتي زي بنتي وهقولك علي اللي فيها
- ماشي
- عمر بيتسلي ويلعب بيكي كل ده ومش بيحبك زي مبيقول وانتوا لسه
- صغيرين علي الكلام ده
- مين اللي قالك كدا يخالتي
- عمر قالي كدا، وقالي كمان انه شوية وهيسيبك
- بجد
- ايوا بينتي
- ماشي يخالتي خلاص انا مش هكلمه تاني
- وعد
- وعد

وبعد مرور حوالي ربع ساعة تفاجأ عمر من ان ياسمين وضعت حساباته كلها في قائمة الحظر، حتي انه حاول الاتصال بها ولكن ايضاً وضعت رقمه في قائمة الحظر

وبعد مرور خمس دقائق وجد عمر ان خالته تتصل به:

- الو
- ايوا يخالتي
- أي يحبيبي عامل أي
- الحمدلله
- أي بق موضوعك انت وياسمين
- موضوع أي
- لا متصيعش، انا لسه مكلمه ياسمين وهي قالتلي انها مش هتكلمك تاني
- بجد
- ايوا

- ماشي يخالتي خلاص
- خلاص أي
- خلاص مش هكلمها تاني
- ماشي يحبيبي، عايز حاجه
- شكرا

شعر عمر بالحزن والضيق الشديد، حتي انه في ذلك اليوم لم يستطع النوم من شدة الحزن.

وبعد ذلك حدث خلاف بين سما وعمر فقالت سما لكل العائلة علي موضوعه هو وياسمين الذي انتهى منذ فترة، وايضاً حكي عمر للعائلة كلها عن موضوع مصطفى

وعندما علمت العائلة صار مشاكل كبيرة في العائلة، وكان أي شخص علم بالموضوع في العائلة كان يلقي اللوم علي عمر بسبب حبه لتلك الفتاة من تلك العائلة

أصيب عمر بالاكئاب لفترة كبيرة ولم يستطع الخروج منه ولكي تُخفي والدته سما مصيبة ابنتها قامت بفضح ياسمين في الشارع وقالت لكل الناس عن علاقتها بعمر، وهي كانت مجرد علاقة عادية لا يوجد فيها أي شيء للفضيحة او العار، ولكن نحن نعيش في مجتمع متخلف - يري ان شرف الفتاة يختفي عندما تتحدث مع شخص وتحبه بدون وجود أي رسميات، فاغلبه مجتمعنا يري ان شرف الفتاة في جسمها وليس في اخلاقها -.

مميزات و عيوب كل شخصية:

سما: بالنسبة ليا انا ككاتب فشخصيه سما مثال للبننت الحشرية زي مبيقولوا
بالمصري، وكمان الشخصية دي فيها عقد كتير زي عقده الاستمتاع بتخريب حياة
الناس، وعقدة السن علشان هي ارتبطت بشخص أكبر منها بكثير
وبصراحة انا مش شايف فيها أي مميزات

مصطفى: شخصية مصطفى مثال للشخص المستغل مادياً الغير مكتفي باللي معاه،
يعني هو متجوز ومخلف وكمان واهم بنت أصغر منه انوا بيحبها وكمان بيستغل
مشاعرها وبيستغلها نفسياً، لا وكمان كان بياخد منها فلوس يعني بالمعني كانت
بتصرف عليه فده مثال لأشباه الذكور

والدة سما: والدة سما من رائي انا هي شخصية عايزة بنتها تكون من أحسن الناس
وتكون هي الوحيدة المرغوبة عن كل البنات، برغم انها عارفه أفعال بنتها ولكن
هي ايضاً مستغله

بلال: من وجهه نظري ان بلال يمكن ان يكون شخص عادي رفض الارتباط
بياسمين لأنه يعتبرها مثل اخته، ولكن فيما بعض علمت ان بلال أخبر اخته عن
اعتراف ياسمين له وانه كان يريد اللعب بها والتسلية، فهو ايضاً مستغل عاطفياً

ياسمين: ياسمين فتاة يُعتبر بداخلها طفلة سنها ثابت لا يتغير، تُعامل كل الناس وكأنها طفلة وليس كأنها بنت عاقلة سنها كبير، ومن عيوبها انها تتعلق بسرعة وايضاً تريد كل شيء بيدها وتحت امرها

عمر: من مميزات عمر انه يفهم الشخص الذي يُحدثه بسرعة وايضاً يفهم كيف يتعامل مع البشر ما عدا الجنس الاخر، فكانت تربيته تحرمه من التعامل مع الجنس الاخر برغم ان عنده أختين ولكن كانت تربيته معقده الي حد ما، ومن عيوب عمر انه اذا تعصب يقول أبشع الكلام الذي يمكن ان يأذي الاخر نفسياً، ولكنه تعافي من ذلك بعد ان ضاع منه أقرب شخص له

اريد ان اكتب الكلام القادم باللهجة المصرية لكي أستطيع توضيح مشاعري وارائي

اظن ان الرواية كانت ممتعة شوية، وممكن تكون النهاية حزينة لبعض الناس وممكن تكون درامية لبعض الناس بردوا، بس انا كتبت الرواية دي علشان أقدر أصلح مشاعري اللي شبه مبعثش موجودة بسبب البيئة المحيطة بيا واللي انا عايش فيها

بس ممكن تكون الرواية دي مشابهه لأي قصه من القصص اللي بقت كتيرة اليومين دول

من الاخر الرواية دي لو وصلت للشخص المقصود فأحب اقولك إنك نقطه تغير كبيرة اووي في حياتي ومحدث يعرف مدي التغير اللي حصلي بسببك انتي عندي واحده ومش هيجي زيك تاني في حياتي او حتي لو جه حد فمش هياخذ مكانك مهما عمل او مهما حصل

صح انا نسيت أقول حاجه مهمة، لحد دلوقتي وانا بكتب الكلام ده مفيش غير شخص واحد يعرف عن موضوع الروايه ده، وكمان هو عرف بالصدفة

تم البدء في كتابة الرواية يوم 8 فبراير 2024

تم الانتهاء من كتابة الرواية يوم 15 أغسطس 2024

احياناً يكون الاقتراب خطر ولكننا نمر به
ظناً منا ان الخطر يمكن أن يتحول الي

نعيم

الكاتب

إبراهيم هاشم